

THE UNIVERSITY OF CHICAGO

CHICAGO, ILLINOIS

欽定平定雲南回匪方略卷三十九 己巳年

九月初十日

戊寅

岑毓英奏言

臣

查附省逆匪占

踞後路各城援賊往來不絕又有鹽井以資其
用故敢於抵死不退非分兵收復各鹽井並奪
回各要隘軍務難望得手查昆陽州屬之海口
地方與碧雞關等處毗連爲昆池瀉水之處四
面懸巖中有二十八村其中灘新街二村尤爲

險要逆首楊振鵬現踞昆陽州城分黨踞守該處相爲犄角臣派岑毓寶帶領兵勇二千餘名會合張保和一軍進剿先將海口二十六村收復七月十五日新街中灘賊巢均經官兵攻破先後斬擒悍賊及撲水死者不計其數海口一律肅清李維述亦於是日分派都司張士進等帶兵二千餘名由祿豐進攻鹽井先將秧草地

川浪穹鶴慶麗江劍川永北緬甯威遠新興澂
江等府廳州縣三十二城現在迤西賊匪尙據
大理等九城東南開廣臨安各屬餘匪亦未肅
清雖經分撥將弁相機進剿但臣等愚昧布置
恐未合機宜謹遵

旨繪圖貼說恭呈

御覽
奏入報

八月二十四日

壬午

劉嶽昭岑毓英奏言河西縣

屬有大小東溝二寨依山傍澗地勢險峻大東
溝賊首馬成麟小東溝賊首合輜治各擁悍匪
數千互爲犄角節次官軍進剿均未得手提臣

馬如龍於上年冬月率隊進紮東山梁海村一
帶偵知賊於要隘密布營壘層層阻截壘前盡

是水田難以制勝惟西路曲陀關等處小道尙
可進兵遂令副將賽春回目馬天順楊先芝等
分道進發又令遊擊王正坤於河東盧張聲勢
以攻其前而自率遊擊陸得成等繼進策應各
路鑿險縋幽人有爭先之志甫至杜家營賊拚
死來戰我軍槍礮齊施斃匪數十名復短兵相
接陣殄賊酋馬四代等斬首百餘級賊潰回老

巢正月二十五日馬天順等進至關箐河賊伏
兵叢莽突出抗拒兵練奮擊賊殊死戰楊先芝
大呼陷陣斬紅衣賊目二人賊勢少卻楊先芝
追敵中槍其弟楊茂芝救之同時陣亡馬和張
御鶴揮軍援勦殪賊百餘名連踏賊營礮五座
我軍卽於該處分紮二十九日馬如龍行次甸
苴壩關家營路險窄不容騎乃舍馬步行攀藤

賊壘攻破十六日乘勝連克鸚哥哨一帶賊壘
二十餘座殪賊無算立將元興井克復並分克
草溪井阿陋井追賊至廣通縣屬之捨資汛地
方亦將該處賊壘攻破僞大司旅馬錫晉收集
餘匪踞守永濟井官軍奮力環攻十九日馬錫
晉赴張士進軍前乞降當將永濟井收復楊玉
科等軍亦次第攻克黑井琅井所獲賊鹽均分

賞出力兵勇及祿豐各營士卒李維述於捨資
克復後探悉祿豐賊匪因迤西大路被官軍截
斷分黨潛越山徑繞出廣通縣屬之羅川地方
卽派軍前往攻剿於二十二日將該處賊壘攻
破進攻廣通縣城岑毓寶於海口克復後率隊
馳赴安甯連克小村草鋪一帶賊營碉樓二十
餘座進攻安甯州城其圍攻易門縣城之何秀

林一軍於八月初一日將縣城攻破殲除僞大將軍布維興等多名易門縣境一律肅清迭據各該員等稟報並解驗各處搜獲僞印僞札前來臣查易門捨資羅川等處業經官軍攻破祿豐賊匪已在網中惟昆陽新興二城逆匪盤踞日久恐非旦夕能下臣已飭田仲興等深溝高壘嚴密圍攻並飭岑毓英等併力夾攻安甯以

期迅速克復至附省賊壘臣親督各營逐日攻
勦務將此股逆匪聚而殲旃則迤西各城均不
難於恢復其澂江昆陽新興等處更可迎刃而
解矣所有各處出力人員及陣亡文武員弁容
臣查明分別彙案奏懇

恩施奏入

上命軍機大臣傳諭劉嶽昭岑毓英曰雲南附省賊匪

屢恃後路聲援未斷並有鹽井以資其用築壘抗拒
官兵現經岑毓英派令李維述等節節進剿次第將
易門縣城及黑琅等處鹽井收復並攻破海口等處
賊巢剿辦尙屬得手卽著岑毓英飭令田伸興各軍
會合岑毓寶等乘勝進攻迅將安甯州城克復次第
規取昆陽新興該撫務當親督各軍將附省賊壘悉
數掃除毋留餘孽並著劉嶽昭懍遵疊次諭旨將省

城勦匪事宜與岑毓英會商辦理唐友耕一軍近日
勦賊情形若何並著查明具奏

十七日

乙酉

劉嶽昭奏言

臣

查昭通魯甸漢回構

釁緣唐友耕原籍昭通所部名爲川軍實俱滇
練昭通民本强悍漢回又夙有嫌隙增以唐軍
六千之衆遂有恃而不恐共以復仇爲詞請留
援軍先辦昭回於是魯甸威甯各處回民間風

據險疊出剽掠東昭大路遂多梗塞臣已飭署

昭通鎮總兵全祖凱等馳往體察情形相機辦

理詎料全祖凱到後唐軍已與回衆接仗數次

互有損傷全祖凱暫就龍寶山要路紮營亦經

回衆前來攻撲勢將不可收拾惟此次回民倉

卒生變始因滅回之謠繼求自全之計與他處

公然叛逆者不同臣現咨請崇實吳棠催令唐

友耕迅卽拔隊援省毋爲浮言所動一面飭全
祖凱明予解散暗爲隄防並加派前署昭通鎮
總兵楊盛宗添募勁練一千名前往會辦如唐
友耕業已開拔而昭魯回民依然負固自當立
予殲除設或唐友耕擁兵不進依違其閒旣已
開釁於事前復置省圍於不顧臣亦當會同撫
臣據實奏參現在尋甸善後漸次告竣臣定於

八月二十六日起程進省與撫臣提臣會籌一切和衷共濟以期迅解城圍

劉嶽昭又奏言據岑毓寶等稟報該軍圍攻安甯州城自八月初八日攻破城外賊壘後督率兵勇晝夜攻城賊匪軍火將盡槍礮漸稀十七日官軍四面架梯登城鏖戰多時殲賊甚衆餘匪由西門衝逃經何秀林沿途截殺擒斬殆盡

安甯州城內外一律肅清

同日岑毓英奏言據各路軍營稟報楊玉科等軍於八月初六初七等日次第攻克大姚廣通縣城附省賊匪後路被阻十分驚惶臣督各營

官兵晝夜進攻每於陣前宣示首先獻營出降者免死十二日臣同李家福在南門外督戰提臣馬如龍創口未愈亦力疾同赴陣前適有賊

目段成功隻身前來乞降據稱南門外西嶽廟
一帶賊壘碉樓二十餘座均係該目所轄願將
各營獻出以斷江右館賊匪後路臣許以立功
贖罪該目導引官兵立將各營一律換紮復隨
同進攻未降賊壘是夜官軍皆未收隊臣會同
馬如龍李家福督率任士斌等圍攻南面江右
館各賊壘鍾福俊等攻其西熊遇周等攻其北

劉步龍等由桃園兜勦普吉賊壘馬忠由灰灣
西山攻碧雞關韓璉由墨雨龍潭攻花紅園官
軍人人奮勇十四日自丑刻至亥刻攻破南面
天台寺一帶賊壘二百餘座斬擒無算惟逆首
楊崇章安文義蔡廷棟等率悍賊千餘名踞北
門外江右館大街米暎山率黨五千餘名踞北
門外之馬村劉成率黨二千餘名踞西門外之

土堆村堡查江右館大街約長里許逆匪築壘
十餘座踞守甚堅馬村背山臨河繞村水壕寬
深數丈極爲險固官軍晝夜環攻傷亡不少兵
勇人人憤極踐屍而進任仕斌等由西面攻入
柳明泰等由東面攻入連破賊壘十餘層遂克
江右館生擒逆首楊崇章並殪悍賊多名安文
義蔡廷棟率餘黨遁入棉花行據壘求撫臣以

其窮蹙始降未足深信十五日仍督隊進攻馬
如龍親赴賊壘責令賊目自行斬獻蔡廷棟遂
縛獻安文義於軍前經臣發交司道訊明將安
文義並楊崇章凌遲處死蔡廷棟交馬如龍嚴
加約束令其立功贖罪餘賊之在營抗拒者皆
經官軍斬擒殆盡卽添兵圍攻馬村米暎山度
力不能支於十六日夜乘雨潛逃官軍四面截

殺殲斃過半餘匪併歸土堆省城業已解圍先
後殪賊以數千計收降亦數千人伏查圍省逆
首除官軍前後殲斃外尙有僞大參軍楊崇章
僞大司藩安文義僞大司政劉成僞大司勛米
暎山僞大司疆段成功僞揚威大都督蔡廷棟
此次段成功蔡廷棟獻營投誠安文義楊崇章
業已生擒正法僅餘劉成米暎山現踞土堆官

兵晝夜圍攻不難殲除容俟掃蕩肅清查明出力人員及陣亡文武員弁再行奏懇

恩施均奏入

上命軍機大臣傳諭崇實吳棠劉嶽昭岑毓英曰唐友耕所部滇練肆口復仇致魯甸威甯各處回民疊出剽掠東昭大路梗塞此處回民間謠自固與公然叛逆者不同唐友耕旣經崇實等派令援滇何得以先

辦昭回爲名使漢回從中生燬卽著崇實吳棠嚴飭
該提督趕緊拔隊前進不准藉詞逗留如仍執成見
玩視省城並著劉嶽昭等據實叅奏大姚廣通兩縣
城池經楊玉科各軍先後收復而附省之江右館等
處賊壘又經岑毓英等督飭兵勇晝夜環攻生擒首
逆多名蔡廷棟縛賊自獻餘匪併歸土堆省城業已
解圍此次官軍攻破各壘馬如龍帶創督隊並親赴

賊營勒令賊目自相斬獻實屬奮勇可嘉岑毓英於
各路援軍未到之時竟能激勵將士力解省圍洵爲
不負委任其縛獻安文義之降人蔡廷棟卽著交馬
如龍時加約束以收後效安甯逃賊業經何秀林截
殺殆盡州城內外亦已一律肅清惟逆目劉成米暎
山現未擒獲餘匪尙踞土堆仍著岑毓英會同馬如
龍督隊圍攻盡殲醜類劉嶽昭計可抵省滇南糜爛

已極該督務將一切防勦事宜與岑毓英和衷商榷
不可各存意見並著該督等趁此官軍得手之時將
各處失陷城邑次第收復殲除巨憝用靖邊陲

岑毓英又奏言此次省城解圍段成功首先獻
營截斷江右館後路官兵乘勢進勦得以生擒
巨逆又查馬興堂自投誠之後隨同楊玉科克
復鹽井大姚頗能實心出力解散賊黨可否仰

懇

天恩將馬興堂更名馬永順段成功更名段永忠均

賞給都司職銜仍俟續有功績由臣再行保獎之處出

自

逾格鴻施奏入

上諭內閣曰雲南官軍進攻附省賊壘降目段成功獻
營投誠率黨截斷江右館賊匪後路官軍因乘勝進

勦將附省賊壘二百餘座一律攻克擒斬巨逆楊崇章等多名其由嵩明縣投誠之馬興堂亦隨同官軍克復鹽井大姚各處解散賊黨尙知畏罪自新段成功著准其更名段永忠馬興堂著准其更名馬永順並均賞給都司職銜以爲自拔來歸者勸

十月初九日 丁未 江西巡撫劉坤一奏言江西所

恃以供支本省協濟鄰封者全在錢糧釐金二

項現計歲撥京協各餉共銀七十一萬六千兩
收數不敷動解遂於本省用款之內節省勻撥
仍未能一律解足若復協濟滇軍無論何款通
融必須損彼益此再三籌畫除捐輸項內應歸
常年滇餉隨時儘數解濟外實無別款可以再
撥相應請

旨飭部將滇省協餉另籌撥濟免誤要需奏入得

旨戶部議奏

十六日

甲寅

劉嶽昭岑毓英奏言自省城解圍大

姚廣通安甯等處繼下

臣

毓英卽以吳永安岑

毓寶等軍圍攻土堆賊壘以馬忠潘文元等軍

進攻澂江李維述張士進等進取楚雄李維鏞

劉書堂等圍攻南安並派王鍾祥等助剿定遠

楊謙李壽椿等助剿祿豐張保和李長春等助

勦昆陽李維鏞等圍攻南安正在得手忽有鎮
南賊匪由楚雄大小驃川來援連營子母街一
帶意欲接通城內李維鏞劉書堂留王瑞等圍
攻州城而親督勇丁專勦援賊連獲勝仗盡破
賊營餘匪退踞小驃川之大覺寺乘勝進攻又
克之殲斃僞將軍僞先鋒及賊黨二百餘名生
擒數十名城內賊勢益孤王瑞等激勵兵勇將

附城賊壘全行掃平卽揮軍由南門越城而入
賊退踞城內新壘官軍四面環攻斷其汲道賊
勢不支奪路越城而逃官軍層層截殺斃賊數
百名復跟蹤追勦生擒僞甯南大將軍馬開寶
僞安東大參軍呂鈞音及僞領軍參謀等十二
名餘匪殲擒無算當將城池克復此八月二十
六日克南安州之情形也張士進等進攻楚雄

府城一入府境各鄉民人紛紛歸順直薄城下
張士進密飭舊部練目李正林等潛入城中勾
結內應官軍乘夜四面攻城李正德等入賊府
署焚其火藥局賊惶駭失措李正林乘亂率難
民奪據南門城樓張士進等揮兵架梯蟻附而
上分投抄擊立將東西北三門攻克殲除悍賊
四百餘名餘匪越城奔潰追殺六十餘里生擒

僞中郎將僞大參軍及賊黨多名並將呂合土
城攻克八哨夷匪聞風瞻落赴營求撫境內一
律肅清此八月二十七夜克楚雄府之情形也
其攻勦定遠之師先埽平附城賊壘黃文學督
率所部堆積柴束逼攻西北兩門都司徐聯魁
等開挖地道逼攻東南兩門賊晝夜出撲均爲
官軍擊敗杜逆令僞大司軍馬金保率數千人

由鎮南來援經李維述派往之千總劉興等堵
勦屢獲勝仗破其松廠子甸河一帶踞壘斬擒
甚多馬金保遁往姚州至是賊援已絕劉興亦
會師城下剋期破城適賊目田宗承赴營乞降
黃文學查其情詞懇切卽於九月初三日派兵
進城受降當將定遠縣城收復先是張士進克
復鹽井獲僞大司旅馬錫晉據供其弟及子共

踞定遠願往招降贖罪卽由李維述遣人解交

黃文學日久竟無成議黃文學恐有狡謀仍交

李維述解省 臣嶽昭 臣毓英覆查定遠賊匪招

降不從現在窮蹙求撫恐非盡出真誠已飭黃

文學留心查看如有心懷叵測者立予殲除以

絕後患昆陽賊匪經張保和圍剿窮蹙現亦具

稟到省乞降 臣等已飭張保和解散脅從相機

辦理至逆首楊振鵬甘心悖叛罪不容誅斷不
可輕許投誠倖逃

國法馬忠等進攻澂江已由下關鳳凰山等處分
路前進惟田仲興等圍攻新興州城日久未下
臣等已派參將馬青雲千總周作祥等各部兵
勇降卒先後前往助剿楊國發等圍攻竹園賊
巢功在垂成又有瀟兮援賊二千餘名衝至朋

普一帶以致板堯寨等處賊衆復叛抄襲官軍
後路楊國發分兵攻克板堯寨賊壘斬級甚多
而署守備張有能進攻趙林寨陣亡臣等恐該
處兵力不足又由省抽派都司盧得志等帶兵
馳往其省西土堆祿豐踞賊均因後路斷絕負
嵎死拒臣等令吳永安等聯營數十重環逼土
堆賊柵晝夜環攻賊每於夜閒分路衝突均經

各營截殺李維述亦力攻祿豐均可計日撲滅
此次克復城池出力文武各員容臣等查明彙
案奏懇

恩施其各路陣亡員弁均堪憫惻相應請

旨飭部分別從優議卹以慰忠魂

劉嶽昭又奏言附省賊壘旣平臣卽飭總兵謝
景春等分防曲靖馬龍尋甸等處以護持餉道

而自帶親兵營於八月二十六日自曲靖起程
取道南甯陸涼各州縣於九月初三日抵省進
署視事環歷四城猶見往時賊壘臣查上年賊
竄省垣傾巢而來迤西悍逆麇集於此官軍兵
將一心愈蓄愈奮竟將附省賊壘二百餘座一
鼓蕩平現在土堆紅廟旦暮皆可得手再能規
復潞江昆陽新興等處則附省郡縣一律肅清

西賊必聞風膽喪此誠全滇恢復之機惟已復
各地方善後最難需費亦鉅現又整旅西進經
費更當豫籌將士苦戰兩年欠餉不少若非厚
集糧餉廣儲軍火大軍深入恐有疏失之虞應
請

旨再飭下四川湖北湖南浙江江西各省督撫按照前
議每月協餉若干計道途之遠近定日期之多

寡源源起解轉運到滇庶於軍事有益

岑毓英又奏言滇省軍務正在得手需餉孔亟前已商由四川奏明在重慶設立滇餉總局轉解入滇臣等已委同知周守誠前往管理局務又委知州承恩等分往湖南湖北及江西浙江坐催協餉所有各該省應撥協滇月餉及捐輸銀兩卽由該委員等隨時匯交重慶轉解均奏

上命軍機大臣傳諭劉嶽昭岑毓英曰滇軍連克楚雄
南安定遠三城已有破竹之勢惟土堆祿豐之賊負
隅未下該二處賊黨無多著劉嶽昭岑毓英督飭各
軍乘此聲威迅圖攻拔其省南之昆陽新興館驛漚
兮及東南之澂江竹園等處踞匪並著分飭官軍力
圖進取次第廓清以便騰出兵力直擣迤西老巢綏

靖邊圍劉嶽昭現在既抵省城卽著與岑毓英會籌
調度該督撫均膺重寄務當和衷商榷共維大局不
得稍存私見致負委任昭魯一帶漢回構釁現在曾
否解釋並著妥爲籌辦毋致滋生事端此次克復楚
雄等處陣亡之都司銜守備張星署廣西營守備千
總張有能五品藍翎千總馬興勤武定營千總唐玉
銜守備銜千總楊世雄外委薛廷相嚴鶴齟生員丁

文華傷故之遊擊銜都司李梓榮立功後病故之遊
擊銜都司楊沛都司銜守備傅承霖楊朝元守備銜
千總唐榮五品藍翎千總沈春六品藍翎把總吳彩
五品銜訓導周鳳翔從九品班朝貴張榮均著交部
分別從優議卹劉嶽昭所請飭催四川等省餉已諭
吳棠等撥解矣

上又命軍機大臣傳諭李鴻章吳棠郭柏蔭李瀚章劉

坤一劉崐曰滇省軍務緊要需餉甚急劉嶽昭現已
移軍進省餉需尤不容不繼著李鴻章吳棠郭柏蔭
李瀚章劉坤一劉崐按照部議撥定數目計道途之
遠近定日期之多寡源源起解轉運滇省不得稍事
延緩致誤要需

劉嶽昭岑毓英又奏言准提臣馬如龍咨稱都
司馬廣帶兵進攻澂江九月初十日力攻中關

百名越城奔潰該員等跟蹤追殺復知會各防營堵勦馬清僅帶從賊數十向祿豐遁去爲李維述悉數擒獲現將馬清及投誠復謀不軌之逆首馬錫晉一併派員解省臣恐途中疏忽飛檄駐防富民縣城之知府鍾念祖就近訊明正法其前次克復易門擒獲之僞參軍吳鳳臨龔昭成亦令周廷獻就地正法傳首省城以昭懲

戒奏八報

聞

二十四日壬戌崇實吳棠奏言前准雲南撫臣岑

毓英咨稱尋甸逆回鴟張迤東危急請派兵赴

援臣等奏派唐友耕直趨東昭相機防剿卽以

備滇軍之策應固川省之藩籬嗣疊准雲貴督

臣劉嶽昭咨請助剿尋甸又催赴援省城均經

嚴檄照辦旋以昭魯不靖昭通文武士庶稟留
唐友耕就近雕勦九月初八日欽奉

上諭或留唐友耕勦辦昭通回匪或分軍往解省圍著
劉嶽昭熟審情形從長辦理其時唐友耕接劉嶽昭
咨文亦有請留數營仍駐昭通以顧後路之語
茲據唐友耕先後咨報魯甸回匪李本忠糾約
黨與數千焚掠費家梁子一帶村寨會同該處

文武帶隊彈壓回匪勾結外回圍撲官軍接仗
數次踏毀賊營三十餘座奪獲槍礮暨軍械等
件無數斃賊一千餘名陣斬李本忠之弟李本
芳挖獲偽印二顆生擒偽總統馬仕進等三名
卽行正法解餉後路一律肅清威甯恩安等處
回寨均各具呈求撫當與昭通府知府李應華
等分別安置臣等查回匪李本忠原係迤西杜

逆黨與自同治九年就撫以後暗圖蝥食昭通
漢民受其荼毒已非一日該處與川省永敘連
界地方綿亙千餘里李本忠謀爲不軌尤屬邊
疆之患今川軍大隊入滇該回匪等聚黨自固
阻我進兵之路復攻撲昭通鎮全祖凱營壘叛
迹昭著非痛加剿洗不可現在雲南省圍已解
劉嶽昭續派委員孔昭鈞等尙未行抵昭郡應

否留唐友耕會勦或無須客兵相助俟孔昭鈔
等到昭卽可遣唐友耕一軍回川以備防邊之
助伏乞

飭下劉嶽昭岑毓英妥商辦理奏入

上命軍機大臣傳諭崇實吳棠劉嶽昭岑毓英曰前因
劉嶽昭奏唐友耕所部滇練與昭魯回民尋仇生釁
當諭崇實等飭令該提督趕緊前進不准逗留茲據

崇實吳棠奏魯甸回匪李本忠糾黨數千燒殺村寨
抗拒官軍叛迹昭著旋經唐友耕會同該處文武勦
撫兼施解餉後路現已肅清威甯等處回寨均各求
撫唐友耕一軍應否留滇請飭劉嶽昭等商辦等語
李本忠原係杜汶秀黨與此次糾眾復叛自難姑容
現經官軍殲斃賊黨千餘名逆膽已寒卽當乘此聲
威速籌戡定劉嶽昭所派孔昭鈞等會否行抵昭通

辦理情形若何刻下雲南省圍已解唐友耕一軍應
否暫留昭通會同辦理或仍令赴省著劉嶽昭岑毓
英妥商調度如滇省兵力已敷卽著咨商崇實等將
該軍遣撤回川扼守邊境

欽定平定雲南回匪方略卷四十 己巳年至庚午年

十一月十七日甲申劉嶽昭岑毓英奏言昆陽賊

匪前曾具稟乞降本年七月閒官軍攻克海口

擒獲賊首馬光明願爲昆陽州城內應岑毓寶

張保和等許而遣之迨省城圍解張保和盡婦

昆陽城外賊壘羣賊讐慄馬光明乘機開導而

首逆楊振鵬自知罪大難容終懷詭詐之計九

三才圖會卷之四十一
一

月初八日馬光明率城內被脅難民先赴軍前
投誠張保和佯許之次日馬光明復偕逆黨馬
聯魁至營張保和仍以溫詞慰遣並遣把總田
春芳等隨之入城示以不疑而楊振鵬率黨分
踞城內要地抵拒甚嚴臣等恐日久變生商令
提臣馬如龍親往昆陽督同張保和等相機辦
理臣毓英亦馳抵州城里許之臥龍莊又派遊

擊張御鶴入城開導漢回解散賊勢隨飭官軍
進城駐紮擒斬賊目馬似良等數人楊振鵬愈
覺自危二十二日率死黨數十人聲稱出見提
臣意圖乘間逃逸提臣督飭張保和等伏兵東
門外四面圍之當將楊振鵬及助逆之馬聯魁
李濱馬國楨等一併拏獲正法餘賊截殺殆盡
該逆胞兄楊振鴻及往來進西通賊之馬生龍

等四名亦經總兵馬忠弋獲解省正法城內投
誠回人一百餘戶分解新興州屬之九村呈貢
縣屬之安江村安置本處漢民均已歸業州境
一律肅清臣等查昆陽州城距省西南一百二
十里中隔滇池舟行一夜可達自咸豐七年爲
楊振鵬等襲踞大爲省城肘腋之患同治元年
東南回衆就撫楊振鵬蒙

恩免罪擢至副將委署總兵不知感激圖報竟敢據城
復叛實屬罪不容誅今幸仰仗

皇威元兇授首著名逆黨悉就殲除實足以快人心而
寒賊膽新興軍務亦經參將馬青雲會同署總
兵田仲興等勦撫兼施九村一帶賊營相率投
誠搆獻迤西逆首僞大司隸劉綱僞平虜將軍
馬榮科僞驃騎將軍馬天朝及本地賊目白正

坤等訊明正法現仍督飭該員等竭力環攻以期迅復州城其省西土堆餘匪千餘人負壘死

拒臣等不時出城激勵各營晝夜圍攻惟祿豐

澂江竹園等處逆匪窮極反噬均尙喫緊臣等

已由省抽派副將何秀林等各帶兵勇馳往祿

豐會剿並飭副將張保和速移昆陽之師前赴

竹園以期迅速撲滅此次昆陽出力人員容臣

等查明彙案奏懇

恩施其各路陣亡之都司銜補用守備馬春等臨陣捐
軀深堪憫惻均應請

旨飭部從優議卹以慰忠魂奏入

上命軍機大臣傳諭劉嶽昭岑毓英曰昆陽踞逆楊振
鵬因城外賊壘蕩平率黨抗拒提督馬如龍親往督
辦楊振鵬意圖脫逃經張保和等設伏圍拏與馬聯

魁等一併正法逃竄各匪截殺殆盡其往來迤西通
賊之馬生龍等亦經弋獲現在該處漢民均已歸業
州境一律肅清著卽飭令該署州張啟辰等將善後
事宜悉心經理其解往新興呈貢各屬之投誠回人
亦著飭屬妥爲安置毋令日久滋事新興軍務雖將
逆首劉綱等正法而州城現尙未下仍著劉嶽昭等
督飭馬青雲各軍實力環攻迅圖克復省西土堆餘

匪並著親督在事將弁晝夜攻取毋任苟延殘喘祿
豐澂江竹園等處餘逆未平該督等務當嚴飭何秀
林等各率所部馳往祿豐會合剿洗並一面檄令張
保和迅移得勝之師由昆陽前赴竹園相機剿擊迅
殄寇氛各路打仗陣亡之都司銜守備馬春恩騎尉
陳國賓外委張鼎縣丞胡錦元武生許文揚把總劉
金書李恩榮王順外委俞文元魯安國及立功後瘴

故之千總馬治安均著交部分別從優議卹其昆陽出力文武各員著劉嶽昭等查明彙案奏保昭通一路孔昭鈞等辦理若何唐友耕已否由昭通前赴省垣該督等當懷遵前旨妥商調度並將昭通一切事宜及早籌辦用靖邊陲

劉嶽昭岑毓英又奏言前據翰林院侍讀學士馬恩溥條陳滇省軍務事宜欽奉

上諭發交臣等閱看臣等查該學士所陳四條一曰轉

餉一曰吏治轉餉已由臣等函商四川奏明在

重慶設局吏治與軍務相表裏臣等自當恪遵

訓示認真整頓至原奏所稱宜於川黔就近募勇一節

伏查用兵之道選將爲先滇省營伍廢弛餉需

奇絀是以回勇有反側之心漢勇多桀驁之氣

若籌定月餉選任鎮將尙可力挽頽風現在調

集各路兵勇團練及收獲降卒認真挑選可得
精銳六七萬人足敷分路進剿川黔之勇人地
不習難期得力該學士所請另募川黔兵勇之
處應毋庸議原奏又稱大理距滇省七百餘里
崇山峻嶺仰攻甚難周達武在甯遠越嶲防堵
似可卽用此兵以勦爲防或令由鹽源永北一
路夾攻大理等語查杜逆竊踞迤西各城根蒂

深固必須分路進剿方能迅速蕩平現在三姚
地方大姚定遠兩城已下惟姚州尙未收復 臣
等飭副將楊玉科帶兵進攻業已四面合圍又
飭參將黃文學駐守定遠規取永北廳城一俟
祿豐克復定遠後路無虞卽可長驅而進至周
達武一軍能否以剿爲防 臣等遵

旨咨商四川督 臣 妥籌旋准咨覆該軍已移紮川北防

勦陝甘回匪未能由永北進勦亦請毋庸置議
就目前滇省情形而論不難於籌兵而若於缺
餉若得各省照部撥款項源源解濟俾得激勵
士卒乘勝掃蕩自不難於成功四川湖南湖北
江西浙江等省新撥滇省月餉或已解未到或
尙未報解應請

旨飭下各該督撫迅速飭司籌撥交滇省委員按月轉

運來滇以資接濟實於軍務有益奏入

上命軍機大臣傳諭李鴻章吳棠郭柏蔭劉崐劉坤一
李瀚章曰劉嶽昭等奏稱四川兩湖江西浙江等省
新撥該省月餉或已解未到或尙未報解現當該省
軍務得手之際若各省照部議源源解濟庶可激勵
士卒剋期蕝功著李鴻章吳棠郭柏蔭劉崐劉坤一
李瀚章督飭各藩司將應撥滇省月餉迅速籌撥交

該省領餉委員按月轉運赴滇俾資接濟毋稍延緩
劉嶽昭岑毓英又奏言同治六年十月迤西逆
匪竄踞武定屬之元謀縣時署元謀縣知縣楊
思齊先期帶領團練駐防距城六十餘里之馬
街駐守縣城者爲由省派往之回員楊先芝是
月二十一日賊犯馬街楊思齊正在堵禦又有
另股賊匪閒道直撲縣城楊先芝開門納賊城

遂失守楊思齊馳救不及馬銜旋亦爲賊襲踞
該員退守江邊因武定各屬相繼淪陷東省之
路已絕無由稟報七年三月副將楊玉科繞道
往勦楊思齊隨同克復元謀縣城復經楊玉科
暨知府鍾念祖先後派委該員安撫沿江八馬
地方夷衆八年七月事竣由藩臬兩司札調該
員晉省取具親供詳請補叅臣等查該員失守

縣城咎有應得應請

旨將署元謀縣事同知借棟知州楊思齊卽行革職惟
該員隨同官軍恢復城池尙知愧奮合無仰懇
天恩免其按律定擬仍留軍營差遣以觀後效奏入得
旨允行

劉嶽昭岑毓英又奏言官軍收復嵩明州獲逆
首杜汶秀之女蔡杜氏及其堂姪楊鳳翔攻克

黑鹽井又獲僞大司隸劉綱之子劉映山嗣因
澱江降回復叛又將羈留在省之澱江匪目馬
良驥張開祥馬光耀等訊辦交遊擊蘇開元撥
兵看管乃馬良驥乘閒逃逸是蘇開元疏於防
範咎有應得應請

旨卽行革職仍留軍營差遣以觀後效蔡杜氏之夫蔡
廷棟業已投誠隨同新興官軍打仗出力可否

仰懇

天恩免其死罪至楊鳳翔劉映山二犯辦理招降毫無
成效張開祥係澂江著名賊目馬光耀亦從賊
多年均屬法無可貸已於訊明後正法奏入報

聞

十二月初三日庚子崇實吳棠奏言臣等前咨催

雲貴督臣劉嶽昭迅飭孔昭鈞等馳赴昭通妥

籌招撫乃遲久不至 臣等復嚴檄唐友耕以勦
爲撫但分順逆不論漢回並令厚撫降回以孤
李本忠之勢旋據唐友耕咨報自稻田下八仙
營就撫後十月初一日回目馬周新等飛報李
本忠糾衆由板板房桃源一帶分路圍撲良回
村寨當卽親督各營迎頭截擊斃匪多名立將
板板房桃源賊營踏毀該逆退守魯甸廳我軍

追之紮營環攻前署魯甸通判吳廣通現署通判盧德裕復率團二千餘名會合營官艾爾鴻由後山繞道來援四面合圍並於城外豎免死旗招降難民紛紛約爲內應初二日五更城內火起參將尹士超率都司汪澤斬關而入汪澤受傷陣亡唐友耕揮兵一擁而進斬獲悍回三百餘名生擒僞軍師孟學孔等三名奪獲槍礮

器械無數當將魯甸廳城克復李本忠由東門
奪路狂奔逃入巖硎老巢死守唐友耕一面令
盧德裕等將鄉團穩紮城內安撫難民一面飛
飭各營進攻巖硎該處海水四繞素稱險要壕
牆深厚兼有硎樓地道安設槍駁負隅自固初
三初四等日唐友耕先將附近回寨次第招撫
初六日親統大隊直撲賊巢該逆暗施槍礮子

落如雨千總袁廷凱劉應亨首先登牆中礮殞
命總兵耿得勝等率隊再登勇氣百倍立將頭
層牆壕攻克轟斃回匪一百餘名而該逆恃有
層壘深溝藏匿不出唐友耕令搶築礮臺撥軍
駐守囊土伐木以備平壕破礮之用更番疊戰
步步爲營十餘日始得逼近賊礮礮四面皆有
礮樓我軍亦分四路攻之參將尹士超總兵唐

大有等先焚其東南二碉該逆退守巖碉仍留
賊據南北二碉唐友耕飭總兵耿得勝等併力
攻之二十四日碉外賊衆奔赴大營求撫賊首
馬開科願隨副將陳澤文等效力贖罪許之遂
令誘開賊壘乘閒殺入南北碉樓同時攻破巖
碉老巢遂成孤立次日都司車重輪與總兵耿
得勝等拔幟先進各營一呼直上以火攻之碉

內之賊漸亂撤柵踰溝意圖衝圍而出我軍奮
勇截殺共斃回匪七百餘名墜巖落澗死者不
計其數奪獲槍礮旗矛數百件生擒要逆李本
忠及其弟李興芳等三名解交昭通府訊明正
法又生擒僞軍師徐天驥賽君才僞先鋒羅文
舉李高祥等多名卽於軍前正法巖洞老巢全
行掃蕩救出難民男婦二千餘人並投誠各回

寨均交該管府縣分別撫卹昭魯漸欠肅清惟
黑石凹之回勢尙猖獗昭通鎮總兵全祖凱統
兵圍攻未能得手現擬移師會商全祖凱相機
勦撫諒可早日蕩平臣等查該逆李本忠戕官
踞險圍撲大營在桃源一帶連營三十餘座負
固不服唐友耕以客兵而勦巨寇始則攻下龍
洞汎繼復招復團山馬家營各回寨茲又疊獲

勝仗迅克堅城臣等始念實不及此惟有飛飭
該軍會同全祖凱剋期掃除黑石坳餘匪以上
紓

宵旰之憂所有前次陣亡都司施占明暨此次陣亡都
司汪澤等仰懇

天恩飭部從優議卹以慰忠魂其在事尤爲出力員弁
可否由臣等覈實保奏以作士氣出自

逾格鴻慈

崇實吳棠又奏言臣等前以資遣果後營滇勇

籌款交道員劉嶽曙前往又令提臣胡中和帶

兵馳赴督辦昨據胡中和函稱潰勇不遵資遣

並拘留劉嶽曙請添兵扼守敘南臣等查唐友

耕一軍距敘南最近已飛咨分軍前赴鎮雄以

顧筠連高琪入川門戶既可與胡中和籌辦潰

勇亦可與全祖凱會剿餘匪不致顧此失彼現
在雲南省圍已解兵力已厚俟黑石圪回寨肅
清卽飭唐友耕凱撤回川仍擬留提督李家福
所部五營在滇援剿奏入

上命軍機大臣傳諭崇實吳棠劉嶽昭岑毓英曰滇匪
李本忠經川軍擊敗後由板板房桃源一帶分撲良
回村寨唐友耕督兵截擊踏毀賊營該逆退守魯甸

城內又經官軍擊走收復廳城李本忠逃入巖洞老
巢參將尹士超等分路進攻迭破四面碉樓生擒李
本忠及賊黨徐天驥等正法掃蕩巖洞賊巢昭魯漸
次肅清此次援滇川軍迭克匪巢生擒要逆勦辦尙
屬奮勉在事尤爲出力員弁著崇實等覈實奏保毋
許冒濫陣亡之都司施占明劉芳春守備陳照廷千
總龔占超都司汪澤升用都司千總袁廷凱千總劉

應亨均著交部從優議卹現在黑石凹回匪勢尙猖
獗唐友耕一軍自當乘勝進剿惟總兵全祖凱圍攻
之兵未能得手委員孔昭鈞等亦無抵昭確期卽著
劉嶽昭岑毓英迅飭全祖凱激勵兵勇會同唐友耕
相機勦洗一面催令孔昭鈞等馳抵該處將一切剿
撫事宜妥爲籌辦俾東路及早掃蕩毋稍遲延湘果
各營散勇不遵資遣敘南邊界自應派兵設防著崇

實等檄飭唐友耕酌撥得勝之師前赴鎮雄以顧筠
連高珙入川門戶如有潰勇滋事卽會同胡中和籌
辦至攻克黑石壩後仍留李家福在滇援勦其唐友
耕應否撤回川省之處著崇實等會商劉嶽昭岑毓
英斟酌辦理

十一日 戊申 劉嶽昭岑毓英奏言上年尋甸賊勢

披猖省城後路喫緊 臣 毓英奏請由川分兵援

應經崇實等派提督唐友耕統軍六千赴援甫
經入境奸匪卽造先滅昭回之謠回民疑懼聚
衆搶劫遂至大路梗阻漢民迭次要求地方文
武必欲援軍勦回臣等與提臣出示開導並委
員前往解散而漢回已成固結不解之勢臣嶽
昭令總兵全祖凱帶兵馳往分守要隘保護漢
民村寨一面解散脅從又派副將楊盛宗知府

孔昭鈞添募練勇相機會辦而唐友耕亦爲該
地方文武所留駐兵將及十月勦撫頗稱得手
現在回衆窮蹙業已獻首乞降自應責成唐友
耕一手經理以免兩歧俟事竣卽將該軍遣撤
回川其未盡事宜仍由臣等督飭各該文武隨
時相機辦理至昭屬之魚脊水營等處匪首李
文等率衆抗拒至祖凱屢得勝仗頗有斬擒復

生擒賊首馬有福等十月初八日收復長寨夷
目安士奉等均各投誠當將附近村寨十餘處
徧加安撫臣等已飭全祖凱趕緊進剿各處餘
匪以期早日蕝事

劉嶽昭岑毓英又奏言附省土堆悍匪經臣等
親督各營圍攻先後斬擒過半該匪負嵎死拒
村內分築十餘壘村外環築礮樓周以三壕寬

深數丈又踞紅廟爲犄角十一月初五日臣等親赴先鋒營督飭李家福等挑選精壯翻草填壕期於必克攻至次日賊勢不支官軍越壕而進當將紅廟賊壘及土堆村外礮樓十四座全行攻克臣等仍駐營中連日進攻復用開花礮轟斃賊衆五百餘名勢已窮蹙臣等仍晝夜督兵攻戰日內當可聚殲奏入

上命軍機大臣傳諭崇實吳棠劉嶽昭岑毓英曰唐友耕一軍經崇實吳棠派令赴滇援剿該提督駐紮昭通疊次圍攻賊壘回衆窮蹙獻首乞降剿辦尙屬得手惟昭魯一帶回民搶掠究因該軍肆口復仇以致該回衆懷疑生變現旣辦有頭緒自應責令該提督將此事一手經理著崇實吳棠傳諭該提督趕緊將昭通回務辦竣卽率所部撤回川省其昭屬未盡事

宜仍由劉嶽昭岑毓英督飭各該文武隨時相機辦理以臻周密至附省土堆悍匪築壘空壕負隅抗拒經該督等督兵進剿已將紅廟賊壘及土堆村外賊礮全行攻克著卽乘此聲威將殘蹙餘匪悉數殲除毋留遺孽

劉嶽昭岑毓英又奏言上年正月迤西逆匪大股下竄嵩明州爲回弁馬盈州等襲踞尋甸州

亦因城內回衆勾通外賊倉卒失守署嵩明州
知州定森尋甸州知州伊勒通阿均爲賊幽禁
密室求死不得迨至本年三月賊勢窮蹙防範
稍疏始獲乘間逸出臣等查定森伊勒通阿雖
無棄城逃避及甘心忍辱情事失守城池咎有
應得應請

旨一併革職留營效力贖罪奏入得

旨允行

二十五日壬戌戶部奏言雲南兵餉前據撫臣岑

毓英奏稱每月約需十萬兩除本省籌畫外每

月須由外省撥銀六萬兩當經臣部查明四川

等省每月應協滇餉之數令各督撫按月如數

起解嗣據該撫奏稱請改由四川每月撥銀三

萬兩湖北湖南江西每月各撥銀二萬兩浙江

每月撥銀三萬一千六百六十六兩零復經臣
部議准如果各該省如數解足則所撥之數較
該撫原請之數已增一倍無如各省報解參差
不齊滇省需餉孔亟現已奉

旨飭催應再請

飭下四川湖南湖北江西浙江各督撫仍遵前次奏案
在各該省釐金捐輸及無論何款內通融湊撥

按月提交滇省委員陸續領解毋許稍有遲誤
奏入

上命軍機大臣傳諭李鴻章馬新貽吳棠劉嶽昭李瀚
章郭柏蔭劉坤一劉崐岑毓英曰據戶部奏稱雲南
協餉前經議准四川每月撥銀三萬兩湖北每月撥
銀二萬兩湖南每月撥銀二萬兩江西每月撥銀二
萬兩浙江每月撥銀三萬一千六百六十六兩零現

在該省軍務緊急各省協餉報解不齊時形拮据自
應迅速籌濟著吳棠李鴻章馬新貽劉崑郭柏蔭劉
坤一李瀚章遵照該部前次奏案在各該省釐金捐
輸及無論何款內迅速湊撥按月提交雲南委員陸
續領解不得稍有遲誤其各該省是否按月解清並
著劉嶽昭岑毓英詳細開單報部以憑查覈

九年正月初七日

癸酉

劉嶽昭岑毓英奏言上年

十一月攻克紅廟賊巢及土堆賊碉臣等仍駐
營中親督弁勇晝夜輪攻該逆知大軍四面合
圍聚黨死拒槍礮如雨我軍多有傷亡提臣馬
如龍出城爲諸將指示機宜一面飭運木石填
壕一面排列隊伍連環隨攻十五日攻拔土堆
前層賊柵中有石壘數重守禦甚堅亦爲我軍
所破並奪據村內房屋獲其軍火糧草該逆巷

戰不退我軍蹙之斬馘七百餘級生擒逆首僞
大將軍馬德良等及潞江賊目馬良驥正法餘
匪數百人死踞屋內我軍圍之數重次日臣等
復親督各軍用火器四面燒之風起火烈賊勢
大亂我軍架梯齊登截殺淨盡卽將土堆村堡
全行克復附省地面一律肅清其圍攻祿豐之
師亦於十一十三等日掃平南門外一帶賊壘

卽移營直薄城下適有練目丁同義被陷城中
約爲內應十四日夜何秀林會同李維述四面
架梯攻城丁同義率衆由內反戈遊擊劉重慶
等首先登城李維述何秀林率各軍蟻附而上
內外夾擊賊勢不支紛紛跪地乞降逆首劉和
衷袁得材率二百餘人越城而逃我軍追獲斬
之餘匪搜殺淨盡當將縣城克復境內肅清被

脅難民概予薙髮安置 臣等查迤西逆匪傾巢
下竄連陷二十城圍撲省垣勢甚披猖 臣等督
兵兩年恢復十八城圍省賊匪殲除殆盡惟澂
江新興兩城未克東南竹園館驛等處未平 臣
等嚴飭馬忠等分投力勦並檄楊玉科進攻姚
州李維述前赴楚雄督率張士進等進攻鎮南
雲南兩州縣以期迅速掃蕩至此克復各城

出力文武員弁容 臣等查明另行請獎其各路
打仗陣亡之都司劉陞廷等均堪憫惻相應請
旨飭部分別從優議卹以慰忠魂奏入

上命軍機大臣傳諭劉嶽昭岑毓英曰土堆逆匪知官
軍四面合圍聚黨抗拒經劉嶽昭等會同馬如龍督
飭各軍攻破前層賊柵生擒逆首馬德良等多名餘
匪死踞各村屋內官軍用火圍燒乘勢殺賊殆盡當

將土堆村堡全行克復附省地面一律肅清其祿豐
縣城踞匪亦經練目丁同義約會何秀林等軍內外
夾擊紛紛乞降逆首劉和衷等被獲正法該縣城池
亦卽收復勦蕪均屬奮勉逆首劉成米映山日久稽
誅此次已否殲斃仍著該督等嚴飭各路文武確查
實在下落毋任倖逃法網所有打仗陣亡之都司劉
陞廷楊雲龍守備銜千總魯政之斬占先把總錢廷

棟薛桂芳陳華元張旺張性初何家饒蒯文治王發
成蔡洪英從九品銜周振璋及在營傷故之副將銜
都司何秀清段朝相千總飛兆熊病故之守備曹連
千總盧佐廷均著交部分別從優議卹現在滇垣附
近一帶已無賊蹤卽著劉嶽昭岑毓英分督馬忠等
軍規復澂江新興及東南竹園館驛等處一面檄飭
楊玉科等各率所部將姚州楚雄等府州縣城次第

攻取用竟全功

劉嶽昭岑毓英又奏言前因迤西回匪肆擾竄陷普洱楚雄各府廳州縣所有失守城池文武各員由臣等查明並無棄城逃避情事分別奏請免罪留營效力嗣以隨軍有功又經臣等奏請開復原銜現在該革員等或克復城池或力解省圍疊著勞績功過尙足相抵合無仰懇

天恩俯准將總兵特克慎府經歷溫培義守備王起補
用同知直隸州知州積壽同知李廷忠知州王
家霖通判周廷獻知州銜府經歷沈世俊副將
銜補用遊擊夏毓秀千總劉興記名總兵范清
補用副將呂鎮南都司銜補用守備楊國寶千
總會希孔候選通判鍾恆知州銜補用知縣王
德誥記名總兵馬忠補用副將何秀林副將銜

補用都司楊桐守備銜補用千總胡興邦革職
暫行留任同知銜富民縣知縣胡秀山補用府
經歷袁臨候選訓導劉承恩補用吏目張葆慶
典史劉枝玉同知銜貴州候補知縣易正昇千
總萬繩武補用遊擊蘇開元均開復原官翎枝
並免繳捐復銀兩之處出自

逾格鴻慈奏入得

旨允行

二十四日

庚寅

劉嶽昭岑毓英奏言昭魯漢回起

釁之初臣嶽昭卽派總兵全祖凱前往辦理旋

又添委知府孔昭鈞副將楊盛宗馳往會籌剿

撫十月十七日全祖凱督同總兵陳遐齡等堵

截黑石坳魚脊兩路援匪鏖戰三時攻克新營

五里坳兩巢斃匪一百餘人次日進攻魚脊該

匪勢窮計竭回目馬世有等於二十三日率衆
赴營乞降並呈繳軍械數百件其時水營黑石
坳負固依然突出悍匪數百攻撲我軍礮樓爲
參將馬麟飛帶隊擊退遊擊熊財興中礮陣亡
全祖凱分兵圍水營黑石坳兩巢連日進攻至
十一月初九日始將水營攻破生擒僞元帥劉
中貴等十餘名正法斃匪八十餘名救出難民

數百其黑石凹老巢賊匪本極兇獷地勢亦險
聞水營已破自願捆獻首惡呈繳軍械全祖凱
令委員鄒煒等親入賊巢逐一查點其中回民
僅六百餘人均願繳械投誠全祖凱勒兵於外
飭獻首匪十四十五等日捆出僞元帥楊慶芝
等五十三名解交昭通府知府李應華訊明正
法地方一律肅清至善後事宜孔昭鈞與該文

武從長籌議全祖凱並請移紮汛防以資分守
臣等查此次昭魯回亂李本忠實係罪魁幸賴
四川派提督唐友耕援滇先固藩籬拔除禍本
故能迅速蕝事惟現在漢民失業良民散漫無
歸仍屬可慮 臣等已嚴飭地方印委各員查匪
安良次第辦理以期仰副

朝廷綏靖邊陲之至意所有此次勦撫防守文武員弁

均著微勞合無仰懇

天恩俯准從優給獎以示鼓勵至陣亡之補用遊擊熊財興等八人相應請

旨飭部從優議卹以慰忠魂奏入

上諭內閣曰雲南昭通回匪自上年川軍進剿獲勝後經劉嶽昭飭令總兵全祖凱等勦撫兼施次第攻克水營等處賊巢生擒匪首多名地方一律肅清在事

出力員弁著有微勞自應量予獎勵總兵全祖凱著
賞換葉普鏗額巴圖魯名號陳遐齡著遇有總兵缺
出請旨簡放參將金玉品著以副將留於雲南儘先
補用陳貽舉著賞加副將銜遊擊馬麟飛著以參將
留於雲南儘先補用並賞加副將銜鄧經忠著以參
將儘先補用把總林志良著免補千總以守備儘先
補用石屏州知州李應華著開缺免補同知直隸州

知州以知府用知縣彭緒瑄著賞給正五品封典州
同全慶著以同知仍留廣西儘先補用從九品鄒煒
梁焯均著免選本班以州判留於雲南儘先補用並
賞戴藍翎陣亡之遊擊熊財興千總李洪把總馬君
榮武舉楊逢春額外錢忠祿從九品彭緒瓚擬保把
總軍功楊福昌羅鴻儒均著交部從優議卹岑毓英
之胞弟知府岑毓寶著免補知府以道員分發省分

遇缺前先補用並賞給額圖琿巴圖魯名號知縣岑
毓琦著免選本班以同知直隸州知州分發省分遇
缺前先補用已革總兵王與仁已革副將廖永福均
著開復原官免繳捐復銀兩並賞還翎枝勇號

三月二十一日 丁亥 劉嶽昭岑毓英奏言上年八

月閒克復楚雄南安等處 臣卽飭楊玉科乘勝
攻姚州張士進攻鎮南錢大川等攻雲南縣陳

定邦等攻濱川州王鍾祥等進取彌渡尉遲品
玉等分攻馬街一帶賊巢是爲中路之師又飭
署永北同知劉昌笏參將王遇春進攻永北廳
署維西協中軍都司張潤等由維西出攻麗江
府是爲北路之師又檄署迤南道張同壽督飭
署普洱府知府許繼衡等由普洱進攻威遠同
知張家銘前往會同規復緬甯是爲南路之師

祿豐既下又飭李維述移兵會攻鎮南黃文學
移兵會攻永北姚州鎮南雲南縣各處官兵連
獲勝仗次第埽平城外賊壘圍逼城下並分兵
攻克鎮南州屬之沙橋普溯鸚鵡關雲南縣屬
之獲禾米甸雲南等處要隘斷賊後路王鍾祥
劉興等於九月二十三日分兵攻上下川賊巢
而自率大隊進攻中川彌渡廳城及王彥廠賊

巢該匪出巢拒敵王鍾祥偵知賊巢空虛密令
劉興接仗自帶精兵掩旗息鼓繞出賊後襲取
廳城該匪猝不及防我軍一擁而登立將彌渡
廳城克復劉興乘勢夾擊賊匪大敗追至王彥
廠斬級甚多餘匪退入營內抗拒官軍逼柵環
攻至十月初八日破壘而入生擒僞大參軍馬
遇春等殲斃賊匪無算時吳懷連進攻上川已

克大理衛土城惟下川阿克邑賊巢地極險固
尙未攻克王鍾祥商之劉興等分兵進攻趙州
所屬之紅巖賊巢以斷大理賊援卽親赴阿克
邑督戰十四日有蒙化賊首馬萬春等率黨來
援王鍾祥督兵戰於大寺頂大破之斬首一百
餘級奪獲器械無算阿克邑賊匪見援賊敗退
一夜數驚官軍乘勢急攻十五日克之擒獲僞

大將軍朱燦並焚斃賊黨五百餘名彌渡上中
下三川一律肅清劉興亦連克下村班竹村及
紅巖附近先鋒賊營七座二十七日遂克紅巖
賊壘擒斬僞中郎將杜義等二百餘名墜巖撲
河死者無數該處距大理府僅九十里最爲險
要當卽派兵扼守一面會合王鍾祥進攻蒙化
廳城時尉遲品玉等已於十月二十三日攻克

背籠村賊營四座卽逼攻馬街土城次日瓦祿
等處賊匪來援聯營山頂尉遲東曉夜出奇兵
襲之踏毀賊營十數座援賊悉潰二十五日遂
乘勝攻馬街土城克之旋又破五頂山等處賊
壘數十座斬擒無算南澗一帶漢夷紛紛反正
馬街之師遂與蒙化之師成首尾相應之勢蒙
化距大理府一百二十里踞賊最多又有大小

圍埂兩賊巢與爲犄角王鍾祥令劉興攻圍埂而親督吳懷連等圍攻廳城追賊深入王鍾祥中礮陣亡臣等一面飛飭劉興等代爲統率照常攻勦一面添派遊擊劉重慶等分起赴援幸無疏虞陳定邦等先由大古北平川一帶節節掃蕩連破賊壘數十座又將附近濱川州城之大羅城等處賊壘攻克晝夜環攻州城賊勢不

支開城出降陳定邦等入城分別解散安撫惟
距城三十里之濱居街老巢未下已飭移營攻
勦此中路官軍得勝之情形也其北路之師劉
昌笏等連破賊壘於周武營各要隘掃蕩前進
該匪負壘抗拒復分悍賊數千人繞襲舊衙坪
官軍後路糧臺守備崔正明力戰四晝夜敗之
擒斬四百餘級現在黃文學已與合兵環攻永

北廳城旦晚可下張潤等進攻麗江被脅人民
望風歸順十一月二十三日克復麗江府城乘
勝進攻劍川州十二月初九日又克之南路張
家銘等圍攻緬甯龍陵軍功林光耀率二千餘
人來助十二月十五日攻入廳城該逆拚死抗
拒林光耀奮勇當先縱火焚之殲賊無算餘賊
乞降張家銘分別解散安撫當將緬甯廳城克

復永昌騰越道路已通劉光煥等圍攻永昌府
及騰越廳許繼衡等圍攻威遠廳已將附近賊
壘先後掃蕩現在薄城環攻不日當可得手此
南北兩路進兵之情形也 臣等查官軍疊克堅
城悍賊殲除大半惟東南尙未肅清全師未能
西上猶有兵分力弱之勢况新復之賓川彌渡
兩城逼近大理後路鎮南姚州雲南縣三城未

下懸軍深入更屬可慮現派知府鍾念祖等帶
兵馳赴麗江防守已得之地一面進攻鶴慶州
城並檄同知尉遲品玉規取順甯副將李棠秀
前往趙州招集難民相機進剿同知周廷獻等
帶兵駐紮景東鎮沅等處分投策應此次克復
各處城池出力員弁容臣等查明彙案請獎陣
亡之副將銜遊擊牟永昌都司王鍾祥等深堪

惻惻相應請

旨飭部分別從優議卹以慰忠魂現在軍務得手需餉

孔亟仰懇

天恩飭下湖北湖南四川江西浙江各督撫臣速將月

協滇餉按月如數報解庶免貽誤事機

劉嶽昭岑毓英又奏言疊准提臣馬如龍咨函

請撥給有著實餉臣等與軍需局司道公商提

臣統帶雲南提標三營並大理城守一營每年官俸兵餉及提督俸薪例廉等銀合計應支銀五萬六千四百七十一兩有奇遇閏年應支銀六萬四百七十兩有奇現在辦理軍務應添給功傷卹賞隨員薪水以及製辦軍火等費本省無可籌撥擬請將部撥湖南省每月協滇餉銀二萬兩全數撥歸提臣卽由提臣自行派員前

往湖南按月提取作爲該營專餉一切官兵俸
餉並勇營等費均由此項開支仍將勇營人數
及每月收支餉銀數目隨時咨明臣等查覈報
部提標大理城守各營每月例支俸餉銀四千
六七百兩今連各項開費共撥給銀二萬兩係
屬從寬籌畫其本省原支各款自應一概停止
除分咨外相應請

旨飭下湖廣督臣湖南撫臣卽將湖南應解滇省每月

餉銀二萬兩按月提交雲南提臣派去委員領

解接濟提臣既有專餉應將新興等處軍務認

真辦理不得因同類相關稍存顧恤致貽後患

奏八

上命軍機大臣傳諭劉嶽昭岑毓英曰雲南中路官軍
克復彌渡賓川及紅巖馬街各賊巢北路官軍攻克

麗江劍川南路一軍並將緬甯廳城收復此次各營將弁疊克城池勦辦極爲得手在事出力文武員弁著劉嶽昭等查明彙案保奏新復之賓川彌渡逼近大理尙有鎮南姚州雲南縣三城未下著該督撫激勵將弁乘勝進攻迅圖克復惟官軍深入尤宜穩紮穩進不可稍涉疏虞其永昌等處之賊並著督飭各軍分路進剿以期次第廓清陣亡之副將銜遊擊牟

永昌副將銜都司王鍾祥守備銜千總王克鞏記保
縣丞奎譜記名拔補把總韓洪春何榮富均著交部
分別從優議卹以慰忠魂劉嶽昭岑毓英親赴中關
察看地勢會籌進攻之策卽著將澂江府城迅速攻
克掃蕩逆氛劉嶽昭回省後所有省城布置機宜並
著妥爲籌辦該督撫請飭催湖北等省協餉已諭令
李瀚章等趕緊籌解另奏請將湖南協餉二萬兩作

爲馬如龍專餉已諭令劉崐照辦仍著劉嶽昭等咨
會馬如龍將勇營人數及每月收支餉銀數目隨時
咨明該督等查覈報部馬如龍既有專餉卽著責令
該提督將新興等處軍務認真辦理迅拔堅城近日
馬如龍打仗情形並著該督撫詳細奏聞

上又命軍機大臣傳諭吳棠李瀚章郭柏蔭劉崐劉坤
一楊昌濬曰滇省官軍疊克麗江等城軍務日有起

色現在岑毓英前往澂江督勦提督馬如龍進勦新興兩路如能得手事機尤爲順利惟餉項支絀四川湖北湖南江西浙江等省應解協滇餉銀報解無幾軍士枵腹荷戈殊堪軫念著吳棠李瀚章郭柏蔭劉崐劉坤一楊昌濬各將該省撥定協滇月餉照數批解不得遲延推諉至湖南省每月協滇餉銀二萬兩現據劉嶽昭等奏將此項全數撥作馬如龍專餉卽

由該提督派員往領著劉崐卽飭藩司在釐金捐輸
項下或無論何款按月湊撥銀二萬兩交馬如龍委
員領解回滇毋稍蒂欠

劉嶽昭岑毓英又奏言據守備黃泰等稟報副
將黃文學攻勦永北廳已將城外賊壘掃平僅
餘孤城及東山下賊巢二處黃文學飭開地道
逼壘環攻二月初八日地道功竣點放火藥轟

倒賊壘數丈黃文學首先衝入被賊槍傷眉心
登時陣亡該軍竭力鏖戰將屍奪回現仍照常
攻勦臣等飛飭黃泰等加力進攻並派遊擊黃
世昌馳往接統伏查黃文學秉性樸實兼有孝
行帶兵紀律嚴整到處深得民心自隨臣毓英
援省以來連克堅城力解省圍戰功卓著今臨
陣捐軀深堪悼惜相應請

旨飭部將補用副將桓勇巴圖魯黃文學從優議卹該

員尙有八旬老母並無次子可否卹懇

天恩賞給從一品封典以慰忠魂奏入得

旨允行

欽定平定雲南回匪方略卷四十一 庚午年

四月二十七日 癸亥 劉嶽昭奏言逆首田慶餘

新興州城勢甚猖獗提 臣 馬如龍於本年二月

初十日進攻州城東北之玉枕山酸水塘一帶

賊壘自辰至酉斃賊甚多提 臣 身受槍傷朝夕

攻城仍不稍懈楚雄協副將田仲興同圍新興

分兵攻柳家宗祠賊營中槍昏絕旋即殞命 臣

查田仲興身先士卒重創而死與臨敵捐軀無異仰懇

天恩飭部照總兵陣亡例從優議卹以慰忠魂奏入得旨馬如龍督勦受傷奮勇可嘉現在傷痕是否平復殊深慮系田仲興著照總兵陣亡例從優議卹

六月十二日 丁丑 劉嶽昭岑毓英奏言普洱府屬

之威遠廳爲大理府後路與雲州緬甯他郎思

茅犬牙相錯自咸豐八年爲逆首馬標盤踞屢
攻未下又有另股逆匪田四濫亦糾衆負嶠於
四疊崖一帶界在元江他郎緬甯之間四山焚
掠互相援應均爲迤南之大患同治八年正月
臣等飭護理迤南道張同壽署普洱府許繼衡
等會同代理威遠營參將李雲分路進取廳城
自十四日至二十七日攻破蠻海蠻卡蠻洪蠻

利賊營六座克復河灣土城並埽平教場大審
一帶賊壘城東對河有蠻費土城與城相倚角
非厚集兵力難以得手遂添調土司刁體元不
丕文各猛地土練及景蒙營遊擊李安邦等前
往合圍城東之江坎大渡口並於土城外築礮
相持六月初四日分路進攻至次日子刻攻拔
附城賊壘擒斬僞都督趙玉僞將軍黃正榮斃

賊無算時陰雨連綿士卒多病賊於東西兩門
列礮抵拒防守益堅入秋瘴毒漸消臣催令護
迤南道張同壽代理普洱鎮總兵劉炳先同知
屈紹培遊擊陶升庭等增兵會勦十月十七日
陶升庭督兵攻破東西兩門外礮樓斷其汲道
旋擒斬僞先鋒馬七馬愁二等多名各軍分路
接戰次第將東北門外賊壘蕩平復分攻大寨

蠻灑右糯等處獲勝九年正月普威各路兵練
連營直抵城根二十六日夜四面合圍肉薄以
登城後龍山腳伏兵亦發以火器引燒城內房
屋馬標率衆巷戰我軍奮勇衝殺賊屍枕藉擒
斬僞都督趙連燦並奪獲僞印七方當將廳城
克復捕獲馬金小韓供稱馬標受傷後率十七
人由城西南隅越牆而遁按查尙無蹤迹其田

四濫一股人數不下數千巢穴皆憑絕險疊據
署他郎通判伊紹洙等稟稱八年七月守備李
應元等帶兵進剿斷賊糧路疊獲勝仗又攻破
尖山巖腳大小賊營八座並分攻黃莊蠻連賊
壘生擒僞將軍田州八月十六日直搗田四濫
老巢賊勢窮蹙紛紛潰散生擒田四濫父子三
人正法梟示該廳州等處邊境肅清

臣等查馬

標田四濫皆杜汝秀之悍黨率衆據城我軍力
勦年餘始得克復廳城並殄滅田四濫一股現
在商賈通行民事耕桑辦理尙屬妥協在事出
力及陣亡各員仰懇

天恩從優獎卹以昭激勸

劉嶽昭岑毓英又奏言上年西逆傾巢撲省勢
極狡獪時兵餉兩絀危而復安實賴四川之力

成都將軍崇實四川總督吳棠前任布政使蔣志章署布政使英祥前任按察使翁同爵署按察使傅慶貽署鹽茶道延祐成綿道孫濂皆能籌兵撥餉兼顧屏疆惟均係鄰省大員臣等未敢請敘至辦理防剿籌濟餉械各委員分承要務既久且勞實屬異常出力合無仰懇

天恩將調赴雲南委用四川補用道李祐等分別

獎勵出自

逾格鴻慈奏入

上命軍機大臣傳諭劉嶽昭岑毓英白雲南普洱府屬
之威遠廳久爲逆首馬標竊踞屢攻未下經劉嶽昭
岑毓英飭令迤南各軍會同土練分路進攻力戰年
餘始將廳城克復其田四濫一股在四疊崖一帶恃
險抗拒亦經官軍破其巢穴生擒逆首田四濫正法

南路肅清惟馬標一犯現尙在逃未獲仍著該督等
嚴飭所屬密速查拏懲辦毋任漏網田四濫餘黨並
著妥爲解散安插免致滋生事端威遠爲大理後路
與迤西聲息相通該處賊股業已殲除地方安謐正
可乘此聲勢分路進規迤西使杜逆腹背受敵攻剿
更易得手卽著該督等相機籌辦以期早日蕩平

上諭內閣曰雲南威遠聽久被逆匪馬標等占踞自上

年春閒經劉嶽昭等派兵攻勦疊獲勝仗現將威遠
廳克復其田四濫一股亦經官軍勦擊破其巢穴將
逆首田四濫等擒獲正法南路一律肅清在事各員
尙屬著有微勞自應量予獎勵雲南永昌府知府張
同壽著開缺以道員用永北直隸同知許繼衡等均
著開缺以知府用並賞換花翎知府廣潤著賞換花
翎知州伊紹洙著賞加知府銜並賞戴花翎同知張

家銘著賞戴藍翎知縣陳南燦著賞加知州銜千總
李雲著免補千總以守備儘先補用並賞加都司銜
賞換花翎都司尉遲東曉著免補都司以遊擊儘先
升用千總李應元著以守備儘先補用並賞加都司
銜文光斗著以守備儘先補用把總鄧亮等均著以
千總儘先拔補記名把總劉楹等均著以千總儘先
拔補並賞戴藍翎把總鄒榮著以千總卽補並賞加

守備銜吳兆麟等均著以千總拔補並賞加守備銜
賞戴藍翎土千總刁體元等均著賞加守備銜並賞
戴藍翎陣亡之雲騎尉陳國賓外委黑占雲鄒旺國
署通關汛把總記名外委蕭春秀署普洱鎮右營把
總記名外委李應春勦匪被戕之世襲車里宣慰司
刁正綜立功後病故之把總杜芳均著交部分別從
優議卹餘著照所議辦理另奏請將川省辦理防勦

及籌濟餉需各員獎勵道員李祐著賞換二品頂戴
鍾肇立著賞加按察使銜知府鄧承彬著賞給軍功
隨帶加二級張軸新著俟補缺後以道員歸候補班
前先用慶徵等均著賞加道銜同知沈起駿著俟補
缺後以知府歸候補班前先用陳昂著賞給軍功隨
帶加二級通判濮琮著俟補缺後以知州遇缺卽補
先換頂戴何其泰著俟補缺後以同知遇缺卽補先

換頂戴盛錫齡等均著歸候補班卽補知州漕溥等
均著賞加運同銜知縣李世琮著俟補缺後以同知
直隸州知州遇缺卽補英溥等均著歸候補班前
先用王震乙等均著歸候補班補用任鶴齡著賞給軍
功隨帶加二級直隸州州判潘潤芝著歸候補班前
補用縣丞亢如埴等均著俟補缺後以知縣歸候補
班前卽補鹽大使文懋等均著俟補缺後以知縣用

縣丞周振德著賞給軍功隨帶加二級鹽庫大使劉甲等著俟補缺後以鹽大使用按察司司獄劉坤等均著賞加六品銜巡檢王澤等均著俟補缺後以縣丞卽用未入流胡紹昌著遇缺前卽補布政司經歷吳益培著以知州在任候補布政司庫大使曹和瀚等均著以知縣在任候補訓導羊崇道著俟得缺後以教諭卽選參將彭炳輝著賞給三代二品封典

把總宓觀成著俟補千總後以守備用從九品李鴻
文著以州吏目遇缺前先卽選

二十六日 辛酉 劉嶽昭岑毓英奏言姚州東界定

遠北界大姚南聯鎮南城池堅固自咸豐五年
爲賊竊踞官兵屢攻不克上年八月 臣等飭楊

玉科移得勝之師由白塔街大龍口東豐村馬
房屯四路進剿連破長屯黃家屯校場等處賊

壘漸逼城下逆匪晝夜出巢死戰復於附城環
築礮樓十座併力抗拒楊玉科督兵力攻於本
年正二月次第掃平東北兩面賊礮賊又於東
門外築土爲城壕寬數丈楊玉科令開地道十
餘穴穿過賊壕三月初五日實以火藥轟倒土
城數丈楊玉科揮軍直入賊匪踞半街死拒楊
玉科親臨前敵爲賊火器所傷左右力救得免

仍嚴飭各營將弁分挖地道三十餘穴轟倒東
北城垣大半官軍由缺口攻入逆匪仍踞城樓
並築內牆抵拒楊玉科飭遊擊段瑞梅等穴地
直抵北城樓下四月初一日寅時點然引線轟
倒北門城樓一角段瑞梅乘勢先登楊玉科親
督各軍一擁而進奪據城樓都司蔣宗漢等由
東門踰城入遊擊徐聯魁等由南門攻進都司

彭子祥等奪取西門城樓分投巷戰自寅至午
交鋒數十次生擒逆首僞大司軍馬金保僞鎮
東大將軍藍平貴僞大將軍僕有明集衆舉火
自焚餘賊悉就殲擒當將全城克復州境一律
肅清在事出力及陣亡員弁仰懇

天恩獎敘並

飭部從優議卹

劉嶽昭岑毓英又奏言臣毓英督兵親攻激江
自二月初克復中關大了口卽趨營前進先後
紮成八十餘營逼近賊壘屢敗出撲之賊陣斬
賊目李春茂等多名四月初十至十五等日臣
督各營分道進攻該逆踞守龍潭校場蘿葡村
一帶恃礮自固槍礮如雨士卒多傷臣飭造木
牌層層排列束草填壕而進都司嚴勝美千總

舒世泰等先後攻克龍潭校場賊礮斃賊首
馬周等多名賊勢不支各軍爭先撲柵連破蘿
葡村一帶賊礮十三座斃賊數百名移營逼攻
西山村賊巢賊先於村後石山菜園等處立礮
如林踞守甚堅臣令迤東道蔡錦青督率弁兵
於賊營空處擗紮營盤隔斷石山賊壘五月初
一初二等日臣督隊先用開花礮轟擊賊壘復

令各軍蟻附而上直逼賊壕拋擲火蛋斃賊甚
衆總兵馬忠等破柵而進遂克石山營二座生
擒賊目馬文詔正法復乘勝破菜園朱家山一
帶營礮十五座參將錢汝達等亦攻破棕樹村
賊壘前來會勦現在我軍營壘一面抵住府城
一面逼近西山村及上下左所賊巢牆壕晝夜
環攻副將何秀林亦由伊舊村一路攻克賊營

多處現圍攻毛園楊老營一帶賊壘總兵張保
和楊國發等攻勦竹園賊匪連破岳家寨必就
寨夷者寨等處營寨二百餘處斬擒逆首馬春
藻施洪施阿二陳安李萬等及從賊二千餘名
東西兩山夷寨望風歸順竹園下壩地方一律
肅清現在環攻竹園上壩賊巢諒亦不難撲滅
臣仍嚴飭各將弁分投攻勦務期迅速復郡城肅

清竹園等處以仰副

聖主軫念邊陲至意奏入

上命軍機大臣傳諭劉嶽昭岑毓英曰姚州首逆馬金保藍平貴等皆與杜逆同時構亂著名兇悍之賊此次官軍力拔堅城擒斬逆首從此杜逆黨與漸孤進剿當易得手著劉嶽昭岑毓英督飭李維述一軍迅拔鎮南州城卽與楊玉科等軍相機分路前進以期

早日蕨功激江賊匪經岑毓英督率各軍於龍潭校場蘿葡村及西山村一帶攻破賊營賊礮數十座陣斬賊首多名其竹園賊匪亦經總兵張保和等督軍進攻連破營礮二百餘處殲賊二千餘名東西兩山夷寨望風歸順竹園下壩地方均已肅清仍著岑毓英嚴飭各軍乘勝攻勦迅克激江郡城並將竹園上壩賊巢一律掃蕩以靖邊陲

上諭內閣曰逆首馬金保等竄踞姚州負隅日久經總
兵楊玉科於連克定遠各城後督軍乘勝進攻先將
長屯黃家屯校場等處賊壘平毀漸逼城下該逆抵
死抗拒楊玉科力戰受傷復飭兵勇開挖地道轟倒
北門各軍一擁而入當將姚州城池克復並擒獲逆
首馬金保藍平貴等正法餘賊悉數殲除全境一律
肅清勦辦尙爲得手所有此次尤爲出力之總兵楊

玉科著賞加提督銜並賞換瑚松額巴圖魯名號遊
擊段瑞梅等著免補遊擊以參將儘先補用段瑞梅
並賞給拔勇巴圖魯名號徐聯魁並賞給捷勇巴圖
魯名號都司彭子祥等均著免補都司以遊擊儘先
補用彭子祥楊玉麟並賞加副將銜蔣宗漢並賞換
花翎守備朱士雲等均著免補守備以都司儘先補
用朱士雲並賞加副將銜蘇應瑞等三員並賞換花

翎把總董良知等均著免補把總以守備儘先補用
並賞加都司銜同知楊存初著賞加知府銜知縣張
之彬著賞加同知銜並賞戴花翎州判楊鳳儀等均
著免補本班以知縣不論雙單月儘先選用州同朱
錫熙著賞加知州銜並賞戴藍翎其餘出力員弁著
准其彙案保奏陣亡之副將銜都司唐文華劉智遊
擊銜都司陳春都司銜守備張文輔千總李文元李

長青守備銜千總王寶把總熊義張成功劉開甲張發府經歷曹人瑞均著交部分別從優議卹

劉嶽昭岑毓英又奏言前因省圍未解派員前往廣東採辦軍火並募洋人武齡實一來滇教習開花礮隊議定一年期滿卽派員送至湖北交漢口法領事官轉送回籍該洋人等隨同官軍攻克紅廟土堆賊壘頗著微勞今役滿回籍

合無仰懇

天恩賞給武齡遊擊職銜頂戴實一守備職銜頂戴以
示獎勵奏入得

旨允行

九月初五日 戊辰 劉嶽昭岑毓英奏言新興州城

距省一百四十餘里自七年二月州紳衛守備
田慶餘開城迎賊遂爲賊踞與東溝相爲犄角

勢甚狡獪本年三月馬如龍由玉枕山進攻田
仲興受傷殞命馬如龍以東溝爲賊糧路令副
將賽春等潛師往截東溝首匪馬成麟合國治
勾結館驛悍賊馬敏功添築堅壘驕悍異常四
月初五十一等日我軍分爲四路一由後裕鄉
進紮曲陀關關箐河一帶截勦州城東溝往來
之賊一由州城西南之拱拱橋金家莊一帶逼

賊連營一由玉枕山酸塘一帶連營抄擊一紮
山後會合攻勦連日接仗斃賊無數十六日圍
攻玉枕山下賊壘守備馬錫晉身先士卒立拔
賊礮旋卽中礮陣亡自此晝夜鏖戰並用開花
礮轟擊先後克玉枕山石灰窰及附城五壘賊
之糧米均爲我有該逆糧路斷絕勢漸窮蹙馬
如龍督軍趨紮礮營一百五十餘座合圍州城

逆首田慶餘連日出戰皆爲我軍擊退二十九
日城內被脅漢回合景春等赴營密請縛田慶
餘及其黨以降而田逆自衛嚴密無隙可乘五
月初二日馬如龍督軍進攻護城營礮擊以開
花礮斃賊無數田逆出城援救馬如龍密約合
景春等阻其歸路併力夾擊陣擒逆首僞大司
輔田慶餘正法其迤西之僞大司將軍馬高恩

偽二司戎張應祿偽三司靜馬世興及大小頭
目李品金等八人均經城內百姓縛獻駢誅並
搆獲金銅銀木偽印四十六方脅從人等棄械
投誠准予就撫卽於是日將城池收復臣等查
田慶餘由武進士以衛守備補用通賊陷城罪
不容誅今被擒伏法洵足伸

天討而快人心至此起降衆均係難民大半籍隸建水

之館驛河西之東溝該二處尙未肅清未能分
遣歸籍馬如龍令副將楊盛宗等清查戶口仍
令暫居州城復派參將馬青雲等駐兵城內並
分紮後裕鄉等處以資鎮壓馬如龍因傷疾舉
發回省就醫遂飭都司王正坤一軍規取東溝
馬永順各軍進圖館驛現在趕籌糧餉仍視兩
處軍情緩急由馬如龍隨時前往剿辦至收復

新興出力人員擬俟東溝館驛肅清再由臣等
彙案請獎其節次力戰傷亡之遊擊馮勝標等
深堪憫惻請

旨飭部分別從優議卹以慰忠魂

劉嶽昭岑毓英又奏言提臣馬如龍自辦理軍
務以來不辭艱險疊次親臨前敵身受重傷猶
復裹創力戰每遇餉糈匱乏亦必設法接濟此

派都司王正坤等規取東溝館驛該提督當趕緊調
理痊愈卽時前往督勦以資得力收復新興出力人
員俟東溝館驛肅清彙案請獎力戰傷亡之遊擊馮
勝標陣亡之都司銜守備馬錫晉記名把總馬品馬
照馬發林薊連科王蔭郭徐沛周茂等著交部分別
從優議卹至馬如龍連年勦賊均能身臨戰陣奮勇
圖功深堪嘉尙此次進勦新興於湖南撥餉未到時

復籌墊餉銀三萬兩洵屬顧持大局敵愾同仇著發
去白玉翎管一枝白玉搬指一箇火鏹一把大荷包
一對小荷包兩箇交該提督祇領以示優異

十九日壬午劉嶽昭岑毓英奏言賊踞澂江府城

分築土城於西山村西街子上下左所龍王廟
團樹營鎮海營右所波羅村等處與府城相倚
角土城外又環以礮樓數十座恃險抗拒臣毓

英督兵攻克龍潭蘿葡村等處賊壘卽晝夜趨
營進攻毀賊土礮賊改立石礮厚六七尺四面
無門鑿地成隧距礮箭許開一穴出入官軍攻
至礮下無門可入槍礮斧鑿無所施賊自暗擊
明官軍多傷臣令造木礮數十架每架十層乘
夜運逼賊礮頃刻合成數壘四面圍之復挖深
壕斷賊地道內賊旣不得出外援更不能入自

六月初三日至七月十八日先後攻克龍王廟
妥白村雙樹村等處賊壘並石礮數十座直逼
下左所賊巢晝夜施放開花礮斃賊甚多適道
員岑毓寶來營助剿由紅山一路進攻府城牽
掣賊勢連獲大勝追賊直抵城下賊勢愈蹙二
十九日夜總兵馬忠等督兵力攻並購獲回民
馬勤放火內應遂克下左所是夜乘勝進剿至

三十日早連破賊礮三十餘座上左所之賊猶
拚死抗拒城內及西山村西街子各賊又分股
來援臣飭辦理營務迤東道蔡錦青督同參將
劉自馨等更番血戰擊退援賊臣親督副將任
仕斌道員岑毓寶等四面齊撲賊柵束草填壕
砍柵而入於是上左所亦破逆賊悉數聚殲八
月初一初二等日臣仍親督各營分路並進賊

望風披靡連破西山村西街子團樹營埽茅洞
果子園九條溝張家村鎮海營新河口卑娑羅
右所學山毛園波羅村等處賊巢及附城四面
賊營一百五十餘座斬擒悍賊一千數百名救
出被脅百姓男婦千餘人城外賊營一律蕩平
現在僅餘孤城四面圍攻不難剋期克復此次
出力員弁俟激江肅清再由臣擇尤請獎其各

處陣亡之補用都司袁亮等請

旨飭部分別從優議卹奏入

上命軍機大臣傳諭劉嶽昭岑毓英曰澂江府城踞逆於城外分築土城石礮負嶠抗拒經岑毓英親督各軍進剿疊將西山村西街子及上下左所等處賊巢攻破附城四面賊營一律毀平剿辦甚爲得手現在僅餘孤城外援已絕釜底游魂諒難久延殘喘岑毓

英現已回省辦理關務澈江旣經合圍斷不可稍涉
鬆勁著劉嶽昭岑毓英飭令岑毓寶等合力圍攻迅
圖克復所有打仗陣亡之遊擊銜補用都司袁亮都
司銜補用守備尉遲毓芹張萬和千總蕭常把總李
壽椿蕭聲華外委楊有貴額外外委段有志及立功
後在營病故之運同銜候選同知李維藩副將銜補
用擊遊馮長壽均著交部分別從優議卹

劉嶽昭岑毓英又奏言總兵李維述圍攻鎮南
州城連破近城之鷓哥山堡子山土城二座石
礮數十憑高擊下屋瓦皆碎賊復於城中增壘
抵拒李維述督軍逼城壕而營四面開挖地道
均爲賊濬壕橫截臣等復派撥都司林大任等
帶領開花礮隊馳往助勦晝夜環攻諒州城不
日可下總兵張保和楊國發等圍勦竹園賊匪

先克下壩卽進攻上壩賊勾結館驛漢兮之賊
來援均爲我兵擊退賊復勾結邱北縣屬之紅
花山苗匪過江接應張保和親往沿江堵剿連
戰皆捷卽渡江仍回竹園督勦時值久雨賊巢
四面環以水田難於進攻張保和等步步爲營
自七月二十日至八月初八日先後攻克竹園
上壩之韓師寨趙林寨濫泥寨龍母溝石板橋

鐘營新房子禮拜寺雙糖房歪頭寨毛家寨等
處賊壘四十餘座擒斬賊目金常興及悍賊無
算並將竹園街老巢東南兩棚賊棚攻克與賊
隔牆相持旦夕即可撲滅又查開化府屬之鳳
法江那田心茂克等處及廣南府屬西路之裸
多驛爲賊老巢皆與竹園賊狼狽爲奸臣等檄
飭署開化鎮總兵麟志等分路進剿以牽賊勢

四月二十六日麟志克鳳法賊巢生擒逆首馬
勝朝等九人斬馘一百餘級五月初九日李朝
相等亦破猓多驛賊巢殲賊二百餘名解散脅
從夷民數十寨廣南府屬一律肅清麟志進剿
江那土城之賊圍逼賊巢疊獲勝仗臣仍飭該
員等激勵兵勇乘勝攻勦以期迅掃逆氛奏入

報

聞

外傳

1110

欽定平定雲南回匪方略卷四十二 庚午年至辛未年

十月二十四日 丙辰 崇實吳棠奏言建昌邊界與

滇之永北廳境毗連本年春夏之交永北廳踞
賊竄出二千餘人匿於盧雞足滇夷草地一帶
八月二十七八等日探得永北城內踞賊糧盡
矢絕意圖出竄盧雞足股匪亦有蠢動之勢建
昌鎮總兵劉寶國建昌道鄂惠甯遠府許培身

副將楊勝芳等扼守黑鹽塘一帶卽督同參將
鄧全勝等分路並進將至於粟地方突從骨格
達逆巢衝出賊匪千餘人勢甚猖獗劉寶國迎
頭截擊鏖戰兩時許復有悍賊千人由附近山
坡衝出副將李忠恕等各率兵練併力夾攻陣
斬悍賊數十名劉寶國督左右兩營掩出賊後
賊衆不支紛紛敗竄我軍槍礮齊施追躡二十

餘里斃賊數百名墮巖落澗死者無數生擒賊
目五名復躡蹤搜捕直至永北廳城下與同知
劉昌笏參將王遇春會商攻取之策九月初七
日三鼓王遇春等挑選精銳攜帶雲梯由東門
奮勇先登拋擲火器引燒城內房屋煙燄蔽天
人聲鼎沸劉寶國等亦率勁旅由南門騰越而
上城賊驚潰奪路狂奔滇蜀兩軍一齊攻入西

北兩門伏兵亦同時俱發四面圍殺殲賊殆盡
陣斬逆首劉應潰川軍都司斬勝正等生擒僞
大將軍李亨賓僞都督虎萬雙僞將軍漆士才
斬馘五百餘級獲僞印十七方當於初八日將
永北廳城克復川軍仍撤回邊界照舊巡防所
有此次川軍異常出力員弁仰懇

天恩先行鼓勵其陣亡弁勇可否容臣等查明分別獎

卹出自

逾格鴻施奏入

上諭內閣曰雲南回匪盤踞永北廳城十有餘年該處
爲大理門戶逆匪銳意死守時有竄匪擾及四川建
昌邊界本年八九月閒經總兵劉寶國道員鄂惠知
府許培身等督率官軍分路進剿先後擒斬賊匪多
名乘勝跟追直至永北廳城下會合滇軍迅籌攻取

九月初七日參將王遇春等挑選精銳攜帶雲梯由東門奮勇先登縱火然燒劉寶國等亦率勁旅從南門越上滇蜀兩軍一齊攻入西北各門伏兵並起四面圍殺將城內外悍回殲除殆盡陣斬逆首劉應潰並生擒僞大將軍李亨賓等正法當將永北廳城克復勦辦尙爲得手仍著崇實等飭令各軍相機進取迅掃逆氛此次尤爲出力之總兵劉寶國著遇有提

督缺出開列在先請旨簡放知府許培身著以道員
用已革湖南常德協副將李忠恕著開復原官留於
四川補用並免繳捐復銀兩參將鍾淮著以副將留
於四川補用並賞加總兵銜遊擊黃大玉著俟補缺
後以參將仍留湖南儘先補用並賞加副將銜都司
靳勝正著以遊擊仍留湖北儘先補用並賞加副將
銜恩騎尉李大英著以守備儘先卽補並賞戴藍翎

千總洪萬先著以守備遇缺卽補並賞給強勇巴圖魯名號吳全禮著以守備儘先補用並賞換花翎把總孫鴻澤外委郭明珍勇目姜占春楊均青均著以千總儘先拔補並賞戴五品藍翎郎中許之淦著分部行走免繳分部銀兩並賞戴花翎府經歷李忠烜著免選本班以知縣不論雙單月遇缺卽選並賞加同知銜州吏目郭維垣著遇缺前卽選並賞加六

品銜典史俞圻著免補本班以府經歷縣丞留於四
川歸候補班前補用以示鼓勵其餘出力各員及陣
亡弁勇准由崇實等查明分別奏請獎卹

十年正月初十日

庚子

劉嶽昭岑毓英奏言彌勒

縣屬竹園逆首馬世德糾結開化廣南臨安各
屬逆匪千人意圖竄擾宜良接連附省各逆合
困省垣經臣毓英分派總兵楊國發等馳往十

八寨朋普一帶扼賊上竄之路復派總兵張保和會同楊國發等相機進剿自本年三月至七八月張保和等連破岳家寨等處賊壘擒斬首逆馬春藻等及從賊二千餘名下壩一律肅清進攻上壩復克韓師寨等處賊壘四十餘座並拔賊巢東南外柵礮樓與賊隔壕相持賊勾結館驛溲今田心茂克賊匪三千餘人前來接應

張保和等設伏以待十月十五日夜援賊至者
甸山梁中伏大敗我軍陣斬賊目馬祥雲等並
悍賊一千餘人餘匪潰回小寨竹園賊膽愈寒
張保和等督率各營晝夜輪攻至閏十月初十
日破壘而入賊塞巷死拒官兵節節攻進肉薄
相當至十三日戌刻賊勢不支自焚及投水死
者不計其數其突圍而出者亦悉爲官軍截殺

當將竹園賊巢克復彌勒縣境肅清現在開廣
大路已通臣等檄委張保和署理開化鎮篆督
率該處兵團乘此聲威將田心茂克江那里曰
者鄉各處賊匪相機分別勦撫早靖東南以便
全軍西上合圍大理此次攻克竹園賊巢在事
出力及陣亡員弁仰懇

天恩分別獎卹

岑毓英又奏言 臣監臨事畢卽回軍營現移紮
距澂江城五里之趙家園督率各營四面擠紮
營礮圍逼賊壘力攻十餘晝夜先拔五靈廟營
礮四座乘勝掃蕩復克紅山鳳翔寺及附城四
面營礮九十餘座殲擒悍賊無算副將吳永安
都司盧得志現已奪據城壕紮營開挖地道日
夕可成事機尙屬順利惟降人蔡廷棟久住提

臣馬如龍寓所忽於八月攜其妻杜汶秀之女
蔡杜氏同逃出城迄今尙未拏獲難保不仍回
大理附逆滋事已飭各營及各地地方官嚴行堵
截均奏入

上命軍機大臣傳諭劉嶽昭岑毓英曰滇省彌勒縣屬
竹園地方被賊久踞經總兵張保和等會師進剿連
破上壩下壩逆巢多座擒斬館驛等處援賊甚多立

拔竹園老巢勦辦甚爲得手竹園地當衝要現雖克復而館驛等處賊匪尙未掃蕩該督等現檄張保和署理開化鎮篆著卽飭令迅速赴任督率該處兵團乘此聲威將田心茂克江那里日者鄉各處賊匪相機分別勦撫早靖東南以便全軍西上合圍大理岑毓英已馳赴澂江攻克附近賊營多座現擬開空地道進攻著卽督飭各營迅拔堅城勿稍鬆勁現在雲

南軍務日有起色未經收復地方尙有若干各路帶
兵將弁某員勦辦何處均著繪圖貼說詳細奏聞蔡
廷棟攜眷私逃是否仍回大理馬如龍係派何員看
管有無通同情弊著一併查明具奏

上諭內閣曰賊首馬世德糾合股匪盤踞雲南彌勒縣
屬竹園地方負嵎日久經總兵張保和楊國發等軍
分路進攻先將上下壩賊壘平毀陣斬馬春藻等二

千餘名及賊目馬祥雲等多名各軍乘勝環攻破壘而入賊勢不支自焚及淹斃者不計其數其突圍之賊亦被我軍截剿無遺當於上年閏十月十三日攻克竹園賊巢彌勒縣境肅清剿辦尙屬得手仍著劉嶽昭岑毓英嚴檄張保和楊國發等軍乘此聲威再圖進取迅殄寇氛此次尤爲出力之總兵張保和楊國發均著賞加提督銜張保和並賞換剛安巴圖魯

名號同知張來慶著免選本班以知府不論雙單月
儘先選用並賞戴花翎遊擊李崇魁著賞給銳勇巴
圖魯名號都司梁福著免補都司以遊擊儘先補用
並賞戴花翎守備繆廷樑等均著免補守備以都司
儘先補用並賞加副將銜千總張繼聲等均著免補
千總把總以守備儘先補用並賞加都司銜把總張
煥等均著以千總儘先補用並賞加都司銜縣丞張

朝臣著免選本班以知縣儘先選用並賞加知州銜
勇目劉得馨等均著以千總儘先補用並賞戴藍翎
其餘出力員弁著准其彙案擇保毋許冒濫其打仗
陣亡之副將銜參將劉自馨副將銜遊擊楊福章都
司銜守備董子茂把總羅正清外委楊有邦林華鵬
府經歷林迺恆病故州判洪體乾均著分別從優議

卹

劉嶽昭岑毓英又奏言滇省常年兵餉向由各
省協撥銀四十餘萬兩軍興以來需用愈繁上
年經 臣 毓英奏奉

諭旨飭部改由四川湖北湖南江西浙江五省每月撥
解協滇軍餉銀十二萬一千六百六十餘兩其
常年協餉暫停指撥以紓餉力迺迄今一年有
餘五省共解到銀五十萬四千四百餘兩計每

月不過收二萬數千兩按之部撥原數所短甚多現在軍務得手不日全軍西上直擣大理若餉項不繼深恐軍士解體合無仰懇

天恩飭下部臣通籌全局將各省應解協滇軍餉或另行指撥或仍飭四川等五省按月實力籌解毋得稍存膜視並請

簡派雲南現任京職人員馳駐湖北荊州適中之地暫

設後路糧臺咨催各省源源報解儻各省仍前
遲誤卽由

欽派督催之員將該省藩司奏請議處如餉項有著軍
事無功臣等亦甘任其咎奏入得

旨戶部議奏旋經戶部議奏滇省餉需匱乏必須迅籌
接濟方免停兵待餉之虞所有四川湖北江西
浙江每月協滇銀兩本係於釐金項下指撥應

令各該督撫無論何款按月湊解湖南原撥之款據該省巡撫奏稱力有未逮擬請改由廣東江蘇於釐金項下每月各協解銀一萬兩以符原撥之數並請

飭下兩廣兩江各督撫按月協解不得絲毫延欠致誤邊陲大局至原奏所請

簡派雲南京員擇地暫設糧臺一節查用兵各省並無

似此成案未便率行照准應仍令四川等省各
督撫隨時嚴催批解一面咨部備覈儻各藩司
仍前延宕卽由各本管督撫及雲貴總督雲南
巡撫隨時指叅以儆玩泄

上從之

三月初六日

丙寅

岑毓英奏言澱江府城踞賊屢

撫屢叛罪惡貫盈省圍解後總兵馬忠副將潘

文元等進攻失利臣卽親赴激營督率圍攻自

上年二月至十一月連破中關大啞口等處賊

巢及附城四面營礮賊猶負嵎抗拒臣督飭將

士奪據四面賊壕分段開挖地道賊與官軍肉

薄相當並於城角開重壕立石礮堵截地道一

任槍礮轟擊死拒不退本年正月初一日臣移

紮先鋒營督放地道轟陷城脚賊礮多座壓斃

伏賊尤衆被脅彭永壽王德昌等先後殲除逆
首姚樹勳耿朝保並擒獻賊目馬貴楊發元來
降賊勢愈蹙臣卽督飭副將吳永安等力攻西

北兩門二十四日由地道轟倒西北城垣十數
丈內層土牆屹立未動賊以全力抗拒未能攻
入當將缺口紮穩更番輪攻土牆二十六七日
總兵曹星柏等乘夜復由南門地道轟陷城脚

石礪四處二月初一日總兵馬忠何秀林等購
獲內應奪據東城樓吳永安等亦由西北城缺
擁進各軍同時架梯登城立將城池克復生擒
逆首馬和李萃單丕烈單丕勳馬賢馬學易謝
洪馬聯甲馬德等正法餘匪挖殺盡淨逸出之
賊復經迤東道蔡錦青督兵截殺無一漏網臣
查官軍五路進剿血戰一年有餘始將全境肅

清在事文武員弁勤勞日久實屬異常出力容
臣查明奏懇

恩施其陣亡之副將銜補用都司楊思潤等深堪憫惻
相應請

旨飭部分別從優議卹以慰忠魂

岑毓英又奏言咸豐六年賊踞開化府屬之江
那地方肆出竄擾大爲開化廣南之患同治八

年逆首馬世德率黨分竄潞江竹園臣一面派
兵圍剿一面檄開化廣南兵團乘虛搆其巢穴
於上年四五月攻克膩法獠多驛等處賊巢卽
飭署開化鎮總兵麟志乘勝進攻江那該處賊
巢堅固糧械充足遽難攻克臣復調署廣南營
守備季國清都司黃金琳等帶兵往助十一月
開迭破紫馬者等處營碉多座進攻江那土城

及附近之探南脚側竈老巢適有該處夷目陸
廷樑等爲賊派援激江畏我聲威獻營投降並
願回江那反戈內應卽令州判張克敏帶領該
夷目回籍並札飭開化廣南帶兵文武員弁密
授機宜督同籌辦又據巒志報稱於本年正月
初一日購獲夷目陸安何文等內應當派遊擊
宋錦千總蔡甲等各帶兵勇進攻探南脚側竈

二處該逆傾巢出敵官軍槍斃悍賊數十名餘
匪敗回官軍追之陸安率衆反戈夾擊殲賊四
百餘名撲水死者無數當立克探南脚側竈賊
巢次日進攻江那土城州判張克敏守備季國
清都司黃金琳等率衆登陴何文內應立破土
城生擒逆首馬寅馬同等十一名正法盡殲逆
黨夷民均已就撫現在開化府屬僅有田心茂

克二處賊巢未下已檄飭總兵張保和乘勝進
剿務期一律肅清在事出力員弁容 臣查明附
入克復澂江府城案內奏請獎勵奏入

上命軍機大臣傳諭劉嶽昭岑毓英曰澂江府城被賊
占踞十有餘年此次經岑毓英督率各營員弁奪據
四面城壕分投開挖地道疊次環攻於二月初一日
將澂江府城攻克生擒逆首馬和等正法敗逃餘匪

梭殺殆盡全境一律肅清實足以伸天討而快人心
岑毓英督兵勦賊親臨前敵克奏膚公實堪嘉尙其
在事出力文武員弁卽著劉嶽昭岑毓英查明保奏
候旨施恩陣亡之副將銜都司楊思潤都司銜守備
祖大章守備銜千總飛兆雄趙廷凱五品藍翎把總
黃勝海從九品銜胡先迎均著交部分別從優議卹
至開化府屬之江那地方久爲賊匪堅巢經署總兵

麟志等軍先將探南脚側竈二處攻克斷其犄角乘
勝力拔江那勦辦尙屬得手卽著劉嶽昭岑毓英檄
飭張保和等迅將田心茂克賊巢一律攻拔毋稍稽
遲所有在事出力員弁著准其附入克復澂江府城
案內奏請獎勵現在滇省東南各屬漸次底定此後
進兵機宜及如何規復大理之處並著劉嶽昭岑毓
英斟酌情形次第籌辦

四月二十一日
庚辰

上命軍機大臣傳諭劉嶽昭岑毓英曰滇省東南各屬次第底定迤西大理一帶賊勢如何急宜乘機規復應由何路進兵著該督撫悉心妥籌辦理迅速具奏

五月三十日
己未 劉嶽昭岑毓英奏言同治八年

十一月都司陳定邦等收復賓川州尙有距城三十里之賓居賊巢未下
臣等檄飭陳定邦乘

勝進勦該處接聯大理地勢險要攻取不易陳
定邦等移營進勦相持半載迨九年四月楊玉
科克復姚州卽令參將徐聯魁前往換防迭克
煉洞巖蓬大營衛瓦溪等處賊營漸逼老巢賊
徧植仙人掌刺高與壘齊火不能燒賊伏其中
槍礮如雨官兵多有損傷徐聯魁督兵乘夜砍
伐荆棘趨營前進掃平附近逆壘直抵賊壕時

楊玉科已肅清北路卽督兵於本年二月馳抵
賓居分飭各營晝夜環攻至三月初五日戌刻
西面地道先成轟倒賊壘數丈楊玉科揮軍直
入賊列隊死守巷口勇目徐聯級楊大奇錢有
大等先進陣亡徐聯魁衝鋒直前殲斃多賊守
備李應舉等由北門進都司朱士雲等由南門
進遊擊蔣宗漢等由東門進四面兜勦屍骸枕

藉賊勢不支舉火自焚時李維述派往助剿之
都司劉興等一軍適至截擊逃賊擒斬殆盡當
將賓居賊巢克復賓川州境肅清先是杜逆以
趙炳南爲僞大司寇駐守雲龍州該處在大理
之西左右有瀾滄潞江之險賊不設備臣毓英
檄署都司張潤等由維西中甸乘虛攻克麗江
劍川等府州城飭守備李鳳祥由永昌分兵攻

克杉木河賊巢千總王祖佑收復官乃山均與
雲龍州地界毗連趙炳南畏威乞降王祖佑遣
軍功邵長科往取其城李鳳祥亦遣其弟李鳳
呈帶兵前往爭競不已境內未附之民因之各
懷觀望仍樹白幟此九年二月閒事也臣等聞
報卽飭通判范瓊章馳往查辦彈壓解散移邵
長科一軍勦關南山賊匪並令軍功曹國賓等

將十二關臘鵝寨鷄茨登一帶竄匪擊退於是
箭里下節六十八村未附之民望風歸順現由
楊玉科分兵前往駐守州城遣撤李鳳呈一軍
仍回永昌雲龍州境業已肅清惟雲南縣城久
攻未下而彌渡已得之地復有大理蒙化賊匪
突出竄擾署通判羅熙藻帶團堵剿失利不知
下落李維述馳往接應已獲勝仗而蔡廷棟復

率大股賊匪來援勢甚猖獗臣等已飭李維述
迅圖掃蕩此次攻克賓居並收復雲龍州在事
出力員弁擬併入克復賓川州等處案內奏懇
恩施陣亡之副將銜補用遊擊陳定邦等相應請
旨飭部分別從優議卹以慰忠魂

劉嶽昭岑毓英又奏言張保和於二月中旬督
帶遊擊李占春等由竹園進攻茂克賊巢連獲

勝仗斃賊百餘名旋將賊巢後山礮壘一律攻
克賊急出撲勢甚熾張官軍奮力兜剿自辰至
酉陣斬逆首馬四堂楊智李正東並悍賊多名
餘匪敗回官軍卽由後山添紮四營憑高擊下
斃賊無算先是茂克回人馬德等聞官軍攻克
竹園江那囑於軍威思欲投誠爲逆首馬四堂
等所殺無敢復言投誠者及馬四堂等被殲餘

黨一日數驚二十三日有老回金萬馬同等率
領老弱男婦赴營伏地乞命張保和令繳械毀
堡聽候安置四月初二日將該降人等移往阿
迷州屬之大莊回寨居住交該處回日馬維麒
隨時約束茂克賊巢業已肅清惟阿迷州屬邱
北縣屬尙有田心曰者鄉兩處賊巢均與開化
地界毗連已飭乘勝進剿迅速掃蕩奏入

上命軍機大臣傳諭劉嶽昭岑毓英曰賓川所屬賓居
賊巢盤踞日久經楊玉科等先後督軍進剿力攻一
年有餘克拔堅巢賓川州境肅清雲龍州賊目趙炳
南具稟投誠州城亦已收復該處軍務旣經得手大
理賊勢自更窮蹙惟雲南縣踞賊負隅未下彌渡地
方又有賊擾著劉嶽昭岑毓英飭令李維述等實力
進剿迅克雲南縣城並將彌渡一帶竄賊悉數掃蕩

毋稍延緩此次攻克賓居賊巢及收復雲龍州城在
事出力員弁准其查明併案請獎陣亡之副將銜遊
擊陳定邦遊擊銜都司王增都司王洪春把總王春
年謝樹棠吳在學六品頂戴外委王國弼尉遲貴蔡
文彬擬保千總徐聯級擬保把總楊大奇錢有大並
解糧遇害之訓導黃仲頤均著交部各照本職及擬
保官階分別從優議卹以慰忠魂其茂克賊巢旣經

攻拔開化府屬已就肅清仍著飭令張保和等乘此
聲威速將田心等處賊巢次第攻克以期一律廓清

劉嶽昭岑毓英又奏言滇省軍興十有七載郡

縣城池淪陷大半臣等仰承

聖訓得以掃蕩逆氛先後克復呈貢甯富民嵩明易

門安甯羅次祿豐昆陽尋甸武定祿勸元謀楚

雄廣通南安定遠大姚姚州鎮南賓川雲龍鄧

附葛越嶺而上適夏毓秀在山腳被圍馬如龍
督隊衝下手刃賊十餘人賊大奔潰救出夏毓
秀各軍乘勢並進斬馘無算卽將附近賊營礮
樓全行攻破小東溝之賊畏威乞降馬如龍許
之三月十一日降人縛僞總統合幘治僞將軍
馬雙來張其位舒國安四人來獻并繳軍械僞
印馬如龍誅合幘治等而赦其脅從卽率隊進

相當忽中槍撲地參將馬和遊擊馬永順劉天元等奮力搶護均受重傷諸將齊至始得救回馬如龍卽令副將賽春等督隊攻擊而自回新興養傷旋以霖雨溪漲沖決隄根馬如龍飛飭各將重加修治摺紮營礮距賊巢僅止數丈賊勢已萬分窮蹙現在嚴飭各營上緊攻勦以期迅拔堅巢奏入

上命軍機大臣傳諭劉嶽昭岑毓英曰賊首馬成麟久踞河西縣屬之大東溝與小東溝匪首合幟治勾結爲患經馬如龍派兵分道進攻復親率隊伍繼進將小東溝賊巢收復並擒獲合幟治等正法其餘賊衆就撫惟大東溝之賊尙負隅死守馬如龍督隊勦賊身受槍傷曾否痊愈殊深慮系卽著劉嶽昭岑毓英傳知該提督迅速調治一面督率兵勇乘賊勢蹙趕

將大東溝逆巢攻拔毋令首逆馬成麟乘閒逃遁致稽顯戮此次出力及陣亡員弁兵勇准其俟大東溝肅清後彙案奏請獎卹其小東溝招撫人衆務當設法彈壓隨時稽察毋令再生事端

上諭內閣曰雲南河西縣屬之大東溝小東溝地方久爲賊匪占踞提督馬如龍督隊進剿斬馘甚多官軍乘勢進攻立將小東溝賊巢攻拔並擒獲逆首合輶

治等四名正法其大東溝之賊亦經該提督督軍攻
擊殲斃多名馬如龍現因身受槍傷回營著劉嶽昭
岑毓英傳知該提督加意調養並發去白玉翎管一
枝白玉搬指一箇火鏢一把大荷包一對小荷包兩
箇賞給馬如龍祇領以獎勞勩

中
藏
書

欽定平定雲南回匪方略卷四十三 辛未年至壬申年

九月十七日

甲辰

劉嶽昭岑毓英奏言 臣等恭承

廟略先後克復三十二城掃蕩竹園江那膩法茂克猓
多驛各老巢迤西尙有大理永昌順甯蒙化騰
越雲州趙州雲南永平等府廳州縣九城未克
東南尙有邱北縣屬之曰者鄉臨安府屬之館
驛漣兮田心東溝五處賊巢未平迤西未復各

城距省較遠卽至近之雲南縣亦距省七百餘里現有總兵楊玉科全軍分駐鄧川浪穹雲龍賓川鶴慶麗江一帶防勦俱極嚴密李維述圍攻雲南縣城日久未下兵力漸疲臣等已派總兵楊國發帶兵馳往會勦並派道員岑毓寶一軍隨時策應惟東南館驛東溝漚兮等處均距省不過二三百里賊皆百戰餘孽必須先行勦

除西征方無內顧之憂臣等先派參將梁士美

由臨安攻勦館驛迄今兩年竟未出臨安一步

僅派梁士偉等駐紮通海曲江一帶提督馬如

龍本議攻克東溝卽赴館驛督辦而東溝久未

得手提臣現又受傷深恐館驛賊匪乘隙竄援

東溝致成滋蔓其漚兮田心二處前飭總兵何

秀林張保和分任防勦兩軍皆因苦戰日久已

成弩未僅能扼要堵剿尙未逼近賊巢曰者鄉
踞匪責成廣南文武督飭兵團圍攻亦未得手
現在新穀漸熟各處俱宜添兵進剿臣毓英擬
移緩就急親赴迤南督辦以期迅拔各巢肅清
東南如遇迤西喫緊仍當往來兼顧各軍已分
起拔赴迤南臣毓英卽於七月二十六日由省
起程以後進剿機宜俟到曲江查明再行陳奏

劉嶽昭岑毓英又奏言正繕摺開據總兵楊王
科報稱克復永昌查永昌府城經守備李鳳祥
等圍攻三年有餘本年三月復經楊玉科令遊
擊劉重慶等前往助剿又令遊擊蔣宗漢疊次
擊敗賊援城內賊愈窮蹙李鳳祥等激勵兵勇
晝夜輪攻於七月二十三日攻克府城生擒逆
首僞大司馬楊德名僞大司武馬年三等餘賊

殲除淨盡府城內外一律肅清現飭將善後城
防事宜妥爲布置分兵乘勝合攻永平以期迅
速掃蕩奏入

上命軍機大臣傳諭劉嶽昭岑毓英曰滇省東南一帶
未拔賊巢均距省城甚近自應先行剿除以去肘腋
之患大東溝尙未克復馬如龍受傷未痊深慮館驛
賊匪出援致成滋蔓漣今田心及日者鄉進剿之師

亦未得手岑毓英現已帶兵起程親赴迤南督勦可
謂勇於任事卽著激勵各營分投埽蕩迅拔各巢肅
清東南一路臨安府屬既有賊巢數處梁士美僅派
隊駐紮通海曲江一帶安坐府城並不遵檄勦賊漸
形跋扈岑毓英當設法駕馭隨時約束毋任如前驕
恣省城巡防事宜暨接濟各路餉需軍火著劉嶽昭
悉心籌畫不得稍有貽誤永昌現旣攻克該處善後

及防守事務該督撫卽飭在事各員妥爲布置乘勝
進攻永平將未復各城次第收復爲直擣大理之計
岑毓英現赴迤南所有迤西軍務仍著妥籌兼顧

十一月初四日

庚寅

四川總督兼署成都將軍吳

棠奏言同治七年正月調撥楚軍擊回渭北兼
顧漢南記名提督李輝武率所部馳驟寶鳳汧
隴之閒是年二月會合陝軍有攻克隴州縣頭

鎮之捷四月復有平毀固原賊巢之捷八年五月埽蕩甘肅兩當縣境大股回逆又於陝西唐藏追賊大勝九年正月雕勦竄回屢戰屢捷力保漢南門戶又分援武功醴泉兼顧西安省垣此越境勦賊之師也其戍邊之卒則有提督陳希祥達字營總兵李有恆虎字營威寶營及裕字營親兵各營俱能觸暑荷戈衝寒陷陣俾李

輝武無後顧之虞七年秋閒陳希祥帶隊援黔
從上游之清鎮安平轉戰而前疊破郭家壘等
處賊巢遂克定南汛城賊會賀興仁反正降其
衆三千人復乘勝攻下區擔山獐狃墳由貴州
撫臣曾璧光奏請仍歸川省覈獎伏查川省廣
元昭化平武等縣綿亙數百里毗連秦隴時有
遊匪回逆竄擾李輝武陳希祥等或戰或守保

川境而衛漢南厥功甚偉現在李輝武奉

旨留川仍令出紮陝甘交界之大安驛以防爲勦陳希

祥李有恆各軍亦皆分駐川北邊疆前後數年
未敢少懈各營員弁久著成勞仰懇

天恩准 臣彙案酌獎奏入得

旨允行

十一年二月二十七日

辛巳 劉嶽昭岑毓英奏言

館驛軍務自歸平附城賊壘臣毓英逐日親督

何秀林李廷標等直薄城下環築營礮施放開

花礮晝夜攻城燬屋甚多賊於城內塞巷增壘

掘地爲營並由地穴通出城壕伏賊死守臣飭

何秀林李廷標等分投開挖地道十二月十六

日西門地道先成三穴實以火藥轟倒城垣三

十餘丈壕內伏賊壓斃殆盡官軍由缺口衝入

血戰一晝夜殺賊甚衆賊踞房屋及地穴死拒
官軍遂於城內紮立十七營肉薄相當復於西
北二門開放地道二十餘穴轟倒房屋一層進
紮一層將西北兩門城垣房屋全行奪據殲賊
固多我軍亦損傷不少現仍用地道節節進攻
剋日可望撲滅此官軍力破館驛西北兩門之
情形也田心賊巢有車白泥紅果樹木龍三處

爲犄角又有礮樓八十餘座防備極密而車白
泥四面水田尤爲堅固總兵張保和督隊開溝
馮水由泥淖中繼營逼攻並飭遊擊李崇魁張
致和等堵剿曰者鄉援賊於十一月內連破所
求大鐵白色姑等處賊寨先後斬馘六百餘級
截斷曰者鄉田心往來之路始得專力圍攻乃
逆首馬世德又遣黨竄踞開化府屬之黑末地

方煽惑各夷阻截官軍糧運張保和令守備張
繼聲暫管田心車白泥軍務卽統兵回顧糧路
連克灑戛竜大小石牙白魚礪水冲彌勒灣土
基冲白兔末落施札等處賊寨擒斬首逆胡亮
及悍黨四百餘名署開化府知府陳廷珍署遊
擊宋錦亦自開化帶兵赴援連破黃龍山舍舍
寨馬蝗冲棠栗冲等處與張保和會攻黑末賊

壘十三月十二日破之斬賊目馬聯陞馬添順
馬美楊植戴美鄭有榮林珍及從匪數百名開
化府屬糧路暢通張保和仍馳回田心行次樂
棲舊地方據張繼聲報稱十三日已攻入車白
泥南柵及附近賊碉二處適都司陳金鑑等率
開花礮隊到彼助剿乘勝轟擊至十四日午刻
克車白泥賊巢殲賊目李成馬興馬先及悍賊

三百餘名撲水死者無算張保和回營後卽派
都司劉萃張有春等攻取木龍寨而自督張繼
聲等分攻田心紅果樹賊巢正月十三日破小
石山及沿海各處賊礮數十座乘勝拔柵越壕
而進立破田心紅果樹木龍賊巢擒斬賊目納
高司馬發金二帥主等逆首僞大司靖馬世德
率衆巷戰力不能支退入火藥局內自焚從賊

數百悉燼田心賊巢業已掃蕩肅清臣等查田
心久爲賊藪臨安開化廣南各屬均受其害逆
首馬世德曾膺顯秩乃甘心附逆並煽動東南
各處回匪今兵敗焚死實足伸

國法而快人心其曰者鄉瀟兮等處賊巢乘此聲
威不難迎刃而下臣等自當遵

旨激勵將士迅奏膚公惟上年各省解到協餉不足一

十萬而本省饑饉薦臻糧餉萬分支緝各營弁
枵腹從軍異常艱苦可否仰懇

天恩俟館驛全城克復由臣等擇尤保奏出自

逾格鴻施其各路陣亡之遊擊銜都司朱占熬等應請
旨飭部分別從優議卹以慰忠魂

劉嶽昭岑毓英又奏言據總兵楊玉科稟稱分
軍圍攻永平縣城及曲硐漾濞等處賊巢勢已

得手忽探報逆首蔡廷棟糾黨數千竄踞哈腊
左地方前來援應當卽令都司李應舉張潤圍
攻曲嗣自率副將段瑞梅等由龍街黃連鋪沿
江一帶分路截擊連獲勝仗十二月十九日攻
哈腊左賊巢克之斬首二千餘級跳江而斃者
不可勝計現在曲嗣漾溲賊援已斷不難迅速
攻拔又據總兵李維述等稟稱自十月二十日

攻克後所土城卽移營直抵雲南縣城下四面圍攻次第攻克東西北三面壕邊賊薊大理蒙化大股賊匪疊次來援均爲官軍擊退孤城指日可下臣等已檄飭該員等激勵士卒迅圖掃蕩奏入

上命軍機大臣傳諭劉嶽昭岑毓英曰館驛田心等處久爲賊踞岑毓英督飭何秀林張保和等分路進攻

力破館驛西北兩門田心等處賊巢同時攻破擒斬
賊目多名逆首馬世德業經焚斃該撫於餉需支絀
之際督飭各營弁勇屢拔堅巢勦辦甚爲得手仍著
劉嶽昭岑毓英激勵各軍乘此聲威迅將館驛全城
克復曰若鄉瀟兮等處賊衆被勦窮蹙並著乘勢一
鼓蕩平肅清各處匪巢以靖邊圉此次出力各員准
由該督撫於館驛全城克復後擇尤保獎候旨施恩

陣亡之遊擊銜都司朱占鰲陳學遊擊銜守備黃發
祥都司銜守備鄧占洪守備銜千總林開勝王祥楊
詔張臣韓國忠藍翎千總黃開文把總許有邦楊兆
王洪順戴澤元李大賢王有才李得勝陳敬張金范
鍾英外委趙懷相徐永發王得貴樊振茂陳占教朱
占甲及立功後在營病故之遊擊林大任均著交部
分別從優議卹迤西軍務並著分飭場玉科李維述

等迅將永平雲南等縣城剋期攻拔規取大理盡殄
逆氛

三月初一日酉乙貴州巡撫曾璧光貴州提督周

達武奏言興義府城踞匪勾結苗夷以普安縣
屬之新城爲老巢貞豐州爲唇齒而安南縣境
內賊股尤多盤江鐵鎖橋最爲險隘賊負嶮以
抗官軍總兵何世華力遏盤江分軍扼紮毛口

凡邕淮毛栗寨竄匪次第掃平那日魯榮林槐
旺母一帶踞賊不敢復擾北岸惟力拒鐵鎖橋
與我軍對江而壘時樸安南縣城分攻鄉民墾
洞勢甚披猖何世華所部調赴威甯一營僅存
七營殊形寡弱臣等檄令聯合鄉團先據鐵鎖
橋再行節節進取該總兵隨督同參將楊國相
等分道並進並飛飭遊擊易飛熊等集團協助

十月十三日軍抵鐵鎖橋施放槍礮賊抵死不
退遊擊李漢元帶勇槍過橋南殺賊數十賊棄
關奔潰何世華麾軍徑渡盡殲逸賊回會譚五
獸大懼率衆先降貞豐屬苗酋楊九亦遞稟乞
命各願立功自贖何世華允之簡譚五獸所部
千人編爲撫安左哨兩營以譚五獸及巴革副
將唐全勝分統之並令與楊九爲先鋒而自督

軍繼進擊退攻城之賊又圍攻岩鷹碕賊聞風遁救出難民數千譚五獸復導官軍分投進剿拔樂康堅巢克白塞賊壘擒斬僞元帥潘么等六人餘黨殲焉被脅民壘五十餘座均令增生彭瓊妥爲招撫縣境一律肅清此剿撫安南之情形也安南旣平進取貞豐十一月初八日何世華拔營進紮州屬者相寨夷酋田太祥等經

楊九諭以利害悔罪歸順惟僞元帥馬斯駿
僞都統李竹春等負固不下逼脅漢夷紮營拒
敵楊九密約漢民舉火內應何世華隨督軍前
進先殲城外之賊漢民佯敗入城我軍攻城不
克而退是夜何世華令李漢元等攻南門西門
而自率知州鄧庭桂攻東門都司胡友琴把總
陳裕紳與降酋楊九田太祥等伏城北知縣周

梓元等伏城西較長坪以防賊竄三鼓進抵城
下先以火器仰攻賊方力拒而城中火起何世
華卽麾衆登城胡友琴陳裕紳首登殺守城賊
數人楊九田太祥亦超騰而上城內漢民開東
門迎師我軍擁入遇賊卽殺賊倉皇四竄各軍
乘勢蹙之斃賊無算馬斯駿等率悍黨千餘人
由西門遁何世華令撲滅餘火一面派隊追至

較長坪與周梓元等前後夾擊馬斯駿等就戮
殲賊殆盡餘匪數十人由馬乃寨逸去州城克
復救出難民一千餘戶獲賊黨百名釋脅從三
十餘人此攻取貞豐州之情形也兩役計共獲
銅木偽印一百有五穀二千餘石旗幟軍火無
數何世華以貞豐旣復毛口解嚴隨知會提督
黃宗耀由毛口大路接勦沿途伏莽自郎岱至

普安廳驛道疏通商旅無阻附近馬乃及海河
兩巢先經何世華派總兵游宗翠等及譚五獸
同往勦辦降賊黨劉朝顯李廷勝斃賊千餘人
賊壘悉平新城援賊亦經擊回何世華將各路
布置周妥卽規復興新兩城令祝友信楊見龍
與黃宗耀進紮大河橋游宗翠與譚五獸移軍
弓橋互相聯合滾營進逼又簡楊九等原部一

千餘人編爲安撫前後中三營令楊九與諸降
會統之協同民團進圖興義府李漢元黃雲超
楊國相等隨方策應此進規興義新城之情形
也臣等以興義府及新城等處回夷各匪皆百
戰死黨必須厚集兵力方可一鼓蕩平而地接
滇疆尤慮此擊彼竄當委道員吳德溥率總兵
文德盛等軍馳赴興義督同該處文武相機剿

辦並飛咨督 臣劉嶽昭派兵會勦此次何世華
等以少擊衆迅克堅城以及在事尤爲出力員
弁仰懇

天恩獎敘降人譚五獸改名譚元輔楊九改名楊樹森
應請一併獎敘其餘出力員弁可否容 臣等擇
尤請獎出自

逾格鴻慈奏入

上命軍機大臣傳諭劉嶽昭曾璧光周達武曰貞豐州城旣克上游軍事甚順亟應乘勝進攻曾璧光現派吳德溥等帶隊馳赴興義著卽飭令督同該處文武相機勦辦力攻興義府及新城等處迅圖克復惟該處回夷各匪皆百戰死黨且地接滇疆尤恐此擊彼竄蔓延爲害著劉嶽昭岑毓英挑派得力大員管帶兵練迅卽馳赴該處會同曾璧光周達武所派各軍

合力勦辦迅掃逆氛

上諭內閣曰貴州興義府城踞匪與貞豐州踞逆相爲
犄角而安南縣境內賊股尤多上年十月閒總兵何
世華等督軍進勦先將鐵鎖橋賊寨攻拔回首譚五
獸等畏威乞降引導官軍攻破賊壘甚多擒斬僞元
帥潘么等多名安南縣境一律肅清十一月初八日
何世華等乘勝進規貞豐州城將城外之賊殲除殆

盡卽於是夜分門進攻將貞豐州城攻克賊首馬斯
駿等亦皆就戮餘賊搜勦無遺勦辦甚爲得手卽著
曾璧光等督飭官軍規復興義府城以靖邊圉在事
尤爲出力之總兵何世華著交軍機處記名遇有提
督總兵缺出儘先提奏並賞換瑚松額巴圖魯名號
李漢元著仍以總兵交軍機處記名遇缺儘先提奏
並賞給鋒勇巴圖魯名號提督黃宗耀著仍交軍機

處記名遇有提督缺出儘先提奏並賞給三代應得
封典總兵游宗翠著以提督交軍機處記名遇有缺
出請旨簡放並賞給銳勇巴圖魯名號都司祝友信
著免補都司以遊擊留於貴州儘先補用並賞加參
將銜祝朝南著免補都司以遊擊改留貴州儘先補
用把總陳裕紳著免補把總以千總留於貴州儘先
補用並賞加守備銜留川補用同知直隸州知州鄧

庭桂著免補本班以知府留於貴州補用知縣楊見
龍著免補本班以同知直隸州知州補用參將李志
田著免補參將以副將儘先補用候選同知直隸州
知州潘澤霖等均著免選本班以知府不論雙單月
籤掣省分歸候補班遇缺前先用生員彭瓊著以
縣主簿不論雙單月遇缺儘先選用降入譚元輔
楊樹森均著以千總儘先拔補並賞加守備銜其餘

務節制諸軍臣與岑毓英曾璧光往返函商意
見相同臣卽授以機宜飭令馳往興義會合黔
省官軍妥商辦理奏入

上命軍機大臣傳諭劉嶽昭岑毓英周達武曰貴州興
義府城踞匪及新城賊巢久爲滇黔兩省邊患前據
曾璧光等奏貞豐克復派兵進規興郡新城茲據劉
嶽昭奏現派副將吳奇忠等管帶忠義等營由興義

縣進征知府李維暹等管帶銳字左右營由普安廳
進征並派道員沈壽榕馳往興義督率會剿卽著劉
嶽昭岑毓英飭令沈壽榕於行抵興義後卽行會同
黔省官軍將進剿機宜妥商辦理會璧光周達武當
檄令吳德溥等迅速督隊合力剿擊將興義府及新
城等處剋期攻拔毋稍延緩此次雲南派出各軍所
需糧餉軍火並著會璧光周達武妥籌兼顧毋令缺

濫

出力文武員弁著准其擇尤保奏候旨施恩毋許冒

十五日己亥劉嶽昭奏言貴州興義新城踞匪久

爲滇黔兩省邊患本年正月疊據署興義府知

府葉正固署普安廳同知嚴鼎金稟稱賊勢猖

獗環立碉樓抗拒官軍當飭各該文武激勵兵

團認真攻勦時東溝克復兵勇可以抽調臣復

飭署督標中軍副將總兵吳奇忠等管帶忠義
等營二千名由興義縣一路進征飭貴州候補
知府李維暹等管帶銳字左右營勇丁六百名
由普安廳一路進征所需糧餉軍火卽飭貴州
軍需局籌解接濟惟是諸軍出境號令不齊必
須文職大員前往督率以一事權雲南鹽法道
沈壽榕隨臣辦理貴州軍務有年堪以總理營

欽定平定雲南回匪方略卷四十四 壬申年

四月二十六日己卯劉嶽昭岑毓英奏言提臣馬

如龍傷疾稍愈輕騎馳赴新興州城遷降衆於
龍門九村城內漢民次第歸業隨親往前敵督
率各軍於賊巢前後添築營碉三十二座挑選
將士輪流攻擊並派遊擊王正坤帶兵駐紮河
西各隘以斷賊援十一月十八日僞都督馬熬

等率悍黨數百出巢圖竄參將馬和等分路兜
擊斃匪百餘人陣斬馬鰲賊敗歸老巢次日馬
如龍圍攻漢夷村大東溝之賊出援把總陳朝
玉王鼎甲中槍陣亡副將夏毓秀等分投奮擊
生擒僞將軍納佩等五人斬之遂拔漢夷村殲
賊九十餘人救出難民二百餘人諸軍卽進逼
大東溝晝夜以開花礮連環攻擊賊於牆內穴

地暗施槍礮以死抗拒至十二月初三日馬如龍懸賞募奮勇六百人令遊擊馬文新等將之是夜五鼓分路進攻賊槍礮雨下我軍稍有傷亡次日辰刻馬如龍督諸軍繼進將士人人用命越壕架梯而上賊驚四竄官軍一鼓畢登立拔大東溝老巢獲偽統制馬繼等及悍黨二百三十餘名悉予駢戮首逆馬成麟中礮死其弟

馬自新馬文裕等藏屍清真寺意存叵測初八
日復派將弁圍攻三晝夜生擒馬自新馬文裕
張體寬合士成率隊進寨搜獲馬成麟屍身戮
以示衆並將馬自新等四人正法卽令降衆呈
繳器械平毀碉樓牆壕又令副將馬青雲等帶
兵分駐大小東溝漢夷村以資鎮壓十五日馳
回新興大營將龍門九村難民遷赴大小東溝

安插新興河西境內一律肅清臣等查該提臣身經百戰屢受重傷用能激勵士卒殄除積年巨寇所有在事出力文武及上年肅清大關廳永善縣等處蠻匪疏通餉道各員仰懇

天恩並予鼓勵其陣亡之守備鄭其麟等或力戰捐軀或立功後在營瘴故深堪憫惻請

旨飭部從優議卹以慰忠魂奏入

上諭內閣曰雲南官軍疊次克復新興州城池及大小東溝賊巢並肅清大關廳永善縣等處匪徒在事各員弁均屬著有微勞自應量予獎勵知府靳登瀛著賞戴花翎夏源著賞給三品封典胡紹曾等均著賞加道銜宋祖紳著賞加鹽運使銜並賞戴花翎許繼衡等均著俟補缺後以道員用張來慶著賞給勤勇巴圖魯名號候選同知直隸州知州馬負圖等均著

免選本班以知府不論雙單月儘先前選用楊好清
並賞換花翎同知周廷獻等均著免補本班以知府
補用彭文鐸並賞換花翎巧家同知陳廷珍等均著
開缺以知府遇缺卽補吳啟賢並賞換花翎直隸州
知州劉鳳苞等均著以知府用劉鳳苞並賞加道銜
候選同知直隸州知州程興築著免選本班以知府
分發省分歸軍功候補班前
先補用候選同知馬開

科著免選本班以直隸州知州分發省分歸候補班
補用並賞戴花翎知縣金椿著免補本班以直隸州
知州仍留四川歸候補班前先用並賞加知府銜宋
錫恩等均著免補本班以同知直隸州知州仍留貴
州歸候補班遇缺儘先前補用宋錫恩並賞換花翎
道員張舒萼著歸軍功候補班前遇缺卽補知府彭
毓葵著俟補知府後以道員歸候補班前先用直

隸州知州宋恆山著賞加知府銜並賞戴花翎知縣
李泳平等均著賞加運同銜李泳平並賞戴花翎知
府李維暹等均著仍以知府各歸原省遇缺儘先補
用俟補缺後再行送部引見補用同知直隸州知州
徐本謙著以知府用知縣楊炳垣著俟服闋選缺後
以同知用同知伊紹洙著俟服闋選缺後以知府用
同知宋兆熊著俟補缺後以知府用黃士毅等均著

賞加知府銜黃士毅等二員並賞戴花翎知縣唐湛
春等均著賞戴花翎候選知縣梁煥章著俟銓選知
縣後以同知直隸州知州用貴州知縣馬晉騎著改
留雲南仍按原班補用同知李春芳等均著仍以同
知歸原省軍功候補班前先補用胡承訓並賞換花
翎候選知縣伍懋郇著仍以知縣留於雲南補用並
賞加同知銜馬映璧著仍以知縣分發省分遇缺儘

先補用並賞加同知銜賞戴花翎趙桂棻等均著賞
加同知銜趙桂棻並賞戴花翎何肇祺等均著俟補
缺後以同知直隸州知州仍歸原省補用趙州知州
景福等均著開缺以同知直隸州知州儘先前補用
並賞戴花翎知縣李衍綬著俟補同知後以知府在
任候升並賞換花翎知州蕭勳著免選本班以同知
直隸州知州留於雲南歸軍功候補班前
先補用知

縣張復榮著免補本班以同知直隸州知州留於雲
南儘先遇缺卽補並賞戴花翎蕭仁恬著免補本班
以同知歸候補班前先遇缺卽補並賞戴花翎四川
補用同知直隸州知州梁應祥等均著仍以本班改
留雲南歸候補班儘先前遇缺卽補並賞戴花翎知
縣徐澤等均著仍以知縣留於雲南遇缺前先用
徐澤並賞戴花翎蕭勳等七員並俟補缺後再行送

部引見知州饒烜著免選本班以直隸州知州分發
省分補用並賞戴花翎知縣王文俊等均著俟補缺
後以同知用先換頂戴李承杰並賞戴花翎沈世俊
等均著免補本班以知州儘先補用沈世俊並賞戴
花翎安寶宸著以同知直隸州知州用並賞加運同
銜許傳訓著免選本班以同知不論雙單月儘先選
用並賞戴花翎年占著免補本班以同知遇缺儘先

卽補潘泰階著免補本班以同知歸軍功候補班前
先補用薛肇曾等均著免補本班以同知直隸州知
州留於雲南儘先補用潘泰階等三員並賞換花翎
秦錫齡等均著免選本班以知州不論雙單月選用
秦錫齡並賞換花翎張夢齡等四員並賞戴藍翎州
判李瀛生著免補本班以知州仍留原省儘先補用
葛榕等均著免選本班以知州留於貴州儘先前卽

補葛榕並賞戴花翎布政司經歷彭祖詒著免補本
班以知州補用並賞戴藍翎州同沈兆蘭著免補本
班以通判儘先補用同知鄧芳著仍以同知不論雙
單月儘先選用並賞戴藍翎田嘉齡等均著賞戴花
翎知州延齡著賞加運同銜廣西直隸州吏目候選
同知胡耀斗著開缺以同知儘先選用延齡等二員
並賞戴花翎知縣劉建勳等均著賞加同知銜並賞

戴藍翎錢同潤著仍以本班不論雙單月儘先選用
並賞加同知銜王薇等均著賞加知州銜馬居利等
二員並賞戴藍翎張寶鴻等均著仍以知縣分發省
分歸候補班前先補用張寶鴻並賞戴花翎羅福浩
著仍以知縣留於貴州歸候補班前先補用並賞戴
藍翎鹽大使伊清等均著賞戴藍翎府經歷李炳綬
著免選本班以通判不論雙單月遇缺卽選並賞戴

藍翎縣丞嚴鳴珂著免補本班以知縣改留雲南補
用候選府經歷縣丞方俊南等均著免選本班以知
縣不論雙單月儘先選用方俊南等四員並賞加知
州銜通關哨經歷陳杰等均著開缺以知縣補用陳
杰並賞戴藍翎府經歷鄧瑤等均著免補本班以知
縣歸軍功候補班前先補用鄧瑤等並賞加知州銜
狄知懷並賞加同知銜榮壽著免補本班以知縣改

留貴州補用縣丞張承豫等均著免選本班以知縣
分發省分歸軍功候補班前先用張承豫並賞加
同知銜劉嶽煦並賞換花翎縣丞胡錫綸等均著免
補本班以知縣仍留原省歸候補班前先用胡錫綸
並賞戴藍翎金樞等二員並賞加同知銜崔桓並賞
戴藍翎州判江雲龍等均著免補本班以知縣儘先
補用縣丞彭鏡青等均著免選本班以知縣留於貴

州歸候補班前先卽補並賞加同知銜候選府經歷
縣丞張長英著免選本班以知縣留於雲南歸候補
班前先卽補杜光醇著免選本班以知縣留於雲南
歸候補班前先補用俟補缺後再行送部引見筆帖
式英志著以知縣遇缺儘先選用州判鮑漳著仍以
州判不論雙單月遇缺前先選用並賞加知州銜賞
戴藍翎五品職銜李秀著賞給運同銜州同彭繼善

等均著賞加五品銜七品小京官李開仁著賞加五
品銜並賞戴藍翎府經歷蔡本源等均著免補本班
以州同仍留原省補用蔡本源並賞戴藍翎熊瑞南
等均著免選本班以州同選用熊瑞南並賞戴藍翎
張應鈔著俟補缺後以知縣儘先補用舉人馬開文
等均著以知縣籤掣省分儘先補用並賞戴藍翎訓
導秦鶴齡著俟選缺後以知縣不論雙單月遇缺前

先選用李大緝著免選本班以知縣籤掣省分歸候
補班前先補用並賞加同知銜馬安禮等均著免選
本班以知縣留於貴州補用州同黃克鎮著仍以本
班留於雲南補用訓導楊鍾璧等均著免選本班以
州判選用楊鍾璧等四員並賞戴藍翎貢生李兆松
等均著以州判留於貴州補用李兆松並賞戴藍翎
候選府經歷縣丞張聯森著免選本班以州判留於

貴州補用貢生何杞著以州判選用生員傅家詩著
以州判籤掣省分儘先前補用並賞戴藍翎甯洱縣
典史熊兆珩著開缺以州判歸軍功候補班前先補
用訓導韓承煦著賞加州判銜府經歷劉禮等均著
賞戴六品頂翎舒蔭芳著仍以府經歷不論雙單月
遇缺選用並賞戴藍翎從九品高登瀛等均著免選
本班以府經歷縣丞不論雙單月儘先前選用高登

瀛等六員並賞戴藍翎李應桃並賞加六品銜縣丞
馮國安等均著仍以本班留於貴州補用並賞戴六
品頂翎從九品劉代護著免選本班以府經歷縣丞
留於貴州儘先補用並賞加六品銜州吏目和羹等
均著免補本班以府經歷補用和羹並賞戴藍翎典
史黃炳南著以府經歷縣丞用從九品陳鎮等均著
免選本班以府經歷留於雲南補用丁立卓著免補

本班以府知事補用桂林李遐齡丁立卓並賞戴藍翎吳洪嶢著以巡檢歸候補班前先補用刑部司獄李曰謙著免補本班以部寺司務不論雙單月儘先選用生員童均著以鹽知事不論雙單月遇缺卽選王席珍著以府經歷留於貴州補用並賞戴六品頂翎王嘉樂等均著以府經歷不論雙單月選用王嘉樂等八員並賞戴藍翎馮兆榮並賞加六品銜監生

鄭以謙著以府經歷縣丞分發省分儘先補用教諭
聶貽緝著賞加國子監學正銜楊嗣洪著賞戴藍翎
張典禮著仍以教諭儘先選用並賞加國子監學
正銜生員聶天柱等均著免選本班以教諭儘先選
用並賞戴藍翎訓導朱樾著以教授儘先選用並賞
戴藍翎生員張大觀等均著以教諭不論雙單月選
用張大觀並賞戴藍翎王鳳和等均著以訓導不論

雙單月選用王鳳和並賞戴藍翎李德培並賞加國
子監典籍銜訓導嚴鏞著仍以訓導選用並賞加國
子監典籍銜從九品譚士美著仍以本班分發省分
歸軍功候補班補用吳寶銓等均著賞戴藍翎李世
安著賞加六品銜軍功羅贊清等均著以從九品留
於雲南補用羅贊清並賞戴六品頂翎監生葉汝霖
著以縣主簿不論雙單月選用徐浚著以州吏目不

論雙單月遇缺卽選童生陳家惠著以巡檢不論雙單月遇缺前先選用並賞加六品銜洪正茂著以州吏目不論雙單月留於貴州補用李堯封著以州吏目不論雙單月留於雲南補用從九品劉炳文等均著仍以本班留於雲南補用從九品銜段成章等均著以從九品不論雙單月儘先選用段成章等二十八名並賞戴藍翎土州判王正本著賞加五品銜從

九品銜袁士樑等均著賞戴六品頂翎總兵楊盛宗
著俟補缺後以提督記名遇有缺出請旨簡放林懷
清著賞給資勇巴圖魯名號副將黃紫耀著賞給固
勇巴圖魯名號彭煥章著賞給直勇巴圖魯名號馬
青雲等均著以總兵記名遇有缺出請旨簡放馬青
雲並賞換強都巴圖魯名號夏毓秀並賞給利勇巴
圖魯名號萬如雲等均著以總兵記名遇有雲貴總

兵缺出請旨簡放遊擊張御鶴著賞加總兵銜參將
馬和著以副將遇缺儘先補用張御鶴並賞換博奇
巴圖魯名號馬和並賞換喀勒春巴圖魯名號副將
屈洪泰等均著賞給三代一品封典參將穆文陞著
俟補副將後以總兵升用並賞給壯勇巴圖魯名號
副將彭禎祥等均著仍以副將留於雲貴遇有副將
缺出儘先補用並賞加總兵銜參將王銓義等均著

免補本班以副將儘先遇缺卽補王銓義並賞給克
勇巴圖魯名號涂開科並賞給銳勇巴圖魯名號廉
惠等均著賞加總兵銜遊擊涂應泰等均著免補本
班以副將遇缺儘先補用參將吳曙軒等均著免補
本班以副將留於雲貴遇缺儘先前補用副將邱壁
輝等均著仍以副將留於雲貴遇有副將缺出儘先
補用參將賀元和著仍以參將留於雲貴儘先補用

石占標等均著賞加副將銜遊擊王濤著賞戴花翎
譚泰和等均著賞換花翎陸得成著免補遊擊以參
將儘先補用參將劉光誥著仍以參將留於雲貴遇
缺儘先補用陸得成並賞給果勇巴圖魯名號劉光
誥並賞給揚勇巴圖魯名號遊擊陳貴等均著免補
都司遊擊以參將儘先補用陳貴等二員並賞戴花
翎納鳳春等四員並賞加副將銜馬永順並賞給剛

勇巴圖魯名號劉占宏等均著免補遊擊以參將留
於雲貴遇缺儘先補用王天瑞等四員並賞加副將
銜都司馬文龍等均著免補都司以遊擊儘先補用
馬文龍等七員並賞加副將銜楊好謀並賞給綽勇
巴圖魯名號龍文藻並賞給尙勇巴圖魯名號任本
昌等九員並賞換花翎穆特恆額等三員並賞戴花
翎胡文源等均著免補都司以遊擊留於雲貴遇缺

儘先補用並賞加副將銜顏雲芳等九員均著免補
都司以遊擊儘先補用尋霑營守備尹培謙等均著
在任以遊擊升用都司王美東等均著免補都司以
遊擊留於雲貴遇缺儘先補用守備李培元等均著
免補守備以都司儘先補用李培元等七員並賞加
副將銜劉福等十一員並賞加遊擊銜徐漢等三十
九員並賞換花翎夏毓秀等五員並賞戴花翎連榮

等二員並賞戴藍翎周藻堂等均著免補守備以都
司留於雲貴儘先補用周藻堂並賞加遊擊銜蕭萬
吉等六員並賞換花翎都司袁鎮邦等均著賞加遊
擊銜袁鎮邦等二員並賞換花翎朱光明並賞戴藍
翎守備李開林等均著免補守備以都司儘先補用
千總蘇芳等三十五員均著免補千總以守備儘先
補用並賞加都司銜守備王欽等均著賞加都司銜

千總馬成龍等均著免補千總把總以守備儘先補用馬成龍等十八員並賞換花翎馬佐等十七員並賞戴花翎申萬春等八十二員並賞戴藍翎守備馬永安等均著免補千總把總以守備儘先補用千總唐顯等均著賞加守備銜張貫斗著賞戴藍翎把總楊春慶等均著免補外委把總以千總儘先拔補並賞加守備銜把總胡士祥等均著免補把總以千總

儘先拔補並賞戴藍翎額外白子鑑等均著以把總
儘先拔補白子鑑等一百一名並賞戴藍翎黃翔等
二名並賞加守備銜軍功陳華等均著以外委儘先
拔補並賞戴藍翎陣亡之守備鄭其麟記保千總虎
恩國馬朝文大理城守營把總陳朝玉鶴麗鎮把總
武舉王鼎甲守備銜儘先千總李華儘先把總馬進
才儘先把總元新營外委劉成臨元鎮把總黎照南

五品藍翎儘先把總黃勝海千總李文華生員馬汝霖儘先外委朱國清王遇恩記保把總武生楊炯藍翎千總李棠華千總吳萬春外委蔡焜武把總馬鳴鶴馬春和馬遇恩記名把總馬存保記名外委馬忠良林長春馬平安白永興楊國用五品軍功包爲才六品軍功楊茂芝董雲祥邢有春又在營立功後病故之候補知府王子翼補用遊擊熊萬春督標右營

千總孫訓均著交部從優議卹

劉嶽昭岑毓英又奏言同治七年賊逼省垣附

近州縣相繼淪陷參將馬天順楊先芝回籍調

團猝遇地方失守陷於賊中經臣等奏准革職

拏辦嗣臣嶽昭勦辦尋甸賊匪馬天順首先投

誠摺獻要逆保洸慶等多名旋將該員交提臣

馬如龍軍營效力贖罪茲准提臣咨稱該革員

捐資帶練每戰必先此次克復新興東溝異常
奮勉楊先芝陷於馬街亟圖反正適總兵楊玉
科帶兵抵境該革員來營稟請反戈殺賊楊玉
科許之該革員卽帶練隨征定遠姚州旋經提
臣調赴東溝派紮先鋒營屢挫賊鋒十年正月
在關箐河鏖戰受傷其弟楊茂芝奔救同時陣
亡臣等查該員等自歸順之後實屬異常出力

可否仰懇

天恩免其治罪將已革副將銜參將馬天順更名馬忠
順以都司補用並

賞戴花翎已革副將銜參將楊先芝

飭部議卹出自

逾格鴻慈奏入得

旨允行

五月二十二日乙巳劉嶽昭岑毓英奏言 臣等前

派總兵楊玉科攻取永平縣城總兵李維述楊國發等攻取雲南縣城嗣據楊玉科稟稱自擊敗哈腊左援賊永平曲洞賊勢愈蹙因激勵兵勇奮力圍攻正月二十四日挖成地道十二穴實以火藥轟平四面城垣參將蔣宗漢等由東南兩門衝入都司李應舉等由西北兩門衝入

知縣劉尙中等分督後隊層層兜剿巷戰一晝
夜擒斬悍賊二千數百名餘賊退踞房屋死拒
官軍焚之無漏網者永平縣城及曲碕賊巢均
於正月二十五日攻克惟蒙化廳屬之漾濞巡
檢地方原有回逆三千餘戶分爲上下兩街毗
連永平縣界先經分派副將段瑞梅帶兵圍剿
楊玉科克復永平乘勝前往會攻先破鐵索大

橋賊營連拔賊礮十餘座卽抵上街賊壕立營
三月十一日令參將蔣宗漢由西面渡河就上
下兩街適中之地連營二十餘座斷賊往來賊
傾巢出撲官軍敗之楊玉科卽督飭段瑞梅等
乘勢環攻上街賊巢晝夜不退次日空通賊牆
上面礮樓六座官軍奪據上層賊伏下層死拒
肉薄相當段瑞梅督率各軍蟻附而登巷戰兩

日夜連破內牆木柵五六重斃匪甚多餘賊不
支聚衆自焚時下街賊匪屢次來援楊玉科親
督蔣宗漢等奮力擊退乘勢蕩平下街附近賊
礮五十餘座並毀龍王廟大石橋一帶賊壘四
面逼巢圍攻賊聞上街老巢已破紛紛潰竄爲
官軍截殺殆盡漾濞上下兩街同日肅清生擒
逆首僞大司武黑耀武及僞將軍都督等五十

餘名斬馘四十餘級此攻克永平縣及曲硯漾
溥等處之情形也其雲南縣軍務先據李維述
楊國發稟報大理蒙化等處逆首僞大司徒丁
在星等糾聚死黨屢次竄擾雲南縣城均經官
兵擊敗退回趙州又有逆首蔡廷棟等一萬數
千人由南澗古郎一帶窺伺官軍後路糧臺李
維述楊國發一面分布圍城戰守之兵一面馳

回小橋堵擊部署甫定逆匪驟至一股竄踞馬房阮家營白石巖等村與小橋官軍相持一股竄踞清華洞山梁連紮多壘欲與城內賊匪聯合屢撲官軍各營楊國發等避銳擊惰每日出戰均獲大勝連破白石巖清華洞一帶賊壘數十座惟馬房阮家營之賊盤踞不動李維述等懸賞勵兵四面進攻人殊死戰毀賊壘五十餘

座斬首二千餘級生擒五百餘人獲旗械無算
竄賊爲官軍追勦沿途屍骸枕藉適臣毓英添
派之遊擊岑有富等及楊玉科所派參將徐聯
魁兵至晝夜力攻次第拔附城石礮賊壘數十
座四面越壕立營開挖地道二十餘穴實以火
藥四月十六日戌刻同時點放城垣盡燬李維
述率徐聯魁等入東門楊國發率張宗久等入

西門李維通張仕進等亦由南北兩門衝入分
投巷戰斃賊甚多賊退入縣署及禮拜寺內官
軍圍攻多時穴牆而入殲擒逆首馬天寶等及
賊黨多名赴火投井者尤衆雲南縣城內外肅
清臣等查永平雲南兩縣乃大理前後門戶爲
賊占踞十七年防備最嚴救援甚力而曲硯漾
濞均係逆賊老巢異常堅固楊玉科李維述楊

國發等當茲糧餉支絀能以大義激勵各軍埽
穴犁庭厥功甚偉所復地方逼近大理苦戰日
久兵民交困尤宜加意布置臣毓英擬將迤南
軍務趕辦肅清卽赴迤西督同楊玉科等分別
妥籌辦理仍一面酌派新軍先往協同防守換
回民兵以紓民力各處出力員弁容俟臣等查

明奏懇

恩施其打仗陣亡之副將銜補用參將李棟材等均堪

憫惻應請

旨飭部分別從優議卹以慰忠魂奏入

上命軍機大臣傳諭劉嶽昭岑毓英曰永平雲南兩縣
切近大理該逆恃爲犄角久抗官軍此次楊玉科李
維述等督兵分投進剿先後將兩城攻克殲除悍賊
殆盡並將曲硃漾濞賊巢攻拔當糧餉支絀之際該

督撫能激勵將士奮勉出力殊堪嘉尚岑毓英現擬將迤南軍務趕緊肅清卽赴迤西督勦勇於任事必能所向有功惟杜逆久踞迤西根深蒂固現雖藩籬已破恐負嶠之志愈堅該撫務當於勇往之中加以穩慎總期謀定後動竟此全功用副委任此次陣亡之副將銜參將李棟材梅洪順遊擊銜都司姜廷相都司銜守備張宗仁姜瀾芝張有恆李愛清守備銜

千總李文元梁鴻貴千總楊福順把總楊郁文苟方正楊崇興艾紹南五品頂戴把總陳青龍楊鳳山楊棟勳和玉華梅有貴知州銜州同李攀桂府經歷唐秉吉在營病故之六品銜從九品戴超賢等均著交部分別從優議卹

岑毓英又奏言自邇西髮逆圍困省垣逆首馬世德與館驛逆首馬敏功納善馬萬等煽惑東

南回夷紛紛悖叛惟廣西直隸州屬之桃園巨木塊者黑阿迷州屬之大莊蒙自縣屬之沙甸五處回寨有回員馬和賽春馬維騏等深明大義約束回衆不入賊黨其附逆之暮克江那羅多驛竹園田心各賊巢業經官軍次第蕩平僅餘館驛半城及簸溪曰者鄉兩巢未克臣於攻克田心時卽令總兵張保和乘勝帶兵往曰者

鄉督同廣南邱北兵圍攻並添派都司許士坤
等所部粵勇助剿簸溪旋據張保和稟報曰者
鄉經邱北廣南兵團圍剿多日斬擒逆首殆盡
遂復曰者鄉降賊衆一千一百人有奇該處地
極險要未可仍令盤踞卽分解大莊沙甸交馬
維騏等管束就近授田耕種臣又查者黑回衆
雖未附逆而該處原係漢民村寨久爲回人占

踞現在軍務將竣回人等俱不自安 臣飭副將
吳永安前往開導令其各還故土俾漢民得以
歸業已據遵照辦理並挈回目馬樹達等到營
效力廣西州屬業已肅清其館驛賊巢自官軍
攻克西北門後逆賊分踞東南兩門及各巷房
屋徧掘地隧上開槍眼由暗擊明多傷兵勇 臣
督飭何秀林李廷標等連放地道九十餘次節

節埽蕩東南兩門皆已攻克餘匪僅踞垓心臣
移師城下親督攻勦可期迅速撲滅簸溪經趙
發楊桐許士坤等併力攻勦已將小甸頭大小
龍潭等處賊壘攻拔現飭乘勝埽蕩以殄逆氛
奏入報

欽定平定雲南回匪方略卷四十五 壬申年

七月初一日 癸未 劉嶽昭曾璧光岑毓英周達武

奏言回匪盤踞興義府城勾結苗夷久爲兩省

邊患 臣等議會師夾擊 臣嶽昭 臣毓英於本年

正月派總兵吳奇忠統領忠義長勝各營並飭

鹽法道沈壽榕總理營務取道普安廳前進時

臣璧光所派營務處記名道吳德溥亦抵普安

臣達武亦飭總兵何世華等悉聽籌畫先是吳德溥令總兵文德盛等馳赴郡城兵力較單沈壽榕率吳奇忠等布置滇邊防禦事畢卽趨郡城會之查興義府城於同治元年三月爲回攻陷三年十月收復五年三月回逆張七張八突生內變戕署知府李保衡及册亨州同李華斗等城池復失屠漢民一萬二千七百餘戶三陷

興義府城竄擾永甯鎮甯及普安廳縣境勢成燎原去冬復有貞豐州逃出之僞中郎將馬宗連李老黑並苗匪僞元帥張大僞將軍李高腳等各聚死黨數百歸之府城周圍九里賊分爲內外兩城立石名爲回隆郡其南門之桅桿山獨峰巋然路僅一線又有龍井坡夾馬石諸險上建石碣環鑿礮眼其西北兩門暗設陷坑內

城又復增高恃衆憑險仰攻尤難本年正月知府葉正固督同紳團劉官禮等收復魯屯正屯後前往紮營賊出接仗斃賊多名二月文德盛及知府鄧庭桂葉正固等連營於沙泥山西根並扼梓潼關要隘賊由東門撲出紮礮均被擊退旋即加築長壕一百三十餘丈並開地道三處三月十三日總兵吳奇忠統滇軍駐營銅鼓

山緊逼南門賊礮對轟晝夜不息吳奇忠等連日分路圍攻踏毀東南賊礮數座斃悍賊一百餘名賊伏不出四月初一日夜吳奇忠令金仕耀蕭太和張振麟潛師由西南越桅桿山之背金仕耀蕭太和破山腰石礮二座斬逆酋一人從匪三十餘人張振麟率勇徑登桅桿山絕頂奪千斤銅礮二由山後峭壁縋下黎明城內之

賊四出一股援梳桿山一股從龍井山夾口繞
過直撲山腳勢張甚官軍腹背受敵張振麟自
上撲下力戰陣亡時總兵吳奇忠李文才副將
李嘉谷各帶隊衝至力斬悍匪數十人賊始稍
卻文德盛李漢元等進攻西北兩門亦有傷亡
當卽傳令收隊十三日吳奇忠文德盛開空地
礮二處實以火藥同時點放轟倒城垣數丈各

軍一擁而上賊預用木石橫截於內槍礮如雨
遊擊楊佑祿死之軍不能進此兩省官軍先後
合攻之情形也 臣嶽昭璧光飛飭沈壽榕吳德
溥等設法解散賊黨以孤其勢並飭藩司黎培
敬臬司林肇元將滇軍糧餉遵

旨竭力籌辦 臣達武令何世華文德盛奮力會攻四月
二十三日吳奇忠督同金仕耀蕭太和陸開元

挑選奮勇用雲梯攻入外城南門文德盛李漢
元由西北攻入參將胡友琴千總譚元輔楊樹
森等自東北蜂擁而上各軍短兵相接盡得外
城礮樓餘匪退入內城堅踞沈壽榕吳德溥親
督諸軍環攻兩晝夜賊仍以死抗拒二十五日
滇軍偃旗息鼓伏於城南黔軍全隊由北奮擊
賊見北門攻急奔赴抵禦滇軍卽乘虛由南門

越壕架梯而上賊首尾不能相顧我軍勇氣百
倍奪據城樓分投巷戰火焚賊屋其光燭天殲
悍賊二千四百餘名生擒九百餘名當將興義
府城池克復獲僞都統將軍銀木印八方硝磺
礮械無算逆首張七張八先已自盡均剝屍梟
首傳示被害地方生擒之僞左參軍張伏盡僞
中郎將馬宗連李老黑張品蘭張品階張鴻息

保定疆及苗逆張大李高腳等七百三十餘名
立予駢誅脅從分別寬釋其先後逃匿苗寨及
竄近廣西西隆州地界者復派李文才等分路
捕斬一百餘名至五月初三日內外肅清流亡
漸次歸業此攻克府城盡殲踞逆之情形也臣
等查逆回倡亂憑恃堅城官軍屢有傷亡漢民
久受荼毒茲幸兩省合力興郡蕩平仰懇

聖恩將異常出力之雲南鹽法道沈壽格記名道吳德溥記名總兵吳奇忠等

加恩獎敘其陣亡之遊擊楊佑祿等並請

敕部從優議卹以慰忠魂至新城賊巢現已圍攻獲勝

臣 嶽昭飭沈壽格吳奇忠等卽速移師會剿奏
八

上諭內閣曰貴州興義府城久被回匪盤踞爲滇黔兩

省邊患經該督撫等派軍會勦疊有斬擒本年四月
閒總兵吳奇忠等攻入外城奪據礮樓道員沈壽榕
吳德溥復會督各軍晝夜環攻該逆抵死抗拒二十
五日滇軍設伏城南黔軍全隊由北奮擊賊見北門
攻急奔赴抵禦滇軍卽乘虛由南門越壕架梯而入
殲斃悍賊二千四百餘名生擒九百餘名當將興義
府城克復勦辦尙爲得手卽著督飭官軍將新城賊

巢剋期攻拔以靖黔疆此次出力之道員沈壽榕吳
德溥均著賞穿黃馬褂總兵吳奇忠著以提督記名
請旨簡放並賞換訥齊欣巴圖魯名號提督何世華
著賞給三代一品封典總兵李文才著賞加提督銜
並賞換霍伽春巴圖魯名號文德盛等均著以提督
記名請旨簡放文德盛並賞給敢勇巴圖魯名號李
漢元並賞給三代一品封典顏佑勝並賞給捷勇巴

圖魯名號並賞給三代一品封典副將杜得雲等均著免補副將以總兵記名遇有缺出請旨簡放杜得雲並賞給銳勇巴圖魯名號總兵王東發等均著以總兵記名遇有雲貴總兵缺出請旨簡放李嘉谷並賞給果勇巴圖魯名號副將翦聯陞著賞加總兵銜參將金仕耀等均著免補參將以副將儘先補用金仕耀並賞給固勇巴圖魯名號胡友琴並賞加總兵

銜姚增榮著賞加副將銜遊擊余繼祖著免補遊擊
以參將留於貴州儘先補用並賞給志勇巴圖魯名
號林志良著賞給信勇巴圖魯名號陸開元等均著
免補遊擊以參將儘先卽補陸開元並賞加副將銜
朱克曾著賞加副將銜知府陳席珍著免補知府以
道員仍留原省儘先補用並賞給克勇巴圖魯名號
葉正固等均著俟補缺後以道員用葉正固並賞加

鹽運使銜李維暹等均著賞加道銜題補長寨同知
陳廷梁著以知府在任不論班次儘先補用並賞給
直勇巴圖魯名號知府劉官禮著仍以知府留於雲
南儘先補用並賞戴花翎補用同知直隸州知州蕭
勳等均著俟補缺後以知府用先換頂戴直隸州知
州金椿著以知府用並賞戴花翎補用同知直隸州
知州薛肇曾著仍以本班遇缺前先補用俟補缺後

再行送部引見並賞加知府銜同知許椿齡著免補
本班以知府仍留貴州補用並賞換花翎知州郭烜
著賞加運同銜並賞給四品封典知縣楊達著免選
本班以同知留於貴州遇缺前先補用俟補缺後再
行送部引見並賞加知府銜同知陳澧著賞戴花翎
知縣周瑞璧著免補本班以同知直隸州知州遇缺
前先補用俟補缺後再行送部引見並賞換花翎曾

善權等著免補本班以同知直隸州知州補用曾善
權並賞給振勇巴圖魯名號吳佐並賞戴花翎通海
縣知縣呂之璞著開缺以同知直隸州知州遇缺儘
先補用知縣吳開基等均著仍以本班各歸原省
遇缺儘先補用俟補缺後再行送部引見吳開基並
賞換花翎冉煥章著俟補缺後以同知直隸州知州
用陳慶枚著免補本班以同知直隸州知州遇缺儘

先補用俟補缺後再行送部引見通判王圖著賞戴
藍翎尹元亮著仍以通判留於雲南歸候補班儘先
前補用俟補缺後再行送部引見知縣黃祥興著免
補本班以知州仍留貴州歸候補班遇缺儘先補用
俟補缺後再行送部引見並賞戴花翎杜光醇著俟
補缺後以同知用先換頂戴並賞換花翎藍春田著
免選本班以知州不論雙單月遇缺儘先前卽選並

賞戴花翎袁允孚著賞加五品銜並賞換花翎州同
呂調陽著免補本班以知州仍留雲南補用並賞戴
藍翎府經歷吳家樑等均著免選本班以知縣不論
雙單月遇缺儘先前卽選吳家樑並賞加同知銜杜
志成並賞戴藍翎都福辰著免補本班以知縣遇缺
儘先補用並賞戴藍翎縣丞駱澤培著免補本班以
知縣留於雲南儘先補用張奎著免補本班以知縣

用府經歷崔鍾濬著免補本班以知縣留於貴州儘
先補用俟補缺後再行送部引見舉人陳金衡等均
著以知縣分發省分歸候補班前
先補用並賞加同
知銜已革直隸州州判官瑞雲著開復原官仍歸原
省補用並免繳捐復銀兩主簿崔澍恩著免選本班
以州判不論雙單月選用並賞加五品銜典史婁慶
榮著賞加六品銜並賞戴藍翎從九品劉善智著免

選本班以縣丞不論雙單月遇缺儘先前選用並賞
加六品銜馮開祥著免補本班以縣丞儘先補用並
賞戴藍翎生員李豔枝等均著以從九品不論雙單
月選用並賞戴藍翎都司楊崇光等均著免補都司
以遊擊儘先補用楊崇光等三員並賞加副將銜羅
登瀛等二員並賞換花翎邱俊書著免補都司以遊
擊留於貴州儘先補用守備劉國超等均著免補守

備千總以都司儘先補用劉國超等二員並賞加參
將銜劉官德並賞加副將銜譚元輔等二員並賞戴
花翎千總王清華等均著免升千總以守備儘先補
用王清華等九員並賞換花翎把總桂尙華等均著
免補把總以千總儘先拔補並賞加守備銜賞戴藍
翎武生周尙才著以千總儘先拔補並賞戴藍翎勇
目張士傑等均著以把總儘先拔補並賞戴藍翎陣

亡之遊擊楊佑祿都司彭稱選把總張振麟均著交
部從優議卹

九月初二日癸未劉嶽昭岑毓英奏言官軍既克

永平雲南兩縣及曲洞漾濞各賊巢臣等卽督

飭總兵楊玉科李維述楊國發等相機進剿並

添派遊擊陸純綱都司范桂興等各部新軍分
起前進隨接楊玉科等疊次稟稱該員等以趙

州一城爲大理南路咽喉逼近下關恐遲久賊
援四集攻取非易議定各軍併力迅進楊玉科
卽於四月二十六日督率參將徐聯魁等先赴
趙州紮營進攻李維述楊國發等仍留雲南縣
布置善後事宜分派都司周作祥由海東向陽
進勦連破下莊街白塔寺等處賊壘直抵趙州
會師趙州東南漢邑村華藏寺爲賊老巢地勢

險要與州城互相聯絡楊玉科飭徐聯魁朱士
雲等圍攻漢邑村岑有富李飛龍等圍攻華藏
寺郭開元劉玉等圍通州城牽掣賊援該匪疊
次出撲官軍敗之攻克城外賊壘二十餘座二
十九日杜逆親率楊榮蔡廷棟等萬餘人由大
理下關來援圍新村下莊飛來寺官兵營壘數
重楊玉科令周作祥和萬壽等軍分左右兩翼

迎敵而自率馬雙元彭振綱等直擣中堅自辰
至申交鋒數十次陣斬悍賊多名賊大潰各軍
躡之擒賊六百餘人直抵下關而還趙州賊匪
聞風膽落楊玉科乘勢急攻李維述楊國發亦
帶兵前往助剿五月初二日攻破漢邑村賊衆
舉火自焚岑有富等同時克華藏寺城內賊匪
度勢不支欲由南門街逃而官兵業已合圍四

面架梯登城卽於初三日寅刻克復州城境內
一律肅清此攻克趙州之情形也先是楊玉科
旣克漾濞賊巢以大理上下兩關天險賊建石
城扼守未可力攻卽派參將蔣宗漢駐紮漾濞
設法規取下關而令副將段瑞梅等逼紮上關
城外都司李應舉駐紮花甸以備抄襲關後又
飭守備董良弼收復海東向陽各堡奪獲戰艦

二百餘艘往來海上以窺關內虛實杜逆敗回
大理關內人心大恐段瑞梅蔣宗漢等乘閒遣
弁兵僞作鹽販混入兩關勾結漢民約期內應
五月初七日楊玉科李維述楊國發督徐聯魁
等移營急攻下關蔣宗漢率精銳由蒼山攀藤
附葛而下抄出下關之後關內天生橋漢民卽
立紅旗接應蔣宗漢入營楊玉科等督兵紛紛

架梯登城立將下關石城並附近堅壘二十餘
處一律攻克是日段瑞梅張潤等帶兵攻上關
之前李應舉越蒼山襲上關之後魯國祥董良
弼等乘戰艦由江尾登岸夾擊亦將上關攻克
跟蹤追勦連破木馬邑喜洲上下陽溪金圭寺
一帶村堡分兵紮穩因思大理城內尙有悍賊
數萬而蒙化廳城在大理之南距下關趙州彌

渡均只數十里又有大小圍埂老巢若不先行
攻取恐與順甯雲州賊匪合股來援當經議定
以楊國發徐聯魁蔣宗漢等扼守下關一帶段
瑞梅張潤李應舉等分守上關各營楊玉科李
維述帶兵前往蒙化連破城外賊壘逼城而營
適有城內漢民馬永盛願爲內應是月十七日
楊玉科李維述督兵四面架梯攻城守備陳裕

後奮勇先登被創陣亡各軍蟻附而上賊勢不
支馬永盛乘亂大開西門楊玉科率師一擁而
入巷戰多時殲除悍賊殆盡拔難民數千人當
將廳城克復李維述卽移師進剿大小圍埂楊
玉科布置城防事畢仍回下關駐紮臣等查趙
州蒙化兩城爲大理藩籬賊踞最久其上下兩
關東臨洱海西倚蒼山堅險異常此次楊玉科

等帶兵乘勝進剿乃兩旬之內連拔二城並奪
兩關使賊無險可恃實賴

天威震盪所致惟各處漏網賊匪屬聚大理衆尙數萬
皆係百戰之餘負嵎愈堅未可猝破臣毓英定
於九月內赴迤西督同籌辦懍遵

諭旨謀定後動以竟全功此次克復城關尤爲出力之
開化鎮總兵楊玉科騰越鎮總兵李維述等可

否仰懇

天恩優予獎勵其在迤西迤南先後陣亡之補用副將
武定營參將李廷標等及在營傷故之龍陵營
參將柳明泰補用守備王祖佑瘴故之督標右
營遊擊楊謙等均堪憫惻應請

飭部分別從優議卹以慰忠魂

岑毓英又奏言提臣馬如龍傷疾已痊自應分

任勦賊臣與督臣以順甯雲州尙未克復咨請

提臣親往督攻期早得手並斷大理賊援所需

軍糧卽由普洱思茅景東鎮沅威遠各府廳就

近籌措亦不至於掣肘其所部兵力不足酌調

各處團練助勦現據覆稱擬由楚雄直上進攻

大理查大理係提督駐紮之所臣亦何敢阻止

惟提臣素與諸將不睦實恐別生枝節究應如

何辦理請

旨遵行奏入

上命軍機大臣傳諭劉嶽昭岑毓英馬如龍曰此次楊玉科等督兵進攻趙州蒙化廳城並大理之上下兩關兩旬之間克復堅城要隘頗爲迅速深堪嘉獎現在逆衆麕集大理岑毓英擬親往督攻自應如此辦理卽著該撫馳赴迤西督同楊玉科等將大理府城

迅圖攻克如有願爲內應殺賊獻城者並著岑毓英傳旨嘉獎俟克復府城後優予恩敘使該民人知順逆之分不至助賊堅守第軍營宜有專責庶功罪無所推諉此番攻勦大理卽責成岑毓英辦理不得稍存推諉之見其省城防守事宜卽著劉嶽昭妥籌辦理毋許稍有疏虞順甯雲州二城尙未攻克該處爲大理後路若督兵進勦克復兩城則大理賊援已斷

通西一帶可冀次第削平馬如龍向來性情勇往卽
著統帶所部馳赴雲州一帶力籌攻克以專責成

上諭內閣曰滇省回匪久踞大理恃趙州蒙化兩城爲
藩籬其大理上下兩關堅險異常勢成負固總兵楊
玉科等自攻克永平等城後移師進剿先攻趙州疊
破賊壘杜逆親率悍黨由大理來援楊玉科派隊擊
敗之擒馘甚夥該逆竄遁回巢官軍乘勢合圍當於

五月初三日將州城克復初七日楊玉科等督兵遂抵下關毀其石城並附近堅壘二十餘處其分攻上關兵勇亦於是日同時攻克又連破木馬邑喜洲上下陽溪金圭寺一帶村堡蒙化城內難民內應獻城官軍一擁而入兇悍賊匪殲除殆盡救出難民數千人計兩旬之內連克二城奪據兩關勦辦甚爲得手卽著該督撫等激勵將士力拔郡城盡殄羣醜用靖

邊疆此次尤爲出力之總兵楊玉科李維述均著賞
穿黃馬褂楊玉科並賞給一品封典楊國發著交軍
機處記名遇有提督缺出請旨簡放並賞換綽勒歡
巴圖魯名號副將段瑞梅著交軍機處記名遇有總
兵缺出請旨簡放並賞換喀勒崇依巴圖魯名號參
將徐聯魁等均著以副將儘先補用並賞加總兵銜
張仕進等均著免補參將以副將儘先補用張仕進

並賞換珠爾杭阿巴圖魯名號張宗久並賞換都隆
額巴圖魯名號遊擊陳發昌著免補參將以副將儘
先補用並賞給長勇巴圖魯名號劉興著免補遊擊
以副將儘先補用都司張潤等均著免補都可以遊
擊儘先補用張潤並賞給偉勇巴圖魯名號朱士雲
並賞給達勇巴圖魯名號周作祥並賞給勛勇巴圖
魯名號魯國祥並賞給赫勇巴圖魯名號李維通並

賞給勝勇巴圖魯名號李應舉著免補都司以遊擊
儘先補用並賞加副將銜守備和述廷等均著免補
守備以都司儘先補用並賞加副將銜把總楊思禮
著免補把總以守備儘先補用並賞加遊擊銜選用
府經歷縣丞趙子驥等均著免補本班以知縣不論
雙單月前先選用並賞加同知銜從九品劉紫綬著
免選本班以府經歷縣丞不論雙單月前先選用並

賞戴藍翎其餘出力員弁著劉嶽昭等查明請獎陣
亡之補用副將武定營參將李廷標副將銜補用都
司胡陞遊擊銜補用都司陳金鑑補用都司劉裕元
都司銜補用守備陳裕後守備銜千總王自林胡興
邦陳國清林開盛張武千總楊鳳朝把總張萬清李
長慶張鵬來崔朝洲皮賢楊士雲莊太邦趙運亨六
品頂戴補用外委閉定好蔡雲洪興發在營傷故之

同劉沛恩補用府經歷凌霄漢選用州同黃振新選
用府經歷鄒鶴鳴選用州吏目林琪光六品銜選用
從九品徐振光文生王興國均著交部分別從優議

卹

補用副將龍陵營參將柳明泰都司銜補用守備王
祖佑病故之補用參將督標右營遊擊楊謙副將銜
補用遊擊楊桐都司銜補用守備鄭占鰲王五福補
用守備楊恆升用守備千總陳恩培守備銜補用千
總葉之華車開宗林開龍補用把總王調正王有才
陳東張定邦班成美於正紀外委尹金堂補用同知
文靜知州銜貴州補用知縣劉桂榮五品銜補用州

欽定平定雲南回匪方略卷四十六 壬申年

九月二十四日乙巳曾璧光周達武奏言黔省軍

務需才經臣等奏調已革固原提督陶茂林來

黔差遣該提督勇敢有爲現在各軍進攻興義

府所屬之新城賊悍巢堅一時未能得手臣等

已添派該提督與總兵龔生環各帶勁兵馳往

助剿奏入報

十一月初十日 辛卯 劉嶽昭岑毓英奏言滇省迤

東迤南各屬地方自上年官軍攻克澂江府並
蕩平竹園江那鳳法茂克猓多驛各賊巢尙有
臨安府屬之館驛婁兮田心東溝邱北縣屬之
曰者鄉五處賊巢未下必須先行勦滅方可西
征大理 臣毓英出省督師連拔田心曰者鄉各

賊巢並掃除館驛城外及五山一帶賊營攻破
四門進紮城中查東南各屬著名逆首係馬世
德馬敏功納善馬萬四人馬世德占踞田心於
官軍破巢時舉火自焚馬敏功納善馬萬等各
股麤聚館驛官軍攻破城垣該逆填街塞巷穴
地死拒官軍或用火攻或穿地道尺取寸收半
年始奪城內房屋過半悍賊斬擒殆盡逆首馬

敏功等率餘黨踞守垓心糧米軍火俱缺被脅
難民紛紛逃出求撫又據在省籍隸建水縣各
回員公稟家屬被陷賊中懇請拯救不能不分
別良莠設法保全當經密授鶴麗鎮總兵馬忠
等機宜示諭各脅從共擒首逆贖罪衆皆樂從
而逆首狡甚無隙可乘九月二十三夜該總兵
等選兵設伏詐撤先鋒各營以誘之馬敏功納

善果乘閒衝逃伏兵四起圍而擒之發交營務處迤南道蔡錦青禁錮檄飭臬司程誠由省委知府廣潤前來訊取確供押赴通海縣城外正法示衆至馬萬一犯據馬敏功納善供稱七月內病死其次賊目馬國政納金受黃國元納友馬永馬連有馬雙喜金自得馬志興馬來春田玉春金士元馬貴陽馬香等均已按名殲除先

後救出各處難民五千餘人責成馬忠分投安置原住館驛城內各戶亦飭概行遷出分住回民村寨並將善後事宜妥籌辦理總兵張保和參將趙發等進攻漣兮於本年六月盡平四面村寨賊營礮樓百餘座陣斬逆首馬紅平及匪黨千餘人直抵馬街賊巢圍攻兩月奪其外層牆壕賊不能支哀詞求撫張保和具稟請示臣

等示以脅從罔治該總兵轉行諭知衆回夷遂
於九月十六日斬獻逆首馬美開門迎降守備
張繼聲等勒兵進紮馬街擒賊目李正春馬登
金付陣李中訊明正法投誠回夷二千餘人原
籍有業可歸張保和會同甯州知州鄧家榮陸
續遣撤並招漢民歸業臣等查滇南之變自臨
安而開賊勢之強以館驛爲最初次省垣被困

卽由館驛尋仇殺戮殆徧三迤流毒幾及甘載
該逆首自知罪大惡極法所不宥故雖城破不
守猶復巷戰相持幸賴

天威士卒用命捨渠埽穴克竟全功東南兩迤地方現
已一律肅清前奉

諭旨准獎田心等處戰士之勞今館驛全城克復應請
將迤東迤南各軍營尤爲出力各員

逾格施恩用示鼓勵其陣亡之副將銜補用遊擊趙廷雲等並懇

飭部從優議卹

劉嶽昭岑毓英又奏言候選知府姚嘉驥捐辦軍火解運來滇隨營攻克館驛等處賊巢尤爲出力候選同知陳泰琨由廣東原籍自備資斧募粵勇二百名護解所購馬槍等物來滇投効

隨勦館驛餘匪甚爲奮勉仰懇

天恩准將姚嘉驥留滇差遣遇有知府缺出儘先補用
並請

賞戴花翎陳泰琨免選本班以知府留於雲南儘先補
用並

賞加道銜以資得力而昭激勵

岑毓英又奏言按察使銜雲南補用道周之珪

隨臣疊解省圍克復城池多處去歲隨攻館驛
等處賊巢積勞感瘴在營病故該員隨臣勦賊
十三年身臨前敵屢瀕於危忠義之忱士卒欽
佩身後家無餘資親老子幼尤爲可憫仰懇

天恩飭部照軍營立功後瘴故例從優議卹並請

賞給該員父母二品封典又補用副將武定營參將李

廷標隨臣克復楚雄出師曲靖擒獲逆首馬聯

陞克復曲靖霑益馬龍鎮雄各城越境蕩平貴
州豬拱箐賊巢首先登陴厥功尤偉頻年援省
解圍無不身先士卒去年首先攻破館驛西門
殺賊甚衆巷戰身亡該員忠孝性成平時尤以
祿不及親爲憾可否懇

恩賞該員父母一品封典並准與道員周之珪同於館
驛死事地方建立專祠其餘陣亡瘡故文武員

弁一併附祀出自

逾格鴻慈奏入

上命軍機大臣傳諭劉嶽昭岑毓英曰滇省賊擾多年
現在迤東迤南肅清省西府州縣城未復者尙有幾
處已復各城尙有餘匪滋擾者又幾處著劉嶽昭岑
毓英詳細查明據實具奏一面慎選賢能守令將已
復地方善後事宜實力興辦並整飭捕務嚴查奸宄

以靖地方大理賊匪負隅已久上下關早經克復該
撫現赴前敵督勦卽著岑毓英於馳抵大理後嚴飭
該將領等妥籌進攻迅將大理府城剋期攻拔並將
附近賊巢一律掃蕩毋稍遲緩

上諭內閣曰雲南官軍自攻克田心曰者鄉後總兵馬
忠等督軍進攻館驛逆首馬敏功等乘閒奔逃經官
兵四面兜圍擒獲正法其漣兮賊巢亦經總兵張保

和等攻克殺斃匪黨千餘人並將首要各逆一併殲
除現在迤東迤南地方一律肅清在事各員弁均屬
著有微勞自應量予獎勵道員蔡錦青著交部從優
議敘知府倪懋禮等著免選本班以道員分發省分
儘先補用張來慶等二員並賞加鹽運使銜陳廷珍
等均著俟補缺後以道員儘先補用並賞加鹽運使
銜候選同知直隸州知州李鳳書等均著免選本班

以知府分發省分前先補用並賞加鹽運使銜張壽
昌著賞戴花翎並賞給四品封典補用同知直隸州
知州胡毓璠著賞加知府銜並賞戴花翎知州邵家
榮著以同知升用並賞加運同銜曾勳垂等均著賞
加運同銜並賞戴花翎知縣吳錫璋等均著免補本
班以同知直隸州知州儘先補用謝家瑞並賞給四
品封典周崇勛等二員並賞加運同銜承保等均著

俟補缺後以同知用童廉著以同知用承保等四員
並賞戴花翎許其翔著免補本班以同知直隸州知
州仍歸貴州儘先補用王玉珂著免選本班以同知
不論雙單月儘先選用許其翔等二員並賞加運同
銜朱際昌等均著以本班留於雲南補用並賞加同
知銜布政司經歷高以章等均著免補本班以知州
儘先補用知縣竇耀等均著免選本班以知州分發

省分遇缺前先補用雲南府知府蘇長豐著開缺以
道員補用曲靖府知府賈鐸著以道員遇缺題奏晉
甯州知州廖修明等均著開缺以同知直隸州知州
儘先補用補缺後以知府用先換頂戴同知何兆齡
著俟補缺後以知府補用先換頂戴知縣王際熙等
均著俟補缺後以同知升用朱桂錄等三員並先換
頂戴夏以勤著免補本班以同知儘先補用通判馮

祖祺著賞加運同銜知縣吳永昌等均著免選本班
以同知直隸州知州儘先選用吳永昌等二員並賞
加運同銜沈鳳章等均著以同知選用並賞加運同
銜沈鴻猷等均著以本班不論雙單月前先選用並
賞加同知銜同知陳謚等均著賞戴花翎州判陳傑
士等均著賞加知州銜陸緝孫等六員並賞戴藍翎
候選府經歷縣丞郝相等均著免選本班以知縣不

論雙單月儘先選用並賞加同知銜府經歷易朝棟
等均著免補本班以知縣儘先補用州判韋有榮等
均著免選本班以通判不論雙單月儘先選用並賞
戴花翎訓導陳紹基著免選本班以知縣留於雲南
儘先補用府經歷秦濬等均著免補本班以州同儘
先補用施維著免選本班以州同不論雙單月儘先
選用秦濬等五員並賞加知州銜縣丞麻時培等均

著免選本班以州判留於雲南補用並賞戴藍翎主簿玉榮佩等均著免選本班以府經歷留於雲南儘先補用並賞加州同銜從九品丁笙等均著免補本班以府經歷縣丞儘先補用並賞戴藍翎府經歷許昭來等均著免補本班以知縣仍歸貴州儘先補用訓導張中孚等均著免選訓導以教諭不論雙單月儘先選用張中孚並賞給五品封典羊正廣並賞加

六品銜州判陳思增等均著免選本班以知縣不論
雙單月儘先選用周崇智等均著免選本班以州同
不論雙單月前先選用呂嘉會等四員並賞戴藍翎
府經歷嚴雋伸等均著免補本班以州同儘先補用
余普玉等二員並賞戴藍翎縣丞黃鴻材等均著賞
戴藍翎從九品何述祖等均著免選本班以府經歷
縣丞不論雙單月儘先選用文名世等均著免選本

班以縣丞不論雙單月儘先選用並賞戴藍翎從九品胡兆年著免補本班以府經歷縣丞仍歸貴州補用並賞戴藍翎陳勳著以府經歷縣丞留於雲南補用並賞戴藍翎州吏目徐輝武等均著免補本班以縣丞儘先補用從九品胡景春等均著以縣丞不論雙單月選用並賞戴藍翎從九品銜邵秉義等均著以從九品不論雙單月選用知縣英謙等均著賞加

知州銜劉騫等均著戴賞藍翎布政司經歷陳昌熾
著免選本班以通判留於雲南儘先補用舉人王者
香等均著以知縣不論雙單月儘先選用訓導秦福
源等均著以知縣選用並賞加六品銜府經歷吳智
著免選本班以知縣不論雙單月儘先選用周紹清
著免補本班以州同仍歸貴州儘先補用王開源等
均著免選本班以州同不論雙單月儘先選用縣丞

蔡秉澄著免補本班以知縣仍留浙江歸候補班前
先補用訓導王朝斌等均著免選訓導以教諭不論
雙單月儘先選用府經歷朱學詩等均著賞加六品
銜貢生胡乘時等均著以教諭不論雙單月儘先選
用潘灑等均著以訓導不論雙單月儘先選用戴慎
修等均著以縣丞不論雙單月儘先選用監生熊炳
文等均著以從九品不論雙單月儘先選用孫燮等

二員並賞戴藍翎李龍並賞戴六品藍翎總兵張保
和等均著交軍機處記名遇有提督缺出請旨簡放
張保和等二員並賞給三代一品封典吳永安並賞
換額特和恩巴圖魯名號任仕斌著賞加提督銜並
賞換音德木巴圖魯名號副將熊週等均著賞加
總兵銜熊週周並賞換阿克丹巴圖魯名號呂鎮南
並賞換鏗僧額巴圖魯名號蘇成林等均著以副將

儘先補用蘇成林等六員並賞加總兵銜姜飛龍並
賞給勝勇巴圖魯名號參將朱鴻盛著以副將儘先
補用張漢威著以副將仍歸廣東補用楊友等均著
以參將儘先補用楊友並賞給健勇巴圖魯名號李
傑並賞給盛勇巴圖魯名號李占春並賞給策勇巴
圖魯名號夏天德並賞給靖勇巴圖魯名號徐應宿
並賞給揆勇巴圖魯名號崔萬順並賞給猛勇巴圖

魯名號李和並賞給碩勇巴圖魯名號雷應山並賞
給彥勇巴圖魯名號覃修綱並賞給勤勇巴圖魯名
號梁福並賞給偉勇巴圖魯名號袁雲並賞給達勇
巴圖魯名號王維本並賞給最勇巴圖魯名號李朝
有並賞給赫勇巴圖魯名號遊擊林守懷等均著以
參將儘先補用林守懷並賞給三代二品封典賞換
花翎涂秀清等二員並賞加副將銜李崇魁等均著

以
賞參儘先補用並賞給三代二品封典張致和等
均著俟補缺後以參將升用余發等均著免補都司
以遊擊儘先補用趙林玉等均著免補都司以遊擊
儘先補用趙林玉並賞給冠勇巴圖魯名號楊國寶
並賞給側勇巴圖魯名號武勇貞並賞給侃勇巴圖
魯名號李朝相並賞給黽勇巴圖魯名號高榮並賞
給嚴勇巴圖魯名號尙粹並賞給勃勇巴圖魯名號

黃才廣並賞給饒勇巴圖魯名號都司劉正甲等均
著免補都司以遊擊儘先補用並賞加副將銜許占
魁等均著免補都司以遊擊補用並賞給二品封典
李自西等均著免補都司以遊擊儘先補用韓國秀
等均著免補都司以遊擊儘先補用並賞戴花翎李
榮興等均著以遊擊仍歸廣東儘先補用李榮興並
賞加副將銜羅彤雲等均著俟補缺後以遊擊升用

守備張繼聲等均著免補守備以都司儘先補用並
賞加副將銜張繼聲並賞給捍勇巴圖魯名號梁士
偉並賞給著勇巴圖魯名號張有春等均著免補守
備以都司儘先補用並賞加副將銜盛達賢著免升
都司以遊擊仍歸廣東儘先補用並賞換花翎崔萬
鍾等均著免補守備以都司儘先補用並賞加遊擊
銜李清等均著免補守備以都司儘先補用何長清

著以都司仍歸廣東儘先補用並賞戴花翎千總熊
定邦等均著免補千總以守備儘先補用並賞加遊
擊銜鄭啟賢等均著免補千總以守備儘先補用並
賞加都司銜蘇保剛等二員並賞戴藍翎楊錦春等
均著以守備儘先補用土千總何琬等均著賞戴藍
翎把總蔡文藻著免補千總把總以守備儘先補用
並賞加遊擊銜楊萬才等均著免補把總以千總儘

先補用並賞加都司銜婁治國等均著免補免升以
千總儘先補用並賞加守備銜陣亡之副將銜遊擊
趙廷雲遊擊銜守備畢萬春守備銜千總李能周榮
昌梁文才千總李得勝胡發李湘源母有福熊文興
把總尹朝相劉恩榮王士忠李增旺李恆忠王殷李
發何起相余耀光朱朝貴楊魯同王洪順王捷青范
瀛劉發國楊興發普天章六品頂戴外委張桂林唐

貴榮張林李自有張雲王永順張連蘇得俊王天佑
夏洪發邵文英繆承逸楊海順劉祺楨李春唐福姜
占雄何天發吳得亮侯王生楊其光六品軍功張恆
張雲才汪沛拔補把總梁澤瑞章彩安馬樹達李合
玉董毓芝汪現龍陳鶴林井朝綱從九品銜王安宇
在營病故之都司銜守備王家麒石美正楊潤都可
銜李三麟守備陳恩培守備銜千總謝廷雲羅金林

千總梁成美馬登雲把總張國富龐廷廣覃紹明吳
岐山杜保明莫慶泗杜理朝廖榮李暹外委王桂生
李榮楊正才尹金堂譚士益張老成楊天順鄒雲勝
楊國安韓天順羅德明盧應樑升用知府補用同知
直隸州知州尉遲品玉同知張家銘知縣倪銓府經
歷宋紹蘇巡檢呂蘊輝府經歷王孟岐州同銜巡檢
邱爾循州同銜從九品邱寶成從九品岑鳳昌孫有

材張開棣縣丞銜邵鍾貢生吳允馥擬保從九品蔡
應祥均著交部從優議卹道員王達材著賞給二品
頂戴知府姚嘉驥著留於雲南差遣遇有知府缺出
儘先補用並賞戴花翎同知陳泰琨著免選本班以
知府留於雲南儘先補用並賞加道銜以示鼓勵在
營病故之按察使銜雲南補用道周之珪著照軍營
立功後病故例從優議卹並賞給該員父母二品封

典陣亡之補用副將李廷標著賞給該員父母一品封典並准其與道員周之珪同於館驛地方建立專祠其餘陣亡病故文武員弁一併附祀以慰忠魂

岑毓英又奏言正拜摺聞伏奉

寄諭現在逆衆麕聚大理岑毓英擬親往督攻自應如此辦理等因欽此伏查杜汶秀爲全滇首逆大理城係積年老巢畏死愈深負嵎愈固臣才疏任重

勉效馳驅本擬按獲館驛賊渠九月率師西上

不意八月初染瘴成疾各鎮將送臣通海就醫

以致有需時日現在臣病漸痊逆首馬敏功等

就獲東南底定後顧無憂臣拜摺後卽帶兵取

道省垣與督臣面商一切卽由省馳赴大理督

同總兵楊玉科等剋期蕩平仰副

朝廷綏靖邊陲之至意奏入報

聞

十二月二十五日

乙亥

劉嶽昭奏言據雲南提

臣

馬如龍咨稱欽奉

諭旨飭令統帶兵勇進攻順甯雲州一帶逆匪遵卽棟

派副將馬青雲等管帶頭隊兵勇取道蒙化進

剿十一月二十日親統大隊由省起程請飭軍

需局撥餉等情

臣

當飭知軍需局籌撥茲據軍

需局司道詳稱前經奉

旨將湖北每月應解協滇餉銀二萬指爲提臣馬如龍

專餉疊經委員催提道遠艱於轉運未能隨時

解濟各省解到協餉無多亦更難資挹注擬請

咨商提臣暫緩師期餉到再行免致軍心怨望

臣查該提臣任事奮往剋日進征而該司道所

稱餉項竭蹶亦係實在情形除飭該局再行力

籌並咨明提臣暫緩起程外謹此馳陳

同日岑毓英奏言臣前在通海營次拜摺後卽

帶兵晉省與督臣面商應辦事宜並飭司道等

籌畫糧餉隨時接濟臣調選各路兵勇十一月

初九日統帶起程二十六日行抵鎮南查各路

軍情總兵楊玉科自九月初十日至十月初六

日連將大理城外之三塔寺東嶽廟五里橋上

下碓鹿角莊豐生莊南門街等處礮樓先後攻
克揜斬僞大司空馬得重等多名殲除餘匪甚
衆該總兵手中槍傷負創督戰直抵城隅越壕
逼壘開挖地道設法進攻又據總兵李維述楊
國發稟報進攻蒙化廳屬之大小圍埂賊巢連
克馬坐廠大小麥莊萬家廠三家村各處賊營
礮樓直抵賊巢紮營圍攻又據遊擊尉遲東曉

都司蘇三寶稟報順甯雲州賊匪竄擾緬甯廳
遙爲大理聲援爲我師擊退陣斬僞將軍薛超
武僞參軍馬阿喜等乘勝將雲州屬之茶房寺
頭道水中山禮拜寺各處賊營全行掃蕩臣行
抵楚雄又連據楊玉科稟報地道功竣十一月
初十十一等日先後施放轟倒東南角城牆數
十丈官軍衝入逆賊死拒城內街道盡建營碣

未能得手精銳傷亡甚多副將徐聯魁亦受重

傷專盼新軍接應臣卽飛飭遊擊李朝相等管

帶頭隊馳赴下關接應並飭後隊官兵星馳前

進惟查大理係逆首老巢城中逆黨不下五六

萬軍火糧米均有積蓄城外四面猶有營壘數

層且大小圍埂相持未下順甯雲州又僅有尉

遲東曉等軍牽掣提臣尙未出省前軍戰久力

疲應以新軍助其後勁臣擬卽馳赴前敵親督
圍攻懷遵

聖訓如有願爲內應殺賊獻城者傳

旨嘉獎務期迅圖克復仰慰

垂廬其歷次打仗陣亡及在營瘴故之副將銜遊擊魯

國祥等仰懇

天恩飭部從優議卹均奏入

上命軍機大臣傳諭劉嶽昭岑毓英曰前諭提督馬如龍統帶所部馳赴雲州一帶力籌攻克現在該提督已派副將馬青雲等管帶頭隊兵勇取道蒙化進勦惟因餉需缺乏全軍未能進發自係實在情形馬如龍接奉諭旨卽擬剋日進征任事實屬奮勇第兵行糧隨自應趕緊籌畫所有湖北應協該提督專餉及各省應解協餉著劉嶽昭迅卽咨催以資應用仍一

面先行設法籌撥俾全軍得以剋日起程刻下大理
攻勦正緊順甯雲州等處必須同時進攻方得牽掣
之勢著劉嶽昭傳諭馬如龍部署齊備卽行拔隊前
進勿稍遷延大理東南角城牆攻毀數十丈城中守
備甚嚴相持未下岑毓英已派頭隊兵勇馳赴下關
接應該撫亦卽親赴前敵督勦該逆被攻緊急難保
不逞兇鋌險該撫務當相機籌辦於勇往之中寓慎

重之意方免疏虞其蒙化等處賊巢並著飭令總兵
李維述等分投力勦迅掃逆氛滇省被賊蹂躪已久
民情甚爲困苦深堪軫念岑毓英馬如龍帶兵勦賊
務須申明紀律約束兵勇不准絲毫騷擾用副朝廷
拯民水火至意所有歷次打仗陣亡之副將銜遊擊
魯國祥副將銜都司安根遊擊銜都司高銳千總劉
玉守備銜千總尹占先在營病故之把總莊南華均

著交部從優議卹

欽定平定雲南回匪方略卷四十七 癸酉年

正月二十四日

甲辰

劉嶽昭岑毓英奏言

臣

毓英

遵

自進攻大理途次接據提督楊玉科等稟稱十一月初
十一等日官軍穴地轟陷大理府東南城隅
從缺口衝入城內建有土城城角環築礮樓沿
壕徧樹木柵乘銳進攻礮石如雨損傷精銳甚

多楊玉科負創臨敵一面督軍力紮缺口一面
開挖土城下地道十四日地道告成十數穴引
火施放轟陷土城百餘丈官軍乘勢擁入賊匪
林立左右衝突遊擊周作祥退縮斬之以徇由
是人人用命晝夜鏖戰至十七日共斃賊二千
餘人城內校場蓮花池一帶賊營概爲我軍奪
據賊踞西北半城土城內又有僞禁城一道杜

逆心腹逆黨悉聚其中官軍屢次乘夜梯攻均未得手楊玉科度僅攻城之東南不如四面合擊適二十日又到新軍五千餘人楊玉科卽令副將徐聯魁等各率所部分路齊進四面逼攻而自率副將和耀曾等各營分馳策應又飭參將雷應山將開花大礮二十位排列城上晝夜環擊賊營礮柵摧毀大半杜逆於二十五日已

刻親率死黨萬餘由僞禁城衝出楊玉科督軍
迎敵戰至二十六日嚮明猶未撤隊四面官軍
來助更番迭戰斃賊五六千人杜逆始敗潰入
城死守我軍乘勢猛攻忽有老回數十人昇杜
逆出城泣稱該逆勢窮情急率家屬服毒自盡
其逆黨僞大司衡楊榮等遣令該回等乘其未
死獻解來營並將僞帥印僞衣冠呈繳情願求

撫等語楊玉科見杜逆氣已將絕再延時刻恐
逃顯戮當就軍前正法割取首級同僞印僞衣
冠解呈查驗並請示可否准其就撫維時

臣

毓

英行抵紅岸地方距大理府一百二十里聞報
卽馳赴五里橋駐紮於初四日親往繞城巡視
望城中西北兩面賊築營週十分堅固又探得
賊方填街塞巷壘石修垣當卽嚴訊出降之老

回馬大鵬等據供杜逆子女俱匿楊蔡二逆家中並無全家自盡之事察其言語支吾恐係詐降緩兵之計遂令各營嚴備並傳諭城內各回限三日騰城繳械並造丁口清冊呈報乃限滿概未遵從僅許太和縣知縣譚席珍及一二武員帶兵二百名進城安撫俟半年後方肯騰城歸業臣等知其包藏禍心密商各將領擬派員

選帶敢死之士二百人暗帶糧械隨譚席珍進
城安撫卽以查看僞帥府爲名混入僞禁城奪
據要隘內外夾擊冀可得手惟膺斯任者必須
謀勇兼優方能隨機應變楊玉科毅然請行臣
等復密派段瑞梅徐聯魁等軍伏於東城先鋒
各營蔣宗漢蔡標等軍伏於南城大營和耀曾
李應舉等軍伏於西北二門上下兩關及沿海

各要隘亦分派范清劉步龍等嚴密防守楊玉
科卽傳諭城中回衆十二月初七日協同署太
和縣譚席珍入城安撫該逆等允許楊玉科將
次入城有良回馬德良李瑞年來告蔡廷棟等
飭楊榮家爲公館已埋伏地礮於中等語楊玉
科得報卽與譚席珍入城直至太和縣署駐紮
該逆等屢請移住楊榮家中均以飾辭答之初

九日巳刻楊玉科由縣署入僞府令兵勇占據礮樓賊衆驚亂出悍黨四五千入層層圍攻幸僞府牆厚樓高不致爲賊所破時四面伏兵聞礮齊起該逆死守僞禁城各門官兵不能聯絡鏖戰至夜臣毓英親督各軍四面架梯登城楊玉科亦由僞府揮兵夾擊立將僞禁城南城樓奪據內外聯絡更番血戰至初十日官軍傷

亡以千計賊死者亦萬餘人該逆見勢不支次日黎明舉火自焚分股由東南北三門奪路狂奔其出東門者直趨海邊意欲奪船而渡段瑞梅徐聯魁等軍躡之殺五百餘人蹈海死者無數生擒僞大冢宰馬仲山僞參謀馬遇春段惺幘僞佐輔楊彩元僞將軍撒登科馬芋僞兵馬司馬平川僞中郎將馬文彩僞參軍馬紹榮等

八十九名其出北門者逃往上關爲守關之范
清等扼阻回竄喜洲又爲趙騫斗各營截殺李
應舉和述廷等由後追至圍而蹙之殲斃三千
餘人生擒一百二十一人並擒僞大司衡楊榮
僞三元帥楊占鵠僞大都督劉貴馬增榮僞右
弼馬國臣僞參謀馬崑山南門一股衝至五里
橋意圖闖出下關臣毓英督飭岑寬德覃修綱

黃才廣李朝相羅均德王永齡錢汝清等各營
兜勦蔡標和耀曾又由城內追出四面合圍生
擒僞大經略蔡廷棟僞大司旗馬國璽僞佐將
軍劉名揚僞參軍蔡文英馬貞吉及酋目一百
三十五名殲斃一千數百名追至下關又爲守
關之岑應麟等擒斬三百餘名赴水死者千餘
名次日駐防趙州之黃章李錦標等復擒獲逸

匪馬爲駿等七十三名楊玉科肅清城內救熄
餘火由楊榮家中掘出地礮火藥三千斤並由
蔡廷棟馬國璽寓所搜出杜逆幼子三人幼女
一人解送來營 臣毓英驗明該逆長子宗揚年
十三歲次子賡揚年十一歲三子成揚年九歲
幼女年三歲均發交署太和縣知縣譚席珍審
訊據供杜逆實係情急服毒自盡子女託寄蔡

馬各逆係爲攜遁起見訊明後並杜逆首級委員解省交按察司程誠分別收禁其杜逆之子應如何處治該逆首級應否獻馘恭候

諭旨飭遵其檢獲之逆會楊榮蔡廷棟馬仲山馬國璽等僉供於咸豐丙辰年與僞帥杜汶秀謀逆會破城戕官並圍攻省城妄圖大業實屬罪大惡極卽於軍前凌遲處死傳首被害地方以昭炯

戒城內救出老弱婦女四千餘人分別安置綜
計大理一役將弁士卒傷亡六千餘人而數萬
之賊死於戰守死於水火亦靡有孑遺此官軍
攻入內城肅清全郡之情形也臣等查杜逆倡
亂以來流毒一十八載攻陷五十三城西則擾
及四川會理諸州東則竄踞貴州興義各屬蓄
髮變服鑄印設官僞造禁城僭規王制燎原之

勢幾覆全滇蓋大理以上關下關爲鎖鑰蒼山
洱海爲藩籬奇險天生攻難守易是以西征四
次迄無成功咸豐六年提臣文祥克紅崖圖賓
居而東南回衆圍省退兵回援遂失彌渡雲縣
九年署提臣褚克昌克鸚鵡關雲南驛等處而
館驛澄江回衆陷廣通楚雄鎮南以襲其後褚
克昌遂全軍覆沒同治二年臣毓英連拔景東

鎮沅永北楚雄廣通定遠進規鎮南而馬聯陞
馬榮率霑益尋甸之衆踞曲靖馬龍平彝迨撤
兵回顧大理之役遂不果行六年提臣馬成龍
甫至定遠前軍失利而合國安楊振鵬等內外
勾結連失定遠楚雄等二十城省圍幾於莫解
推原其故蓋東南黨援未除則迤西寇氛愈熾
故先後各路進剿克曲靖則東隅固解省圍則

內患清復激江而近地安平臨安而南徽定內
顧無憂斯遠圖易舉此 臣等所以先事東南而
後專力進西也 臣等猥以庸材力支危局雖兵
餉之交紕勵將士而同心今幸一鼓蕩平殲除
元惡實賴

天威遠播故能綏靖邊隅 臣等自當宣布

皇仁妥籌善後以安反側而軫遺黎至此次校績論功

則記名提督開化鎮總兵楊玉科爲最該員屢
次裏創血戰三年之內克復二十城謀勇兼優
爲提鎮中不可多得之才伏乞

天恩破格優獎在事尤爲出力各員弁謹開單一併籲

懇

恩施其次出力文武及各路籌解糧餉人員容臣等續

查請獎陣亡之補用守備李正昌等並請

旨飭部從優議卹以慰忠魂所獲杜逆赤金偽帥印一
方偽衣冠十件及逆酋蔡廷棟金包銀偽經略
印一方謹封送軍機處恭呈

御覽

岑毓英又奏言現在大理府城既復首逆羣酋
盡除其未復地方僅有順甯府城雲州城及所
屬之小猛統猛郎錫臘又騰越廳城及所屬之

烏土寨馬家村並蒙化廳屬之大小圍埂共計
府廳州城池三處賊巢六處此外均已一律肅
清並無餘匪滋擾應辦善後事宜 臣等謹遵

聖訓慎選賢能守令實力興辦整飭捕務嚴查奸宄不
敢因循粉飾貽誤邊陲 臣毓英將大理善後籌
辦周妥卽督同楊玉科等合勦圍埂賊巢至騰
越係總兵李維述實缺應飭該員統所部前往

辦理以專責成惟順甯雲州兩城提臣馬如龍
以餉缺尙未前往所派頭隊官兵僅數百名不
敷分布亟應乘勝迅圖掃蕩免致貽患養癰擬
就近分軍相機規取以期全省廓清奏入

上命軍機大臣傳諭劉嶽昭岑毓英曰杜逆自倡亂以
來流毒十有八載攻陷五十三城據險負隅其勢甚
熾岑毓英於兵單餉絀之時激勵衆心堅忍耐苦先

將東南各軍次第蕩平然後專事迤西卒使全郡肅
清渠魁授首實屬謀勇兼裕功績懋昭劉嶽昭遇事
和衷克濟成績均堪嘉尙大理既復其未復之順甯
雲州及所屬之小猛統猛郎錫臘又騰越廳城及所
屬之烏土寨馬家村並蒙化廳屬之大小圍埂自應
乘勝掃蕩俾全省一律廓清卽著岑毓英督同楊玉
科將圍埂賊巢迅速攻拔一面料理大理善後事宜

務臻妥善順甯雲州兩城前有旨令馬如龍前往攻
取該提督以餉絀尙未起程所派頭隊官兵僅五百
名亦嫌單薄岑毓英現擬就近分軍相機進取仍著
傳知馬如龍懷遵前旨剋日帶兵徑赴順甯雲州一
帶合兵會剿以竟全功應需餉項卽著劉嶽昭妥籌
接濟毋令闕乏至騰越地方卽責成總兵李維述帶
領所部前往辦理毋稍遲誤

上諭內閣曰逆首杜汝秀盤踞大理府城十有八載地險城堅負嶠抗拒上年五月開官軍攻克上下兩關賊勢漸蹙雲南巡撫岑毓英先將近省及東南各郡次第廓清督兵前赴迤西規取大理十一月初十至二十等日總兵楊玉科派各將弁開挖地道轟陷大理東南城隅乘勢擁入城內之土城晝夜鏖戰斃賊二千餘名奪據蓮花池一帶賊壘官軍攻逼土城西

北隅楊玉科復約束各軍四面合擊自率親兵策應
施放開花大礮轟毀賊營礮樓木柵逆首杜汶秀見
勢危迫於二十五日親率死黨萬餘接仗楊玉科督
軍兜剿至二十六日斃賊五六千名該逆敗入土城
內之僞城情急服毒其黨將杜逆獻解軍前正法岑
毓英督軍至五里橋地方環城審視探知餘會楊榮
蔡廷棟等仍形負固會商楊玉科先期密派將弁暗

入僞城分投設伏十二月初七日楊玉科率同太和縣知縣譚席珍直至縣署駐紮初九日潛入僞府督令伏兵奪據該逆礮樓賊衆驚亂岑毓英復親率各軍與揚玉科內外夾擊連日血戰殺賊萬餘賊分股由東南北三門狂竄我軍跟蹤追擊生擒僞大冢宰馬仲山等多名殲賊三千餘名生擒僞大司衡楊榮僞大經略蔡廷棟等盡法懲治並搜獲杜逆子女杜

宗揚等分別收禁悍黨悉數殲除大理全郡肅清覽
奏實深欣慰逆酋杜汶秀首級卽著於犯事地方懸
竿示衆毋庸獻馘來京其年未及歲之逆子杜宗揚
杜賡揚杜成揚三名及幼女一人著在該省嚴行監
禁並著刑部查明例案咨行該督撫照例辦理雲南
巡撫岑毓英當兵餉支絀之時激勵衆心親臨前敵
攻克堅城渠魁授首實屬謀勇兼裕調度有方深堪

嘉尙著賞穿黃馬褂並賞給騎都尉世職雲貴總督
劉嶽昭與岑毓英和衷共濟克奏膚公著開復革職
留任處分交部從優議敘記名提督開化鎮總兵楊
玉科著賞給騎都尉世職並賞給白玉翎管一枝白
玉搬指一箇小刀一柄大荷包一對小荷包兩箇總
兵段瑞梅等均著交軍機處記名遇有提督缺出請
旨簡放段瑞梅等三員並賞穿黃馬褂蔡標並賞給

三代一品封典副將和耀曾著交軍機處記名遇有
總兵缺出請旨簡放並賞給達春巴圖魯名號遊擊
李應舉等均著免補免升參將遊擊以副將儘先補
用李應舉並賞給哈希巴巴圖魯名號彭子祥並賞
給額騰依巴圖魯名號張潤並賞換鏗僧額巴圖魯
名號都司和述廷等均著免補免升都司遊擊以參
將儘先補用和述廷並賞給喀爾莽阿巴圖魯名號

楊建勳並賞給喀勒崇依巴圖魯名號董良弼並賞
給瑚松額巴圖魯名號尉遲東曉等均著免補免升
都司遊擊以參將儘先補用並賞加副將銜尉遲東
曉並賞給克勇巴圖魯名號趙騫斗並賞給精勇巴
圖魯名號蔡興國並賞給赫勇巴圖魯名號蔡正坤
並賞給達勇巴圖魯名號劉全忠並賞給杲勇巴圖
魯名號馬中馭並賞給綽勇巴圖魯名號蘇三保並

賞給傑勇巴圖魯名號參將劉步龍等均著免補參
將遊擊以副將儘先補用劉步龍並賞給敢勇巴圖
魯名號錢大川並賞給識勇巴圖魯名號陸純剛並
賞換法什尙額巴圖魯名號都司范桂興等均著免
補都司以遊擊儘先補用並賞加副將銜范桂興並
賞給曉勇巴圖魯名號馬士成並賞給技勇巴圖魯
名號寇文通等均著免補都司以遊擊儘先補用並

賞加副將銜遊擊劉紹烈著免補遊擊以參將儘先
補用並賞加副將銜都司黃章等均著免補都司遊
擊以參將儘先補用守備董雲慶等均著免補守備
以都司儘先補用並賞加副將銜董雲慶並賞給捍
勇巴圖魯名號彭子興並賞給赴勇巴圖魯名號黃
河洲並賞給衝勇巴圖魯名號奚長青並賞給策勇
巴圖魯名號彭振剛並賞給侃勇巴圖魯名號趙明

玉等均著免補守備以都司儘先補用並賞加副將
銜和萬壽等均著免補守備以都司儘先補用並賞
加參將銜都司方維楷等均著免補都司以遊擊儘
先補用守備潘體義著免補守備以都司儘先補用
千總周慶安等均著免升守備以都司儘先補用並
賞加副將銜錢寶書等均著免補千總以守備儘先
補用並賞加遊擊銜把總輝師尹等均著以守備儘

先補用並賞加遊擊銜賞戴花翎徐成林等均著以
守備儘先補用並賞加都司銜賞戴藍翎勇目孫毓
等均著以千總儘先補用並賞加都司銜賞戴花翎
楊春標等均著以千總儘先補用並賞加守備銜賞
戴藍翎楊天保著賞給三品頂戴道員顏培高著賞
加按察使銜岑毓寶著賞給二品頂戴補用同知直
隸州知州范瓊章著俟補缺後以知府補用先換頂

戴並賞給舒勇巴圖魯名號知府鍾念祖著俟補缺
後以道員儘先補用劉鎮楚著免選本班以道員分
發省分儘先補用並賞加鹽運使銜屈紹培著賞加
鹽運使銜知州楊鳳儀等均著免選本班以同知直
隸州知州不論雙單月前先選用楊鳳儀並賞加運
同銜趙子驥等二員並賞換花翎賞給五品封典楊
景修並賞戴花翎州判譚席珍著免補本班以知州

仍留雲南前先補用並賞戴花翎縣丞劉紫綬著免
選本班以知縣不論雙單月儘先選用並賞加同知
銜賞換花翎府經歷謝聯慶著以知縣前先補用並
賞加同知銜州判周維巽著免補本班以知縣仍留
雲南補用並賞戴藍翎知州林禱著留於雲南儘先
補用並賞戴藍翎通判姜永齡著留於雲南儘先補
用並賞戴藍翎知縣馮乃熊等均著免補本班以知

州前先補用並賞戴花翎劉宗培著免選本班以同
知儘先選用易爲霖著免補本班以知州仍留雲南
儘先補用州判李光裕等均著免選本班以知縣不
論雙單月前先選用並賞加同知銜候選府經歷縣
丞朱席珍等均著免選本班以州判不論雙單月前
先選用並賞戴藍翎熊世煜著免選本班以州判留
於雲南補用府經歷孟蔭桂著免補本班以知縣儘

先補用並賞加同知銜知州廖世清著以同知直隸
州知州遇缺儘先補用知縣陳宗舜著免補本班以
同知仍留雲南前先補用並賞戴花翎府經歷楊福
萃著免補本班以知縣仍歸四川前先補用並賞換
花翎舉人趙錫光著以知縣儘先選用並賞戴藍翎
訓導蘇寶生著免選本班以知縣不論雙單月儘先
選用縣丞李桂開著免補本班以知縣仍留廣東補

用縣丞銜許建勳等均著以縣丞不論雙單月儘先選用並賞加六品銜貢生林生香等均著以府經歷縣丞不論雙單月儘先選用張奎斗等七員並賞戴藍翎訓導豆鈞等均著以教諭不論雙單月儘先選用楊汝能等四員並賞戴藍翎生員張兆芑等均著以從九品不論雙單月儘先選用張兆芑等三員並賞戴六品頂翎其餘出力員弁及各路籌辦糧餉人

員准由該督撫查明覈實請獎陣亡之都司銜守備
李正昌千總木映芳楊建李芳林段得才李鴻才鍾
成鳳把總謝香廷趙時傑和文饒青雲蕭汝霖楊儀
韓有才薛正邦和本善馬鏡星倪成仙李春華擬保
千總周文彩蘇顯達李有惠劉永泰洪長保楊世興
張秉義杜金玉趙福祿馮昌刁福壽姜義得姜毓華
魯得華李春施尹才胡先覺任正道李中珠何錦溢

姜如龍張瑞譚開科莫貴賢劉坤董潤生李品元寸
潤榮洪步戎楊沛廷楊沛李得才王喜芮得生沈占
春牟友周升段正邦段文壽趙滿李培趙義趙松盛
余龍李發貴段福保孫芝李發桂魯國祚李長福和
學文范三李金和增榮祿蔡德昌尤之元袁中山趙
阿發崩尙德張文星商林周文秀李茂林王占標李
洪順杞洪張先發牛曉曙彭子龍藍金榜倪雲龍陳

仕高張洪高趙蒯章何仕賢向映陞楊萬勝傷亡之
副將銜參將涂秀清都司銜守備于品高千總趙春
山等均著交部從優議卹

臣等謹案杜汶秀以蠢茲醜類煽惑衆心曲
靖狐鳴迤西狼突東割黔地西寇蜀邊攻陷
五十三城肆虐十有八載結圍埂之逆黨據
大理爲老巢幾覆全滇久煩師力

皇威赫怒

天討共行擢岑毓英而付以兵權得楊玉科而使臨前
敵先定東南之患乃合迤西之師圍攻經年
大小百戰卒殲巨寇遂下堅城從此綏定巖
疆掃除餘孽曾未數月已竟全功此皆

廟算無遺

聖明遠燭故能使三軍效命人懷敵愾之心萬里窮邊

民有重生之樂懿歎盛矣

二月初二日辛亥內閣學士馬恩溥奏言逆匪杜

汝秀陷踞大理擾及通省迄今十有七年士民
有身陷賊中脅授僞職者皆由邊隅險阻無路
逃生非甘心從逆可比現在大理攻克逆首就
擒亦由脅從投誠故能膚公立奏儻事平之後
蔓引株連不分良莠率行誅戮殊堪憫惻况順

甯雲州等處未復若輒望風疑畏轉恐貽誤事
機合無仰懇

天恩飭令撫臣岑毓英多駐大理數月撫輯居民凡係

脅從量加寬宥並著各該地方官出示曉諭無
論漢回人等不得挾仇訐告以清訟源

馬恩溥又奏言逆匪滋事以來雲南士民殉難
者甚多如舉人段登雲廩生馬光藻附生楊映

桂耆民蘇愉等因賊脅授僞職先後自盡均屬
深明大義馬光藻係屬回民尤堪嘉尙臣訪查
確實不忍聽其湮沒仰懇

天恩飭部分別議卹並准於大理原籍入祠建坊以彰
忠義此外殉難之人並請

飭下雲南督撫仿照各省設立忠義局廣行採訪一體
奏請旌卹奏入

上命軍機大臣傳諭岑毓英曰內閣學士馬恩溥奏大
理攻克逆首就擒恐事平之後蔓引株連不分良莠
率行誅戮等語前因順甯雲州等處尙未收復諭令
岑毓英督同楊玉科將圍埂賊巢迅速攻拔惟大理
善後事宜亦關緊要該撫應否暫在大理駐紮數月
撫輯居民一面分軍進攻各路逆巢之處著岑毓英
體察情形妥籌辦理

上諭內閣曰雲南舉人段登雲生員馬光藻楊映桂耆
民蘇愉均因逆匪脅授僞職先後自盡實屬深明大
義馬光藻係回民不肯從逆尤堪嘉尙段登雲馬光
藻楊映桂蘇愉均著交部分別議卹並准於大理原
籍入祠建坊以彰忠義該省自逆回擾亂以來所有
回漢殉難紳民均屬可憫著該督撫設局採訪一體
奏請旌卹毋任湮沒至逆匪杜汶秀叛亂有年該處

回漢居民有被其迫脅陷入賊中者念其身處顛危不能自拔非甘心從逆者比現在首逆旣經就戮悍黨亦已殲除此外順甯騰越雲州等處賊衆自必聞風膽落大兵所至除實係始終助逆者悉予駢誅其餘被脅之人情有可原者著量加寬宥予以自新並著該督撫剴切曉諭漢回人等不得挾仇訐告用示覆幬生成咸與維新至意

二十日己巳成都將軍魁玉四川總督吳棠奏言

滇省回亂以來屢請由川省助餉濟師臣吳棠

先檄道員劉嶽曙前雲南提督唐友耕次第統

兵馳援又派建昌鎮總兵劉寶國募定邊軍練

勇千人益以武安軍楚勇兩營扼守會鹽邊界

旋即越疆擊賊會同滇軍再戰再捷克復永北

廳城劉寶國復令右營營官胡德成率隊隨楊

玉科奪回上下兩關圍攻大理郡城該鎮亦督
師境上以資策應十二月十一日克復大理胡
德成隨楊玉科首先入城奮勇出力復截勦竄
回按獲僞印九方據楊玉科劉寶國所稟大略
相同楊玉科並稱杜逆傾巢圍省之時該鎮以
一旅之師渡江抄襲賊後以及攻克武祿元羅
各城懸軍深入悉賴劉寶國助以聲援於川滇

兩省不爲無功懇請代爲具奏 臣等查川軍防
剿滇回閱時最久劉寶國調度有方勛勤尤著
現在大理旣克軍務漸平可否籲懇

天恩俯准 臣等將出力員弁兵團覈實彙獎以昭激勸
出自

逾格鴻慈奏入得

旨允行

五經圖考卷四十一
三十一

欽定平定雲南回匪方略卷四十八 癸酉年

二月二十一日庚午劉嶽昭岑毓英奏言蒙化廳

屬之大小圍埂爲逆匪老巢村寨二十八處煙
戶一萬餘家土城二十二座外立木柵石礮百
餘座地險而寬賊多且悍提督李維述楊國發
等軍進剿先後攻克馬里廠萬家廠三家村大
小麥莊各土城賊營嗣李維述楊國發又率副

將張仕進等由西北面之禾谷村上下巡檢村
一路連營而進又飭遊擊岑有富等由東南之
小麥莊三家村河府街一帶紮營合圍環攻四
十餘日埽平賊營碉樓七十餘座攻克晏基廠
乾魚莊王官廠等處土城斃賊二千有餘直抵
大圍埂賊巢穴地晝夜圍攻十二月十四日夜
賊開柵出撲官軍營壘各軍四面兜剿賊敗回

巢官軍乘勢掩入分股巷戰至次日天明將大
圍埂克復斃賊三千餘衆生擒僞大司衛馬逢
駿僞大將軍馬元奎等八十三名搜獲銅木僞
印八十六方臣毓英當卽訊明馬逢駿等立予
正法傳首被害地方其小圍埂賊巢地更險要
臣毓英於克復大理後卽分派副將岑寬德等
各軍馳往隨同李維述楊國發進剿賊晝則固

守夜則出擾官兵連日進攻頗傷精銳 臣復飭
提督楊玉科分派副將蔣宗漢等各軍馳往合
剿旋即親赴前敵查看形勢設法逼攻由西北
面開挖地道數十處穴地而進直逼牆壕二十
七八等日蔣宗漢覃修綱岑寬德等地道告成
實以火藥轟陷牆垣數十丈各軍奮力衝入奪
據西北面賊房賊晝夜攻撲我軍禦之斃賊甚

衆二十九日楊玉科由大理馳至時蔣宗漢等
已由西北面所據房屋另開地道進攻楊玉科
卽與李維述楊國發等由東南面併力紮營直
抵牆壕穴地十數處新正元日四面地道告成
實以火藥同時施放東面牆垣轟倒數十丈西
北面亦震倒房屋百餘間楊玉科李維述楊國
發暨迤南道蔡錦青督隊齊進岑寬德直搗賊

巢中礮陣亡覃修綱岑有富等率兵繼入楊玉
科親督蔣宗漢和耀曾李應舉彭子祥彭振綱
趙欽孫毓及已革副將黃世昌等更番疊進攻
破賊屋捨斬賊匪七八百人都司徐國治守備
朱文遠武舉趙聯斗躬冒礮石奮戰陣亡軍心
益憤晝夜死戰至初三日申刻將西北面房屋
概行攻克逆匪退守禮拜寺初五日辰刻楊玉

科選敢死之士破壁而進官軍四面乘勢衝入
縱火焚之賊勢瓦解由東南面奪路而竄李維
述楊國發等軍層層截殺屍骸枕藉逆酋僞大
司伐馬應昌僞大司戎馬應超僞西衛大將軍
馬維涼等率悍黨死踞房屋十數所楊玉科楊
國發積柴草圍而焚之悉爲灰燼地方一律肅
清臣等查大小圍埂地方回多漢少承平時回

人橫行無忌杜逆倡亂之初亦係圍埂回衆萬
餘助之由下關衝入大理是滇省之禍以杜逆
爲首而杜逆之黨則圍埂居多今幸仰賴

天威先後殺賊三萬餘衆始得收此速效現在滇省僅

有順甯雲州騰越三城及小猛統猛郎錫臘烏

土寨馬家村五處賊巢未克臣毓英已派總兵

段瑞梅遊擊許士坤都司范桂興署順甯府知

府陳泰琨共帶兵勇一萬五千餘名進攻順甯
又派總兵蔡標副將陳純剛遊擊李朝相等共
帶兵勇六千餘名進攻雲州現飭催李維述統
率所部馳赴騰越本任規取廳城並督同楊玉
科添派各軍相機策應暨分攻猛郎小猛統等
處賊巢務期蕩平餘孽綏靖全滇仰答

高厚鴻慈於萬一所有在事出力陣亡各員伏懇

天恩分別獎卹

岑毓英又奏言順甯雲州二城山勢最險煙瘴
尤甚必須乘此春晴大舉深入方易蕩平提臣
馬如龍尙未出省所管頭隊官兵爲數無多距
賊尙遠查記名提督楊玉科所部兵勇大半籍
隸迤西能耐煙瘴擬就近責成該員統率馳往
督同總兵段瑞梅蔡標等併力進攻剋期恢復

岑毓英又奏言已革副將和耀曾隨同攻克大理府城經臣奏請以總兵

記名簡放惟其副將原官尙未開復此次攻拔人小圍
埂賊巢揜渠埽穴卓著戰功可否仰懇

天恩獎勵准其開復並免繳捐復銀兩出自

逾格鴻慈

岑毓英又奏言大理府七屬業經一律肅清善

後事宜亟應次第舉辦杜逆前踞大理以提督
署爲僞帥府妄用黃瓦僭規王制建築內城僞
號紫禁而各廟宇及道府署均已平毀上年官
軍由地道攻城城垣亦多傾圮臣現擬將僞禁
城拆毀卽以磚石移修郡城毀去僞帥府違禁
之物仍改爲提督衙署並將道府等署及

文廟

武廟書院考棚各處照舊分別興修以復定制其逃
出難民亦卽召回原籍歸業妥爲撫綏以期長
治久安仰副

朝廷軫念邊陲之至意奏入

上命軍機大臣傳諭劉嶽昭岑毓英曰蒙化廳屬賊黨
現已悉數殲除自應乘此聲威迅將未復各城力圖
攻拔岑毓英前派總兵段瑞梅蔡標等分攻順甯雲

州二城兵力尙單著卽責成提督楊玉科親帶所部
馳往督同段瑞梅等併力進攻肅清邊圉大理府城
一切善後事宜著該撫懷遵前旨酌度辦理其騰越
廳城卽飭令李維述速籌規取毋稍延緩已革副將
和耀會勦賊出力前已有旨以總兵記名簡放著准
其開復副將原官免繳捐復銀兩並仍照原保獎勵
上諭內閣曰雲南蒙化廳屬之大小圍埂久爲逆匪占

踞上年大理克復後經提督李維述楊玉科等督兵
進攻先後將賊巢攻拔擒斬賊匪甚多廳屬一律肅
清在事出力員弁尙屬著有微勞自應量子獎勵提
督楊玉科著交部從優議敘李維述著賞給白玉搬
指一箇玉柄小刀一把大荷包一對小荷包兩箇楊
國發著賞穿黃馬褂副將張仕進等均著交軍機處
記名遇有總兵缺出請旨簡放劉興並賞換圖桑阿

巴圖魯名號遊擊岑有富等均著免補遊擊以參將
儘先補用岑有富並賞換富隆阿巴圖魯名號趙開
祥並賞給勛勇巴圖魯名號蘇應瑞等三員並賞加
副將銜都司李芳梅等均著免補都司以遊擊儘先
補用蘇洪等五員並賞加副將銜守備楊思禮等均
著免補守備以都司儘先補用楊思禮等四員並賞
加副將銜呂治興等五員並賞加遊擊銜賓川州知

州恆璋著開缺免補同知以知府儘先補用通判萬
春著免補本班以同知儘先補用恆璋等二員並賞
戴花翎通判吳德燦著以本班留於雲南補用並賞
加同知銜知縣黃增義等均著免補本班以同知直
隸州知州儘先補用並賞加運同銜張金榮著免選
本班以同知直隸州知州不論雙單月儘先選用並
賞戴花翎李書元楊懋著以本班不論雙單月儘先

選用並賞加知州銜李文運著免補本班以同知仍
留貴州儘先補用並賞戴花翎訓導段生玉等均著
以教諭不論雙單月儘先選用府經歷舒文華等均
著免選本班以州同不論雙單月儘先選用並賞加
知州銜守備李安邦等均著免補免升守備以都司
儘先補用張煥等五員並賞加副將銜和浩等四員
並賞加遊擊銜千總陳發感等均著以守備儘先補

用並賞加都司銜把總楊仁修等均著以千總儘先
補用楊仁修等九員並賞加都司銜賞戴花翎曾榮
陞等十七員並賞加守備銜賞戴藍翎外委沙玉高
等均著以千總儘先補用並賞戴藍翎生員楊永烈
著以訓導不論雙單月儘先選用縣丞銜蕭廷蔚等
均著以縣丞不論雙單月儘先選用並賞戴藍翎生
員趙汝翼等均著以從九品不論雙單月儘先選用

並賞戴藍翎陣亡之補用副將岑寬德副將銜補用
都司徐國志遊擊銜補用守備朱文遠守備銜補用
千總李朝樑梁洪貴五品頂戴補用把總華以昌補
用把總夏文漢任汝翼李成美高懷武舉趙聯斗六
品頂戴補用外委楊有才張正六品頂戴楊春記名
拔補把總楊上達張曜王之佐楊保壽趙光明魏青
山傷故之補用州同劉枝玉瘴故之寶甯縣典史張

葆銛補用把總梅應芳均著交部分別從優議卹

三月二十九日丁未劉嶽昭岑毓英奏言臣等前

派提督段瑞梅等進攻順甯提督蔡標等進攻

雲州嗣克大小圍埂賊巢臣等復派提督蔣宗

漢總兵和耀曾副將李應舉彭子祥參將和述

廷等統帶兵勇八千八赴順甯策應又派道員

向邦倬倪懋禮副將呂鎮南楊好謀參將岑有

富魏春覃修綱遊擊岑應麟武永貞等共帶兵
勇六千六百人赴雲州助剿又恐號令不一復
飭楊玉科親統後軍會同辦理營務迤南道蔡
錦青知府李鳳書馳赴前敵督辦旋據稟報順
甯賊於官軍未到之先大股出撲兵團原紮大
小中山團勇衆寡不敵大半潰散幸段瑞梅行
抵右甸卽帶同許士坤等星馳援剿恢復所失

各營並將首先潰逃之守備楊萃正法示衆卽
分派各軍由東南面木街一路前進自正月二
十八日至二月初七連日鏖戰均獲大勝攻破
馬夏邑平村街棠梨樹山等處賊營礮樓三十
二座殺賊八百餘人官軍亦有損傷守備楊昌
善縣丞王廷瓚把總李元吉外委葛發先後陣
亡臣毓英以順甯賊鋒尙銳必須分攻牽掣時

楊玉科已抵順甯卽飛飭該員分兵進攻楊玉
科督飭蔣宗漢李應舉和述廷等簡選精銳於
二月十一日夜馳抵錫臘出其不意架梯登牆
賊倉卒出戰官軍更番疊進用火器引燒賊屋
戰至次日午刻火勢大熾賊死甚衆紛紛衝逃
官軍四面追殺斬擒殆盡當將錫臘攻克段瑞
梅許士坤等亦連日鏖戰並穴地將東南北三

面之橋頭山東嶽廟朱家坡施家墳白墳接官
廳等處營礮八十餘座概行攻克殺賊二千餘
人惟西面之鳳山虎山爲赴錫臘要路賊以營
礮二十餘座扼守蔣宗漢等移錫臘得勝之師
往攻十六七等日連戰克之逆首僞大司征馬
得中復連日率悍黨攻撲各營楊玉科督同段
瑞梅等分攻擊卻乘勝奪據舊城街象塘寺三

官閣祭祀壇東山寺等處直抵城下埽除沿壕
賊壘開挖地道晝夜圍攻二十四日地道告成
實以火藥卽於是夜施放轟陷城垣數處楊玉
科督飭段瑞梅李應舉和述廷許士坤等攻西
北二門蔣宗漢和耀曾蔡錦青陳泰琨等攻東
南二門賊全力堵禦倒口官軍一面由倒口衝
突一面架梯登城內外夾擊賊勢不支退守大

街楊玉科指揮各軍節節掃蕩巷戰至二十五日午刻將順甯縣署及東西南三門各街巷攻破殺賊三千餘人逆首馬得中率悍賊一百餘人登北門城樓負嵎死守官軍縱火焚之悉成灰燼府城內外一律肅清楊玉科隨統各軍赴雲州督勦此攻克順甯府城並錫臘賊巢之情形也其雲州一路之師蔡標等由蒙化前進行

抵猛郎查看賊巢有煙戶二千餘家土城兩層
牆高壕深城外又環列營礮四十餘座堅險異
常州城至猛郎僅六十餘里聲息相通欲攻猛
郎必須先斷雲州賊援遂派陸純剛黃才廣蘇
三寶李春陽等軍由邦蓋丙弄一帶扼堵援賊
進規州城以李朝相呂鎮南覃修綱楊好謀楊
步瀛及已革副將黃世昌等圍攻猛郎蔡標自

率董雲慶蔡興國馬中馭蔡正坤等各營往來
策應正月二十六日擊敗猛郎賊匪攻克大山
頭賊碉四座長驅而下連紮五十餘營自二月
初二日至十七日董雲慶楊發貴楊安等連破
東北面賊營碉樓六座蔡興國黃世昌李成鈺
張連元全正國等又克賊營木壘八座碉樓五
座殺賊三百餘名雲州逆首偽大司疆馬標率

黨屢次來援均爲陸純剛等截勦該逆又繞山
徑小路欲襲官軍之後復經同知謝家瑞王家
霖帶勇擊退惟雲州城外各要隘逆匪營壘尤
爲堅固官軍遠難深入蔡標等查探地勢知距
城數里之水磨平掌三村爲州城咽喉要地隨
設法購獲內應令尉遲東曉李春陽王榮等帶
兵勇三千餘人於二月十九夜繞至水磨村後

內應舉火爲號尉遲東曉等揮兵衝入殲悍賊二百餘人遂克水磨平掌三村次晨逆首僞大司隸冶維煥僞大參將蔡雙全由城內率黨數千來攻尉遲東曉等竭力禦之蔡標率援軍馳至令陸純剛李朝相等軍分左右翼先出迎敵而自率蔡興國董雲慶等直搗中堅鏖戰三時許斬逆首蔡雙全及悍賊多名冶維煥亦中槍

死餘賊大潰官軍躡之擒斬三百餘人陸純剛
等復乘勝奪據附城之河灣村賊營五座其攻
猛郎之呂鎮南等一軍又於十八九日攻克西
南面木壘石礮十六座蕩平賊巢外各營蔡標
卽令各官兵直逼賊巢牆下二十夜施放地道
轟陷頭層土城該逆仍踞二層蔡標激勵衆軍
晝夜輪攻並用開花大礮環列轟擊毀巢內房

屋無數二十三日逆首僞大都督丁雁九中礮
死賊黨驚亂官軍乘勢衝入擒斬賊匪六百餘
名逸出之賊復爲黃才廣等各營殲盡當將猛
郎攻克蔡標留兵駐守卽率全軍馳往雲州圍
勦臣等查順雲二城自咸豐八年爲雲州回逆
僞司咸大都督蔡七二竊據與杜逆連爲姻婭
破緬甯屠永昌陷騰越圍省城戕害官民不可

勝計蔡七二死其子廷棟繼之匪黨愈衆上年
克復大理廷棟伏誅尙有蔡雙全馬得中諸逆
會分踞順甯雲州及錫臘猛郎互相聯絡爲死
守計臣毓英深恐該逆等勾結緬人致爲邊患
因與楊玉科激勵士卒急圖殄此餘孽今幸一
月之內攻拔順甯府城並錫臘猛郎老巢計全
省賊踞之地只餘雲州騰越兩城及小猛統馬

家村烏土寨三處不難次第肅清此次之捷
臣等固不敢上邀

獎敘卽楊玉科頻年苦戰功績卓著亦未敢擅擬請獎
惟在事員弁著有微勞謹擇尤開單籲懇

恩施俾資鼓勵其餘出力文武人員容
臣等續查請獎其打仗陣亡各員相應請

旨飭部分別從優議卹以慰忠魂

劉嶽昭岑毓英又奏言 臣等前奏委道員吳寶森在四川重慶設局轉運各省協滇軍餉該員隨時催收轉運並多方籌借墊解源源接濟從無貽誤實屬籌畫盡善力持大局可否仰懇

天恩賞加按察使銜以昭激勸奏入

上諭內閣曰雲南順甯賊匪於官軍未到之先出撲大小中山各營經提督段瑞梅率師援勦自正月二十

八日至二月初七日連日鏖戰連破賊營碉樓三十
二座殺賊八百餘人提督楊玉科分兵往攻錫臘牽
掣賊勢當將錫臘攻克段瑞梅等復將橋頭山等處
賊營木壘碉樓八十餘座概行平毀殺賊二千餘人
並將鳳山虎山攻克乘勝直抵城下開挖地道晝夜
圍攻楊玉科督飭段瑞梅等分攻各門一面架梯登
城一面由轟陷處衝入節節掃蕩至二十五日將順

甯府城收復逆首馬得中等均已焚斃雲州一路於
正月二十六及二月初二等日疊經官軍勦擊攻拔
附城河灣村賊營五座其猛郎一帶賊巢亦經次第
攻破勦辦甚爲得手卽著激勵將士迅將雲州騰越
兩城奮力攻復掃除餘孽以靖邊疆在事出力各員
尙屬著有微勞自應量予獎勵提督段瑞梅蔣宗漢
均著賞給三代正一品封典並交部照一等軍功從

優議敘蔣宗漢並賞換圖桑阿巴圖魯名號蔡標著
賞穿黃馬褂總兵和耀曾著交軍機處記名遇有提
督缺出請旨簡放並賞給三代正一品封典副將李
應舉等均著交軍機處記名遇有總兵缺出請旨簡
放李應舉並賞加提督銜參將和述廷等均著免補
參將以副將儘先補用並賞加總兵銜覃修綱並賞
換霍隆額巴圖魯名號副將楊好謀著賞加總兵銜

並賞換拉利巴圖魯名號遊擊李朝相等均著免升
參將以副將儘先補用李朝相並賞換額騰額巴圖
魯名號黃才廣並賞換額騰依巴圖魯名號許士坤
並賞給奇臣巴圖魯名號李德濺著免補遊擊以參
將儘先補用並賞給贊勇巴圖魯名號都司周之楨
等均著免補都司以遊擊儘先補用周之楨並賞給
展勇巴圖魯名號鄭開元並賞給贊勇巴圖魯名號

吳之竹並賞給迅勇巴圖魯名號周慶安並賞給循
勇巴圖魯名號龔聯元並賞給勵勇巴圖魯名號李
福興並賞給驃勇巴圖魯名號蘇開先並賞給匡勇
巴圖魯名號石炳元並賞給俊勇巴圖魯名號董正
性並賞給才勇巴圖魯名號楊發貴並賞給鼂勇巴
圖魯名號張文壽著免補都司以遊擊儘先補用並
加副將銜賞給三代正二品封典守備楊發科等均

著免補守備以都司儘先補用並賞加副將銜楊發
科並賞戴花翎丁槐並賞給赫勇巴圖魯名號輝師
尹並賞給長勇巴圖魯名號遊擊李錦標等均著免
補遊擊以參將仍歸廣東補用李錦標並賞加副將
銜李榮興並賞給翌勇巴圖魯名號羅均德等均著
免補遊擊以參將儘先補用羅均德等三員並賞戴
花翎伍起雲等二員並賞加副將銜都司何長清著

免補都司以遊擊仍歸廣東儘先補用黃河洲等均
著免補都司以遊擊儘先補用並賞戴花翎王永齡
等均著免補都司以遊擊儘先補用並賞加副將銜
賞戴花翎守備雷躍龍等均著免補守備以都司儘
先補用並賞加副將銜賞戴花翎蘇長春等均著免
補守備以都司儘先補用蘇長春等三十九員並賞
加參將銜賞戴花翎向逢春等二員並賞換花翎千

三才圖會卷四
三十一

總孫毓等均著免升守備以都司儘先補用並賞加副將銜賞戴花翎黃秉光等均著免補千總以守備儘先補用並賞加遊擊銜賞戴花翎盧正昌等均著免補千總把總以守備儘先補用並賞加都司銜賞戴藍翎把總官遵祖等均著以千總儘先補用並賞加都司銜賞戴藍翎勇目何希元等均著以千總儘先補用並賞加守備銜賞戴藍翎道員蔡錦青著賞

穿黃馬褂向邦倬等均著賞加二品頂戴並賞給三代二品封典知府李鳳書著免補本班以道員仍分發省分前先補用並賞給噶爾薩巴圖魯名號陳泰琨等均著俟補缺後以道員儘先補用陳泰琨並賞加鹽運使銜補用同知直隸州知州王家霖著免補本班以知府前先補用並賞加道銜謝家端著免補本班以知府仍分發省分前先補用並賞換花翎周

崇勛著仍以同知直隸州知州分發省分歸候補班
遇缺前先補用並賞給四品封典候選同知直隸州
知州楊鳳儀著免選本班以知府分發省分前先補
用並賞加鹽運使銜趙子驥等均著免選本班以知
府不論雙單月前先選用知州李承鄴等均著免補
本班以同知直隸州知州分發省分歸候補班前補
用李承鄴並賞換花翎倪藩並加知府銜知縣戴作

舟著以同知儘先升用黃金銜著俟補缺後以同知
儘先前補用戴作舟黃金銜並賞戴花翎劉紫綬著
仍以知縣分發省分歸候補班前補用並賞給正五
品封典通判劉文華著免選本班以同知不論雙單
月儘先選用州同區策等均著免選本班以知州不
論雙單月儘先選用訓導王繼珍著在任以知縣不
論雙單月儘先選用並賞換花翎舉人劉共之著以

知縣留於雲南補用並賞加知州銜順甯縣知縣吳
啟亮著開缺免補同知以知府儘先補用候選同知
直隸州知州王哲著以本班留於雲南補用知州耿
炳青著候補本班以同知直隸州知州留於雲南補
用王哲等二員並賞加運同銜知縣楊福萃著免補
本班以同知仍歸四川儘先補用並賞給鼓勇巴圖
魯名號楊沅廉著俟補缺後以同知儘先補用並賞

戴花翎額勒金泰等均著賞加知州銜並賞戴藍翎
趙鴻緒等均著仍以本班分發省分前先補用並賞
給正五品封典雲南府經歷謝聯慶著開缺免補知
縣以同知儘先補用並賞戴花翎經歷潘志平著開
缺以知縣儘先補用並賞加同知銜知縣李光裕等
均著免選本班以知州不論雙單月前先選用李光
裕並賞換花翎康宗灝著賞加同知銜舉人魏廷錫

等均著以知縣分發省分歸候補班前補用魏廷錫
並賞加同知銜楊政並賞戴藍翎州判麻時培等均
著賞加知州銜戴國璣並賞戴藍翎寶銘曾著免補
本班以知縣仍歸貴州儘先補用雲南府訓導王瑞
霖著開缺以知縣分發省分歸候補班前補用府
經歷覃克振等均著免補本班以知縣前補用王
瑞霖等二員並賞加同知銜教諭楊汝能等均著免

選本班以知縣不論雙單月前先選用並賞加同知
銜訓導廖嘉楨等均著俟選缺後以知縣不論雙單
月選用陶鴻鈞等均著以教諭不論雙單月儘先選
用廖嘉楨等七員並賞戴藍翎候選府經歷縣丞丁
嗣桂等均著免選本班以州同不論雙單月前先選
用丁嗣桂並賞戴藍翎王績寬等五員並賞加知州
銜從九品陸錦光等均著以縣丞不論雙單月選用

並賞戴藍翎府經歷丁承基等均著賞給六品頂戴
藍翎州判熊世煜著免補本班以知縣補用並賞加
同知銜府經歷萬正祥著免補本班以知縣仍歸四
川儘先補用州判廖文奎等均著免選本班以知縣
不論雙單月前先選用張奎斗等八員並賞加同知
銜補用府經歷縣丞玉榮佩等均著免補本班以州
同儘先補用玉榮佩並賞戴藍翎府經歷李祥元著

免補本班以州同仍歸廣東補用州同銜王思信著
以州同選用並賞加知州銜候選府經歷縣丞吳鶴
齡等均著免選本班以州同不論雙單月儘先選用
知事龐慶泉著以府經歷縣丞儘先補用州同銜施
化雨等均著以縣丞不論雙單月選用並賞戴藍翎
生員史建中著以縣丞留於雲南補用貢生孫憲曾
等均著以訓導不論雙單月前先選用監生楊旭等

均著以從九品不論雙單月選用並賞戴藍翎昌桂
著以從九品留於雲南補用並賞戴六品頂翎其餘
出力員弁著准其查明請獎陣亡之都司銜補用守
備楊昌善候補縣丞王廷瓚補用把總李元吉涂連
升補用外委葛發李日全及在營傷故之副將銜補
用參將趙騫斗均著交部分別從優議卹道員吳寶
森著賞加按察使銜

岑毓英又奏言攻克圍堞賊巢之後騰越鎮總
兵李維述所部兵勇陸續拔赴騰越該員亦於
二月初六日親率後軍由蒙化起程前進 臣等
遵

旨責成該員規取騰越廳城又添派提督徐聯魁副將
彭子祥統兵勇一萬人馳往分攻騰越廳屬之
馬家村烏土寨至小猛統賊巢已派總兵和耀

曾參將和述廷守備輝師尹統勇三千人前往
攻勦俟雲州克復再圖濟師奏入報

岑毓英又奏言現在滇省軍務將次肅清臣所
部各軍大半籍隸本省兩廣勇丁較少指日蕩
平雲州騰越等處餘孽擬卽追繳槍礮分別遣
撤回籍各歸農業並會同督臣挑留精壯改補

營兵以復舊制惟上年大理未克之先委員赴
粵購買洋槍洋礮洋藥銅帽等物尙多未解入
滇相應請

旨飭下兩廣兩湖四川貴州各督撫臣轉行所屬查明

滇省由粵採買洋槍洋礮各項無論是臣及督

臣提臣委員行抵何處悉數截留勿令解運前
來以免事後清查追繳多費周折奏入

上命軍機大臣傳諭瑞麟李瀚章吳棠郭柏蔭王文韶
張兆棟劉長佑曾璧光日岑毓英奏滇省軍務將次
肅清俟蕩平雲州騰越等處餘孽後擬卽遣撤勇丁
追繳軍器上年該省大理未克之先委員赴粵購買
洋槍洋礮洋藥銅帽等物尙多未解入滇請飭沿途
各省督撫截留等語卽著飭令所屬查明雲南督撫
及提督委員由粵採買洋槍洋礮各項無論行抵何

處卽行悉數截留封存該省軍裝庫以免事後清查
追繳之煩

五月十三日 庚寅 劉嶽昭岑毓英奏言 臣等前飭

記名提督楊玉科由順甯進攻雲州提督蔡標
移猛郎之師會之又令提督徐聯魁總兵和耀
曾分攻烏土寨小猛統賊巢楊玉科以雲州城
堅賊悍請留徐聯魁和耀曾等軍助剿 臣毓英

許之蔡標等於二月二十八日先抵雲州北面
之文筆山與前派往之陸純剛等連營前進楊
玉科先飭段瑞梅蔣宗漢徐聯魁和耀曾各軍
由順甯拔發均於三月初一二馳抵雲州初三
日賊大股出城攻撲蔡標段瑞梅和耀曾等帶
隊迎敵蔣宗漢率參將和述廷都司丁槐以奇
兵抄出賊後破新興街前賊礮二座腹背夾擊

大敗賊軍乘勝追殺連破新興街草皮街一帶
賊壘四十五座陣斬僞大司疆馬標及賊衆一
千餘人遂渡河直薄城下十三十四等夜岑有
富覃修網穴地實以火藥轟倒外城十餘丈官
軍由倒口衝進賊以全力堵禦都司張德全中
礮陣亡精銳多有損傷未能得手楊玉科聞報
由順甯親統後軍馳至詳察州城東南北三面

臨河官軍不得地利必奪城西之象山方可俯
瞰城中而山勢崎嶇萬狀賊扼要築礮防禦甚
嚴楊玉科集諸將議進攻之策以蔣宗漢攻西
門象山蔡標攻北門段瑞梅攻南門徐聯魁攻
東門而自率中軍和耀曾分投接應日夜輪戰
逼城而壘十九二十二日蔣宗漢先奪據象山
腳礮樓三座蔡標段瑞梅徐聯魁等亦蕩平東

南北三面附城賊壘二十餘座楊玉科率和羅曾等攻克象山中閒賊營共斃悍賊五百餘人城外賊營惟象山頂之觀音寺及前面礮樓二座未下楊玉科督飭蔣宗漢穴地進攻並飭東南北三面官軍連開地道二十餘穴次第轟陷城牆數處而賊以死抗隨陷隨築遊擊伍起雲都司朱彪等皆力戰而死兵勇亦多傷亡嗣是

連日大雨地道多爲河水所淹軍糧又復告匱
煙瘴漸起士卒多病 臣毓英疊次飛催進攻楊

玉科卽督飭蔣宗漢等用開花大礮環擊觀音
寺屋瓦皆飛二十八日先將寺外碉樓埽蕩三
十日攻破觀音寺後層賊退居中層前層楊玉
科遂由後層連開地道五穴至初一日夜告成
實以火藥初二日辰刻施放轟陷城牆二十餘

丈觀音寺中前兩層全行震圮壓斃賊匪甚衆
蔣宗漢和耀曾奪據山頂憑高擊下楊玉科身
先士卒力破西門蔡標陸純剛李朝相黃才廣
由北門倒口衝入段瑞梅徐聯魁李應舉許士
坤由東南兩面架梯登城分投巷戰自辰至午
肉薄相當守備李元吉王正科夏延齡千總和
炳山羅永安等同時陣亡官軍更番疊進立斬

逆酋僞大司招馬遇元僞大司營馬雲曠賊勢
不支紛紛潰亂官軍四面兜剿戰至西刻屍骸
枕藉僞大司制馬安邦等率悍賊五六百人死
踞城中房屋十數所官軍圍至初三日楊玉科
親督各軍縱火焚之悉成灰燼統計此次攻取
雲州官弁兵勇傷亡千有餘人而殲賊逾萬城
內外一律肅清臣等查雲州襟山帶河形勢險

要自逆首蔡七二及其子廷棟踞爲老巢迄今
十有四載增修牆壕礮壘堅固糧械充足臣等
遵

旨責成提督楊玉科督同諸將血戰月餘力拔州城官
民同深慶幸現在仍飭和耀曾移攻小猛統徐
聯魁等馳赴騰越會同李維述圍攻廳城及馬
家村烏土寨並飭楊玉科統軍繼進合兵攻剿

務期迅掃餘氛廓清全省仰慰

聖主軫念邊疆之至意此次在事出力員弁擬俟攻克
小猛統賊巢再彙案奏請獎敘其陣亡之副將
銜補用遊擊伍起雲副將銜補用都司張德全
遊擊銜補用都司朱彪都司銜補用守備李元
吉王正科夏延齡顧發守備銜補用千總和炳
山羅永安李應泰何天發五品頂戴補用把總

苟坤正陽飛熊李成德蔡必勝六品頂戴補用
外委潘有發王有貴羅芳顯劉得勝羅芳勝謝
珩李鍾祥洪耀光千總職銜羅啟祥候選從九
品胡運新記名拔補把總魏曾董文瀛趙祿魏
錫楊紹田李如璧呂紹東和楫劉士明李培玉
陸金規周有典韋懷忠董濤蔣文發金玉記名
拔補外委唐光慶張朝開記保縣丞文生楊鳳

藻在營瘴故之遊擊銜守備楊文記保訓導廩
生劉鴻遠均堪憫惻請

旨飭部從優議卹以慰忠魂奏入

上命軍機大臣傳諭劉嶽昭岑毓英日記名提督楊玉
科等於克復順甯後進攻雲州力戰月餘先後斃賊
甚多旋於四月初二日攻破城池逆酋悍賊悉數殲
除勦辦甚爲出力所有陣亡之副將銜遊擊伍起雲

等均著交部分別從優議卹以慰忠魂現在軍威愈振騰越等處之賊自必聞風膽落著劉嶽昭岑毓英督飭李維述等迅速攻勦力圖埽蕩一面飭楊玉科統軍繼進合力圍攻以期早日蕝事其小猛統等處賊黨並著嚴飭官軍一律勦除毋任久踞此次在事出力文武員弁兵團著准其附入興義府城案內擇尤保奏毋許冒濫

欽定平定雲南回匪方略卷四十九 癸酉年

閏六月初十日

丙戌

劉嶽昭岑毓英奏言小猛統

地方毗連鎮康土知州疆界自逆匪倡亂代辦

土知州刀悶晟圖聚集土民竭力固守賊匪屢

次圍攻均經擊退本年正月官軍進攻順甯雲

州臣毓英檄飭該知州乘勢攻剿又飭守備王

誠派其部弁千總段綸品等帶勇會攻先後掃

蕩老街賒街竹圍關廟等處賊營二十餘座附
近夷人畏威投誠惟河尾村三寨賊悍巢堅遠
難得手四月十二日和耀曾督軍馳抵該處探
明地勢賊情分派參將李飛龍都司丁槐守備
輝師尹會同刀悶晟圖段綸品等擇要紮營四
面圍攻十五六等日賊匪連次出撲均經和耀
曾督軍擊敗陣斬僞強武大將軍馬應紅僞虎

威大都督楊雙喜等多名賊勢窮蹙刀悶晟圖
乘虛購獲內應於二十夜閒奪據寨後禮拜寺
舉火爲號和耀曾揮軍四面攻入戰至黎明殲
賊八百餘人生擒逆首僞右軍大將軍馬言升
僞將軍馬從一崔志高楊增月安金保僞參軍
崔志升等六十餘名卽就軍前正法順甯府屬
全行肅清此攻克小猛統之情形也至騰越軍

務先經都司劉光煥守備王祖佑李珍國軍功
王聯升等帶領兵團節次掃蕩瓦房街濫田壩
牛旺蒲縹等處賊營土城扼守沿江渡口堵截
大理賊援嗣王祖佑王聯升先後陣亡臣毓英
復檄飭王祖佑之弟守備王誠接帶兵團會同
李珍國等於去歲八月進兵時楊玉科等圍攻
大理逆匪兼顧不遑遂得先後攻克官乃山施

甸墩子南京里等處要隘賊營王誠卽率兵進
取烏土寨於本年三月初三日攻克殲除逆首
僞正武大將軍馬開林僞撫東大將軍馬聯二
餘賊斬擒殆盡乘勝移攻馬家村李維述所派
總兵劉興張宗久等帶頭二隊官軍亦至會攻
附近賊營碉樓三十餘座一律蕩平殺賊六百
有奇直逼賊巢牆下紮營圍攻三月初五日李

維述率後隊繼至鼓勵各軍晝夜環擊至初七日村內被脅難民反戈殺斃首逆偽忠信將軍馬萬應奪開柵門王誠率兵先入李維述亦督軍四面齊進偽中郎將馬維華偽將軍閃會元等率悍黨千餘拚死衝突副將張漢威迎敵陣亡我軍人人憤怒戰至午後一鼓聚殲卽將馬家村攻克拔出難民無數李維述卽率全軍馳

抵騰越偵知城內逆首僞大司強馬太廉僞大將軍馬錫齡沙顯揚僞定北參軍馬國升僞大都督馬雙龍僞監軍楊武等共有悍黨四千餘衆城外村寨尙有賊營碉樓百餘處牆高壕深堅固異常李維述督率總兵劉興張宗久等由東南面綺羅中山瞿家營一帶紮營進攻又飭王誠同遊擊馬士誠都司李安邦守備李珍國

等由西北面觀音塘馬腸河太平街一帶連營而進環攻二十餘日埽平水碓村大莊何家寨等處賊營四十三座先後斃賊千餘人西南面雙坡地方爲廳城之咽喉賊築土城環以營礮守禦尤嚴李維述募敢死之士於三月十二日攻破賊礮五座直逼土城牆下束草填壕圍攻四晝夜逆匪拚死抵敵守備邵長科歿於陣遊

擊馬士誠亦受重傷至十五日始將土城攻克
殺賊四百餘人節節趨營前進二十二日徐聯
魁率軍到營會商李維述於二十四日黎明出
隊攻城逆匪大股迎敵李維述督軍接戰徐聯
魁選銳設伏戰至未刻佯敗回營賊匪追擊深
入伏中伏兵四起四面截殺立斬首逆馬錫齡
馬雙龍及悍賊千餘人乘勝盡掃城外賊營木

城礮樓徐聯魁卽會商李維述分派劉興張宗
久等攻東門王誠等攻西門李杞材李安邦等
攻北門徐聯魁自率鄭開元陳德昌馬雙元孫
毓等攻南門李維述分投策應各軍皆逼城而
壘開挖地道該逆見勢已危急晝夜出撲官軍
更番接戰互有傷亡五月初三日東南面地道
告成實以火藥乘夜施放轟陷城垣十餘處各

軍蟻附而進分投巷戰至初四日戌刻奪據各
門城樓賊不能支紛紛衝逃李維述徐聯魁督
軍內外夾擊殲除馬太廉馬國升沙顯揚楊武
等首從二千餘賊立將騰越廳城克復永昌府
各屬一律肅清伏查雲南軍務始自咸豐六年
迄今十有八載文武員弁紳士兵民死亡難以
數計卽前任督撫臣亦或死於戕害歿於憂勞

禍如燎原不可嚮邇較之髮逆踞江浙捻匪擾
兗豫歷時更久收功更難蓋由地處極邊界連
外域名爲一州一縣實則縱橫千里兵少則力
難制賊兵多則艱於饋糧况復土瘠民貧軍需
支絀協款旣多積欠月餉人僅六錢支領不時
補發無日飢軍轉戰譁潰堪虞加以羣賊負隅
意在割據外連夷長內結漢民進無異心退有

餘地甚至大理已破餘孽僅存猶據三城爲死
守計血戰累月而後克之滅賊之難如此臣等
用兵之初內外疑怨

君門萬里滯訴無從苦戰數年成敗未定孤處危疑之
地勉策久遠之圖迺蒙

朝廷寬以歲時畀之疆寄凡得力將弁一經薦拔悉
邀不次之

恩將士既仰沐

聖慈 臣等復欽承

廟略故得挽從前之浩劫奏此日之膚公 臣等幸免愆

尤無任慶幸第念傷亡將士眷屬無依烽火遺

黎元氣難復惟有督飭司道及地方各官妥籌

善後事宜以期長治久安仰答

聖主軫念邊陲之至意抑 臣等更有不敢壅於上聞者

用兵以來雖賴羣策羣力而獨當一面百折不
回則以楊玉科爲最當省圍初解之時附省東
南賊氛尙熾 臣等不遑兼顧而楊玉科孤軍深
入血戰直前不以傷病而偷安不以煙瘴而退
縮用能殺敵致果埽穴擒渠旣收大理之功復
報順雲之捷而烏土騰越各賊皆得以次削平
全省肅清厥功最偉應如何

加恩破格優獎之處出自

聖裁其尤爲出力員弁謹開具清單籲懇

恩施其餘出力文武並節年各路籌辦糧餉各員容 臣

等續查明確再行請獎歷次陣亡之廣東補用

副將張漢威等及在營瘴故之補用同知直隸

州耿炳青等均堪憫惻並請

飭部分別從優議卹以慰忠魂

內顧無憂始克專事迤西攻拔大理各城底定
全省不無微勞足錄可否仰懇

天恩均

賞穿黃馬褂以昭激勸雲南布政使宋廷春布政使銜
按察使程誠總理軍需老成諳練二品頂戴糧
儲道韓錦雲布政使銜鹽法道沈壽榕按察使
銜補用道張同壽通籌糧餉克濟時艱現在滇

省軍務一律肅清可否仰懇

天恩優加獎敘出自

逾格鴻施

劉嶽昭岑毓英又奏言同治七年省圍喫緊臣

嶽昭帶果後各營由黔入滇攻勦尋甸賊匪餉

銀軍火皆由四川供支臣毓英帶兵援解省圍

並克復各城尤賴四川督臣吳棠前任成都將

軍崇實督飭藩司撥解餉銀火藥並派各軍越境助剿大學士兩廣督臣瑞麟既寬籌協餉又派匠運開花洋礮火箭來滇相助由是設局仿造連克多城其江西江蘇浙江湖南湖北協滇軍餉或按月勻解或酌量籌撥皆能不誤要需

伏念該督撫臣等公忠體

國誼篤恤鄰實能宏濟時艱顧持大局合無仰懇

天恩特加獎敘以示優異至各省藩司可否並請酌予獎敘之處出自

逾格鴻慈

劉嶽昭岑毓英又奏言此後之要首在遣散兵勇招撫流亡整頓綠營清查吏治其次則修築城垣官廨重建書院考棚籌籽種濟窮黎種種經費皆屬不可緩之需伏查各省欠餉截至同

治七年止舊欠八百餘萬兩其自同治八年奉
旨改撥新餉又欠四百四十餘萬兩現值滇省需費孔
亟各省所欠新餉縱難全數補足亦須遵

旨先行籌解一半據布政使宋延春等籌擬將積欠各
軍餉項按營覈算先酌量由應解滇餉各省分
起撥兌給予咨文庫收交該將領自行派弁持
往撥取使兵勇知欠餉有著不致別滋事端俟

各省將此項撥餉發清後應解一半欠餉尙餘若干仍儘本年內埽數交坐催委員匯解來滇以便次第舉行地方各事至日前欠餉尙未領獲兵勇口糧遽難停止所有各省月撥餉銀應請仍照常撥解不得因催提舊欠藉詞誘卸一俟善後完竣諸事規復舊制應如何停止月餉另撥常年兵餉之處再行妥議辦理相應奏懇

天恩飭下廣東四川江西浙江江蘇湖南湖北各督撫
臣督飭藩司將積欠滇省新餉無論由何款內
迅速籌畫一半俟滇省各將領派弁持文到時
卽照數撥發領解回滇以便遣散兵勇各安生
業其餘應解之項務於本年內掃數解滇月撥
餉銀仍照常撥解不得藉詞推諉

岑毓英又奏言滇省軍興以來各省協餉解到

無多悉賴本省鄉勇協勦以及未荒田地徵收
秋糧條銀釐穀接濟軍用伏念滇省地瘠民貧
久經回匪蹂躪各屬紳民猶能同伸義憤報

國情殷實屬可嘉可憫茲幸軍務肅清亟宜與民

休息臣擬將鄉勇釐穀自本年以後永遠裁止

以紓民力其節年所捐之鄉勇工食及抽收釐
穀等項均飭軍需局司道督同各地方官覈實

算餉遵照前奉

諭旨請加中額學額以廣

皇仁又查各屬自遭兵燹百姓死亡過半田地荒蕪各
州縣徵册亦多遺失積欠錢糧無從著追現約
計通省百姓戶口不過當年十分之五 臣擬請
將同治十一年以前民欠錢糧籲懇

天恩概行豁免其本年應徵錢糧由 臣督飭司道責成

府廳州縣各官清查勘驗據實造冊呈報具奏
辦理奏入

上命軍機大臣傳諭劉嶽昭岑毓英曰雲南回匪之亂
歷時十有八年自上年冬閒攻克大理府城後節節
進剿迤西賊巢次第掃蕩現在騰越旣克全省一律
肅清覽奏實深欣慰本日業經明降諭旨宣示並將
劉嶽昭等給予優獎出力陣亡各員均照所請分別

獎卹矣滇省久被賊擾民生困苦茲幸羣匪廓清亟
應慎選牧令整飭吏治加意撫綏俾得各安生業其
有著名賊黨漏網伏匿者仍當嚴密搜捕以絕根株
該省餉項本形支絀岑毓英擬將粵勇先行遣撤其
餘各營俟由騰越拔回分別撤留卽著該撫妥爲辦
理以節餉需並督飭管帶各員嚴加約束毋任滋生
事端另奏請飭催各省協餉已諭令該督撫籌解矣

上又命軍機大臣傳諭瑞麟張兆棟吳棠劉坤一楊昌
濬李宗羲張樹聲李瀚章王文韶郭柏蔭日廣東等
省奉撥協滇新餉自同治八年至今共欠四百四十
餘萬兩現在該省軍務肅清所有補發兵勇欠餉籌
辦善後各事宜在在需款著瑞麟張兆棟吳棠劉坤
一楊昌濬李宗羲張樹聲李瀚章王文韶郭柏蔭督
飭藩司將各該省積欠滇省新餉無論何款先行迅

速籌撥一半俟滇省各將領派弁持文到時卽行照數給發以濟要需其餘應解之項務於年內埽數解清毋稍滯欠滇省此時雖已肅清而各營欠餉尙多兵勇口糧等項未能據行停止各該省應撥月餉仍著照常撥解俾資接濟不得稍涉推諉

上諭內閣曰雲南自雲州克復後提督和耀曾督軍進攻小猛統本年四月十五六等日該逆連次出撲疊

經官軍擊敗生擒首逆僞大將軍馬應紅等復乘勝
由寨後禮拜寺攻入殲賊多名當將小猛統攻克各
軍進攻騰越廳城三月初三初七等日先後攻克烏
土寨馬家村堅巢並將城外賊營木城礮樓概行掃
蕩直薄城下李維述等督軍四面合圍開挖地道五
月初三日夜間轟陷城垣十餘處各軍蟻附而進該
逆紛紛潰逃官軍內外夾擊殲除僞大司強馬太廉

等首從二千餘賊當將騰越廳城克復全省一律肅
清仍著劉嶽昭岑毓英督飭各軍將餘匪悉數剿滅
務絕根株滇省逆匪自咸豐六年倡亂以來攻陷城
邑荼毒生民十有八載上年大理克復巨憝伏誅餘
黨猶敢分踞順甯等處負隅死抗此次經劉嶽昭岑
毓英分飭各軍以次攻拔各將士同心敵愾迅速蕨
功深堪嘉尙雲南巡撫岑毓英親臨前敵調度有方

用能肅清全省著賞加太子少保銜該撫前經賞給
騎都尉世職著加恩改爲一等輕車都尉世職雲貴
總督劉嶽昭籌備戰守克竟全功著賞穿黃馬褂雲
南開化鎮總兵楊玉科戰功卓著前經賞給騎都尉
世職著加恩改爲一等輕車都尉世職總兵李維述
提督段瑞梅蔣宗漢徐聯魁均著賞給雲騎尉世職
和耀曾著賞穿黃馬褂楊國發著賞給三代一品封

典蔡標著交部從優議敘記名總兵楚雄協副將馬
青雲著開缺交軍機處記名遇有提督缺出請旨簡
放並賞給三代一品封典總兵劉興等均著交軍機
處記名遇有提督缺出請旨簡放並賞給三代一品
封典李應舉並賞戴花翎呂鎮南等均著賞加提督
銜並賞給三代一品封典副將和述廷等均著交軍
機處記名遇有總兵缺出請旨簡放並賞戴花翎和

述廷等二員並賞給二品封典李朝相著賞加總兵
銜並賞給二品封典許士坤等均著以本班歸廣東
補用黃才廣並賞戴花翎錢之福等均著賞給二品
封典錢之福並賞給哈喜巴圖魯名號參將魏春著
賞給卓勇巴圖魯名號侯應賢著賞給信勇巴圖魯
名號楊再清等均著賞加副將銜蔡正坤等均著以
副將儘先補用宋爲英等均著免補參將以副將儘

先補用並賞戴花翎董良弼並賞給二品封典李榮
興等均著賞給二品封典遊擊黃河洲等均著以參
將儘先補用並賞給二品封典王用梅等均著賞給
二品封典遊擊寇文通等均著以參將儘先補用並
賞換花翎寇文通並賞給銳勇巴圖魯名號王永齡
並賞給克勇巴圖魯名號王連標等均著賞加副將
銜都司魯國棟等均著免補都司以遊擊儘先補用

魯國棟並賞給揚勇巴圖魯名號李杞方並賞給奮
勇巴圖魯名號雷躍龍並賞給捷勇巴圖魯名號熊
明並賞給禦勇巴圖魯名號袁善並賞給效勇巴圖
魯名號馬雙元並賞給策勇巴圖魯名號孫毓並賞
給揆勇巴圖魯名號張聯元並賞給長勇巴圖魯名
號何天祥並賞給赫勇巴圖魯名號徐天寶並賞給
鼐勇巴圖魯名號農得勝並賞給著勇巴圖魯名號

楊發貴等七員並賞換花翎丁槐並賞給二品封典
和汝珍等均著免補都可以遊擊儘先補用並賞加
副將銜和汝珍並賞給趙勇巴圖魯名號李映和並
賞給俊勇巴圖魯名號覃允華等均著俟補缺後以
遊擊儘先補用先換頂戴並賞換花翎遊擊葉高飛
等均著賞加副將銜都司沈玉勝著免補都可以遊
擊仍歸廣東補用千總王貴著以守備儘先補用並

賞加遊擊銜守備王誠等均著免補守備以都司儘
先補用並賞加副將銜王誠並賞給奇臣巴圖魯名
號李珍國並賞給匡勇巴圖魯名號趙培元並賞給
懋勇巴圖魯名號何儒珍並賞給敷勇巴圖魯名號
吳自綱並賞給晉勇巴圖魯名號何金並賞給彪勇
巴圖魯名號林大魁等均著以都司儘先補用林大
魁等八員並賞戴花翎劉萃等三十六員並賞加遊

擊銜張振英等均著免補守備以都司歸廣東補用
並賞戴花翎楊鳳岐等均著以守備儘先補用並賞
戴花翎千總魯達等均著以守備儘先補用並賞加
遊擊銜賞戴花翎葛蔚等均著以守備儘先補用並
賞加都司銜賞戴藍翎李文煥等均著以守備儘先
補用並賞戴藍翎外委莊錦等均著以千總儘先補
用並賞戴藍翎武監生王炯著以千總儘先補用並

賞加都司銜道員蔡錦青著交部從優議敘向邦倬
著賞給霍伽春巴圖魯名號倪懋禮著賞給巴圖隆
阿巴圖魯名號以上二員並交部從優議敘李鳳書
等均著賞加二品頂戴並賞給三代二品封典蕭德
揆著賞給霍隆武巴圖魯名號知府鍾念祖著免補
知府以道員遇缺儘先補用並賞給二品頂戴楊鳳
儀著免補知府仍分發省分以道員遇缺儘先補用

並賞給二品頂戴趙子驥等均著免選知府以道員
分發省分遇缺儘先補用趙子驥並賞給齊朗阿巴
圖魯名號馬駟良並賞給吉勒通阿巴圖魯名號王
家霖著免補本班以道員遇缺儘先補用林桂清著
俟補缺後以道員儘先補用謝家瑞著免補知府仍
以道員分發省分遇缺儘先補用候補同知直隸州
知州黃增義著免補本班以知府遇缺儘先補用王

家森等四員並賞加鹽運使銜補用同知直隸州知州岑毓琦等均著免補免選本班以知府分發省分儘先補用知府賈鐸著賞加鹽運使銜熊昭鏡著賞加道銜以上二員並賞戴花翎郎中翁道鴻著俟補缺後以道員用知府陳泰崑著賞給花翎阿巴圖魯名號姚嘉驥著賞加鹽運使銜積壽著俟補缺後以道員用直隸州知州郭懷禮著以知府儘先補用先

換頂戴雲龍州知州程梁生著開缺俟補同知直隸
州知州後以知府用先換頂戴劍川州知州吳其楨
著開缺以同知直隸州知州儘先補用並賞戴花翎
候補同知直隸州知州黃君鉅等均著免補本班以
知府儘先補用梁應祥著俟補缺後以知府用先換
頂戴楊福萃等均著免補本班以知府仍歸原省儘
先補用楊福萃並賞加鹽運使銜同知曾元賡著免

補本班以知府分發省分儘先補用並賞換花翎元
謀縣知縣戴作舟著開缺俟補同知後以知府儘先
補用先換頂戴通判孫國瑞等均著以同知儘先補
用並賞戴藍翎補用同知直隸州知州許其翔著免
補本班以知府改留雲南儘先補用並賞加道銜知
縣卞庶凝等均著以同知直隸州知州儘先補用並
賞加運同銜恩安縣知縣趙鶴立等均著開缺以同

知儘先補用並賞戴花翎知州曾玉墀等均著賞加
運同銜安甯州知州傅鳳颺著開缺俟補同知直隸
州知州後以知府用先換頂戴知州李光裕著免選
本班以同知直隸州知州分發省分前
先補用並賞
加知府銜選用同知直隸州知州梁煥章等均著賞
加運同銜並賞給四品封典已革知縣王戩毅著開
復原官免繳捐復銀兩並加知州銜知縣趙鴻緒等

均著俟補缺選缺後以同知直隸州知州用並賞戴
花翎楊汝能等均著免選本班以同知直隸州知州
分發省分前先補用楊汝能等七員楊文奎等二員
並賞戴花翎康宗灝等均著免補本班以知州儘先
補用並賞戴藍翎許昭來著免補本班以同知仍留
原省儘先補用劉重發著免選本班以同知分發省
分儘先補用以上二員並賞加運同銜吳桂芬著改

留雲南免補知縣以同知儘先補用吳錫璜等均著
免補本班以同知儘先補用吳桂芬等四員並賞加
運同銜覃克振並賞戴花翎七品小京官李開仁著
免補本班以同知分發省分前免補用並賞換花翎
知州秦錫齡等均著免選本班以同知直隸州知州
分發省分前免補用並賞加運同銜候選同知直隸
州知州謝階蘭等均著以本班留於雲南儘先補用

謝階蘭等三員並賞戴花翎易朝棟並賞加同知銜
知縣周淪蕃並賞加五品銜補用同知直隸州知州
何進賢等均著賞加運同銜通判姜永齡等均著俟
補缺後以同知用先換頂戴周淪蕃等五員並賞戴
花翎州同卜湘等均著免選本班以知州分發省分
儘先補用並賞給五品封典知縣朱時遵等均著免
選本班以知州不論雙單月選用並賞戴花翎州同

蕭廷蔚等均著賞加知州銜蕭廷蔚三員並賞給五
品封典祿維藩等三員並賞戴藍翎通判胡毓璜等
均著賞戴藍翎候選府經歷縣丞沈華等均著免選
免補本班以知縣分發省分前充補用沈華等九員
並賞加知州銜岑集琬並賞給五品封典候選府經
歷縣丞吳振基等均著免選本班以州同不論雙單
月儘先選用並賞加知州銜州判周維綸等均著俟

補缺後以知縣用並賞加五品銜州同秦濬等均著
俟補缺後以知州用並賞換花翎張步雲等均著賞
加知州銜並賞戴藍翎補用府經歷縣丞彭述賢等
均著免補本班以州判儘先補用並賞加知州銜胡
兆年等均著免補本班以州判仍留原省補用並賞
加知州銜張炳等均著以本班留於雲南儘先補用
並賞加六品銜縣丞文經等均著以州判不論雙單

月前先選用並賞加知州銜按察司照磨熊錫長等
均著免選本班以府經歷縣丞不論雙單月前先選
用熊錫長等十六員並賞戴藍翎劉成忠等四員並
賞加六品銜從九品劉源長等均著免補本班以府
經歷縣丞儘先補用賓川州吏目徐金生著開缺以
府經歷縣丞儘先補用楊鳳翹韓寶慶胡嘉賓徐金
生並賞戴藍翎周永清等均著以縣丞儘先前選用

並賞戴藍翎縣丞職銜楊宗基等均著以從九品不
論雙單月儘先選用並賞戴藍翎巡檢范玉昆著免
補本班以府經歷縣丞仍留原省儘先補用並賞加
六品銜教諭朱鳳翔等四員均著俟選缺後以知縣
用並賞加國子監學正銜訓導湯鍾祥等均著賞加
六品銜並賞給六品封典沈傳基著免選本班以州
判留於雲南補用並賞加知州銜舉人鄭鵬圖等均

著以教諭儘先選用並賞加六品銜生員和漸達等
均著以訓導不論雙單月前先選用其餘出力文武
並節年各路籌辦糧餉各員並著查明請獎陣亡之
副將張漢威副將銜遊擊周之楨參將何湛源遊擊
銜都司陳學遊擊銜守備邵長科都司銜守備董良
知余彭壽彭玉千總奚祖培守備銜千總吳壽蔡正
有把總楊李保吳萬元李中山袁世才杜允和李成

才單雙林李盈沈頻發拔補把總李萬鎰傅聯培趙
美章王聯升傅聯勝田彰岳丕榮府經歷范亮寅在
營傷故之遊擊銜都司韋學輝病故之運同銜補用
同知直隸州知州耿炳青三品銜守備楊天保世襲
雲騎尉曹安國曹人傑均著交部分別從優議卹以
慰忠魂另片奏請將攻克城池及總理軍需通籌糧
餉各員並各省籌辦餉銀軍火各督撫藩司獎勵雲

南提督馬如龍鶴麗鎮總兵馬忠提督張保和何秀
林吳永安均著賞穿黃馬褂雲南布政使宋延春按
察使程誠均著賞給頭品頂戴道員韓錦雲沈壽榕
張同壽均著交部從優議敘四川總督吳棠前任成
都將軍崇實大學士兩廣總督瑞麟及江西江蘇浙
江湖南湖北協鎮軍餉各督撫及各該省藩司均著
交部從優議敘

上又諭內閣曰雲南自軍興以來迄今十有八年郡縣城池大半被賊蹂躪小民顛沛流離深堪矜憫現在地方甫就肅清流亡未集若將積欠錢糧照常徵收民力益形拮据著加恩將同治十一年以前民欠錢糧概行豁免其本年應徵錢糧著該督撫督飭地方官認真清查分別荒熟地畝酌量徵收成數奏明辦理該省前因軍務緊要調派各屬鄉勇協同官軍助

三才圖會卷四十一
三十一

勦抽收釐穀接濟軍糈閭閻不無苦累並著自本年以後永遠停止以紓民力該督撫卽刊刻謄黃徧行曉諭務使實惠均霑毋任吏胥舞弊副朕軫念民艱至意

岑毓英又奏言記名總兵陸純剛副將黃才廣等於同治七年由廣西帶勇來滇投效疊著戰功十年銷差旋粵次年又因進西軍務喫緊經

臣檄飭另募新勇到滇又有副將許士坤遊擊
范桂興等各由粵帶勇亦於十一年先後到滇
投效隨臣蕩平各處賊巢及攻克大理府各城
出力現在滇省軍務肅清各營勇均應先行遣
撤卽責成該員等管帶旋粵妥爲遣散所欠餉
銀飭辦理營務迤南道蔡錦青帶同該員等晉
省會同軍需局司道酌量補發不敷之項由廣

東欠解協滇軍餉項下就近撥發清款至 臣所
部中軍定字安字等營及楊玉科李維述張保
和何秀林吳永安任士斌等所部各營滇勇居
多隨征十載久著勤勞俟由騰越撤回亦卽撥
發欠餉分別撤留奏入報

岑毓英又奏言咸豐十年順甯府屬緬甯廳城

矢守署順雲協副將楚雄副將魁昌等殉難臣
到雲南軍營以來聞魁昌忠勇之名深爲悼惜
本年順雲肅清查明蔡逆圍攻緬甯之役魁昌
毀家紓難苦戰支持若當時外有援師內外夾
擊不難破賊解圍乃屢申告急之文僅有耿馬
宣撫司罕恩澤助以土兵濟以糧餉不幸罕恩
澤又爲族人謀害援絕糧盡遂不能支魁昌母

子均有死志慨然浚井以待迨賊連用地道轟
陷城垣內亂乘之賊遂由城缺衝入魁昌巷戰
創甚退入署中負母投井其妻及子女隨之死
焉同時署知府汪莖等被戕把總何懷清戰死
楊玉成舉家自焚其餘紳民被害甚衆蔡逆因
多傷精銳深恨魁昌自井中出其屍支解之備
極慘酷伏念魁昌扼守孤城支持三載忠孝節

義萃於一門合無仰懇

天恩飭部優加旌卹准於死事地方建立專祠並將其
母及妻子旌表附祀以闡幽光而彰忠節其同
時殉難之署知府汪堃署雲州知州吳景蘇耿
馬宣撫司罕恩澤把總何懷清楊玉成並懇優
卹一體入祀以慰忠魂奏入得

旨允行

臣等謹案雲南地處瘠貧山多瘴癘形勢固極險阻餉饋尤屬艱難回逆構亂以來用兵十有八載枵腹而戰軍無三月之糧喋血而前將少萬全之策潢池假息久道

天誅我

穆宗毅皇帝承

文考之遺謨稟

兩宮之懿訓削平巨憝底定中原

廬念邊陲

殷憂宵旰

庸賢黜佞罷徐之銘而人有奮心

命將行師擢岑毓英而事乃專任先定東南之數郡內

顧無虞進規大理之堅城長圍遂合軍聲震

赫警釜底之遊魂奸黨警疑起舟中之敵國

五經圖之卷四十一
三十三
縛渠魁而來獻懸首軍門收名郡於力攻積
尸京觀三城未下更移得勝之師五寨俱平
旋奏肅清之捷拯斯民於水火之內措巖疆
於磐石之安良由

乾斷獨伸

天威遠播

料敵則洞見萬里

馭將則倚如長城遂使南詔風清枕戈而休貔虎昆池

波定埽穴而洗鯨鯢

聖謨洋洋豈尋常所能窺測萬一哉

由中
學
等
第
一
言

欽定平定雲南回匪方略卷五十 甲戌年至己卯年

十三年五月二十日

辛酉

岑毓英奏言滇省軍興

十八載淪陷五十餘城賊中著名兇會
有杜汝秀諸逆而主謀倡亂則馬德新也該逆又名馬復初大理府下關人幼赴甘肅及關外回疆學經回滇傳教到處信從呼爲漢室老爸爸成豐六年因漢回互鬪遂首倡逆謀襲踞澂江昆陽

新興尋甸呈貢各府州縣城池七年圍攻省垣

前督臣恆春憂憤自盡附省百姓死者不下數

十萬人八年前督臣吳振棫撫臣張亮基入滇

招撫奏請賞給馬德新四品伯克職銜委充正

掌教並以徐元吉卽徐阿轟爲副掌教原冀開

導衆回遵聽約束乃竟包藏禍心復遣黨陷武

定破九甲屠戮居民前署提督褚克昌帶兵西

征連克沙橋雲南驛一帶地方杜逆告急於馬
德新該逆首卽遣其僞帥赴援十四年四月屠
楚雄褚克昌腹背受敵全軍覆沒十月襲省城
徐元吉中槍死始退歸澂江十一年又率衆圍
省前撫臣徐之銘提督林自清力不能支於同
治元年春閒與賊議撫奏請給馬德新二品伯
克職銜其餘皆優保官職二年正月馬德新復

主使馬榮等刺死前署督臣潘鐸妄擬僭稱王

號杜逆本馬德新傳教門徒割據迤西受其指

使書信往來不絕六年前督臣勞崇光病卒臣

遠征豬拱箐省城空虛該逆密通杜逆大舉竄

擾連陷二十餘城圍省二年大局垂危罪魁禍

首萬死不足以蔽辜現在羣逆削平而該逆猶

假息新興且新興尋甸投誠回衆尙未遣散儻

被煽惑恐滋事端本年三月臣商令前鶴麗鎮
總兵馬忠馳往查辦旋據報查有逆酋馬應鸞
卽馬鳳馬尙雄卽缺鼻龍與馬德新同往龍門
九村狼狽相依帶兵往捕格殺馬應鸞馬尙雄
生獲逆首馬德新臣飭雲南府知府毛慶麟等
馳往迎提行至呈貢縣之安江村該逆絕粒垂
斃遂訊明就地正法其龍門九村回衆所造僞

城亦經馬忠拆毀並詳查外路回民追繳槍礮
一併遣散至尋甸州降回不下三四千戶皆係
霑益南甯宣威平彝馬龍嵩明各州縣及東川
府屬之烏竜六坎等處回衆各雖就撫實則仍
濠州城占田屋漢民迄未復業 臣 令署迤東道
賈鐸會同署曲尋協副將任仕斌督飭地方文
武員弁勒令該降回出城繳出軍裝聽候遣散

茲據稟報已將槍礮器械追出所占漢民產業
一併追繳發還原主其貧苦脅從回人酌給川
資並籽種耕牛分起送回原籍安置惟平彝縣
屬之馬頭山阿丈沖腰站三處回民共二百二
十餘戶與漢民仇怨太深不敢回籍擬將尋甸
州城十里外絕產清查分撥計口授田與漢民
閒雜而居不容滋事漢回俱已遵從具結

臣查

逆首馬德新擾亂全滇實係元惡太愆前督
張亮基奏報業已殲斃殊爲失實該逆曾匿提
臣馬如龍寓所是以久稽顯戮今由馬忠等捕
獲伏誅洵足彰

天討而快人心可否仰懇

恩施將馬忠

逾格優獎以昭激勸其餘出力員弁由
臣彙案請獎出

自

高厚鴻慈至馬德新從人涂普義前代提臣買辦軍裝

尙存各處臣令馬忠馬青雲林懷清等分投清

查由馬如龍寓中搜獲大開花礮十六位洋擡

礮五十四位洋槍五百桿各樣槍礮一百四十

桿洋藥火藥一萬餘斤由新興龍門九村搜獲

大開花礮十五位開花礮子一萬餘顆硝磺七

千餘斤由蒙自縣阿迷州屬之沙甸大莊各回
寨控獲大開花礮五位洋槍二百一十桿各樣
擡礮一百七桿其餘零星火器軍械爲數不少
先後解交省城善後局收儲此外各回寨如尙
有私匿軍火軍裝當查明續行追繳奏入

上命軍機大臣傳諭岑毓英曰逆首馬德新業經拏獲
正法馬應鸞馬尙雄亦經官軍殺斃尋甸州降回數

千戶亦已追繳軍火器械分遣回籍辦理甚爲得手
此次尤爲出力之提督馬忠及其餘出力員弁准由
岑毓英彙案保獎以昭激勸該省甫就肅清一切善
後事宜亟應妥籌布置平彝縣屬之馬頭山等處回
民二百餘戶與漢民仇怨太深該署督現擬將尋甸
州城十里外絕產清查分撥計口授田與漢民間雜
而居必須妥慎籌布務使彼此相安不得復相尋釁

方爲盡善提督馬如龍寓中礮械等件刻下軍務肅清自不得留存寓所現經岑毓英收獲先後解交善後局存儲此外各回寨如尙有私藏者自應概行追繳惟須慎重出之不可激成事端其餘一切事宜統著該署督酌度情形慎密籌辦以副委任

岑毓英又奏言同治元年回衆就撫進省所居房屋有林自清封送回員者有回人自行占住

者紳民轉徙流離迄今未盡歸業省城各行牙
僧亦有回員把持承充商稅釐金之外別多需
索商民苦之臣現督飭署雲南府知府毛慶麟
等將省城回員回勇占住房屋清查追還原主
其回員原有田屋亦代查發還貧苦回人資遣
歸籍各行舊領牙帖一概追繳以甦民困此外
各府廳州縣自咸豐六年軍興以來回夷占買

漢產及漢民占買回夷產業均令清查明確持
平辦理使漢回夷各得其所永遠相安以仰副
朝廷撫綏邊氓之至意

六月十一日壬午岑毓英奏言騰越廳屬之烏索

寨地方距廳城一百十五里回夷雜處約有五
六百戶自杜逆作亂逆首僞甯西大將軍柳映
蒼有衆千餘人據爲巢穴上年四月騰越鎮總

兵李維述進攻廳城卽分兵圍攻烏素柳映蒼
勢蹙求撫李維述權爲羈縻具稟請示 臣檄飭

該總兵及提督於克城後乘勢殄滅旋又據李

維述稟稱雨水煙瘴交作官兵難於持久請將

徐聯魁一軍撤退使柳映蒼不疑並據徐聯魁

稟稱兵勇多染瘴癘請撤回休息 臣以騰越廳

城已下柳映蒼就撫雖不足信而匪黨無多李

維述係實缺總兵查拏餘匪是其專責遂令徐
聯魁撤回永昌而以烏索之事責成李維述令
其殲除逆首解散脅從以絕後患該總兵辦無
成效丁憂解任督臣劉嶽昭委徐聯魁接署騰
越總兵臣復檄令馳往查辦該署總兵於上年
十月初一日行抵騰越柳映蒼先已勾結邊地
野夷並收留各處漏網餘匪李國綸等肆出搶

掠復於烏索寨前後河岸山頭添築營碉負嶠
抗拒臣添派提督蔣宗漢和耀曾都司丁槐各
帶所部馳往圍剿又飭永昌府知府朱百梅騰
越同知吳起亮等供支軍食本年正月丁槐兵
抵騰越徐聯魁督同參將鄭開元等與丁槐併
力攻擊連破賊壘十餘座殺賊二百餘人丁槐
首先渡河紮營又破後甸壩城二月和耀曾蔣

宗漢兵亦至蔣宗漢卽會同和耀曾徐聯魁督帶丁槐等將沿河賊壘次第掃除四月初五等日力戰三晝夜連破雞蛋山賊壘二十餘座殺賊三百餘人陣斬雙僞將軍諸逆直薄牆壕穴地轟倒圍牆數處初九日黎明攻破賊寨殺賊五百餘人逆首柳映蒼圍門舉火自焚李國綸帶匪黨百餘人由後山逃至距烏索寨八里之

雲峯山官軍圍而殲之遂毀烏索賊寨牆壕救出難民妥爲安置臣查烏索寨形勢險要柳映蒼狡悍異常今蔣宗漢等剋期蕩平辦理尙屢妥速在事出力員弁仰懇

恩准擇尤彙案請獎以昭激勸其陣亡之遊擊顧定侯等並請

飭部分別從優議卹奏入

上命軍機大臣傳諭岑毓英曰逆首柳映蒼糾黨占踞騰越廳屬之烏索寨經提督蔣宗漢等合兵圍剿連破賊壘本年四月間將烏索寨攻克柳映蒼舉火自焚匪黨搜殺淨盡勦辦尙屬妥速惟該處毗連緬甸野夷恐有漏網餘匪潛行竄伏仍著岑毓英嚴飭蔣宗漢等認真查緝務將匪黨悉數殲除毋留遺孽此次出刀員弁准其擇尤彙案保獎陣亡之副將銜遊

擊顧定侯副將銜都司吳自綱段文升遊擊銜守備
蔣相士千總王中和均著交部分別從優議卹

光緒元年十一月初五日甲辰岑毓英奏言滇省

自軍務肅清以來查明各省協滇新餉共欠銀
五百餘萬本省軍需案內積欠各營勇餉卹賞
及文武官廉俸等項除報效銀五百五十餘萬
外其必應補發者尙有二百餘萬由藩司出給

庫收撥往各省匯領共銀九十餘萬因各省未能照數撥解不得已請將積欠之五百餘萬先籌一半照滇中匯撥庫收數目隨到隨發餘則儘數解滇綠營兵額自同治十三年始補足俸餉馬乾及文職各官養廉等項歲需銀九十八萬餘兩本省入款約收七十萬每年不敷銀二十八萬餘兩疊奉

諭旨飭催各省欠餉並准部咨由浙江福建及鎮江
東海關指撥乙亥年兵餉銀六十四萬餘兩又
由浙江省另撥丙子年春季兵餉銀二十萬兩
均經委員分往守催乃自去歲迄今所匯各營
勇餉卹賞等項銀九十六萬餘兩僅江西浙江
江蘇廣東陸續撥發銀十九萬餘兩而解滇之
項自上年正月至今收到各省舊餉不及十五

萬新撥常年兵餉則全未起解臣現與布政使
潘鼎新等酌量緩急擬將除留營未挑入練軍
之兵餉項緩發七成馬兵餉乾亦暫行緩發減
此二項每年約可少支銀二十萬兩至舊欠款
內十二年以前文武官廉俸概行抵捐

封典職銜貢監各處陣亡官弁兵勇未發卹賞祭葬
銀兩照部定新章停發五成如此暫行變通權

解日前之急一俟外餉解到卽仍照定章補發
惟留營之兵僅發三成餉銀必須酌量補給舊
欠勇餉方免潰散生事仰懇

天恩飭下四川浙江湖北江蘇廣東各督撫臣將滇
省前匯撥各營勇餉未發之項按照庫收數目
先給一半其浙江福建及鎮江東海各關奉撥
常年兵餉並懇

飭下各省關監督照數迅速撥解俾滇省營伍及各
項事宜早復舊制邊疆幸甚奏入

上命軍機大臣傳諭沈葆楨李鶴年劉坤一吳棠翁
同爵張兆棟岑毓英吳元炳楊昌濬王凱泰丁寶
楨曰滇省餉需極形支絀營伍善後諸事掣肘若
不通盤籌畫必致坐困堪虞岑毓英現擬變通章
程卽著照所籌辦理以顧目前之急該省餉項甚

屬不敷亟應速籌接濟著沈葆楨劉坤一吳棠翁
同爵張兆棟吳元炳楊昌濬督飭藩司將滇省從
前匯撥各營勇餉未發之項按照庫收數目先給
一半此項匯款通共僅欠七十餘萬兩先給一半
不過三十餘萬兩各該省縱有爲難籌此無多之
餉當不致大有所損而滇省處萬難之際得此安
輯軍心實於全局裨益匪淺沈葆楨等務當通力

合作俾濟要需至浙江福建及鎮江東海各關奉撥常年兵餉著沈葆楨李鶴年吳元炳楊昌濬王凱泰丁寶楨督飭司道迅速如數籌解不得意存膜視

岑毓英又奏言據在籍紳士翰林院編修尹蕭怡等呈稱雲南自咸豐六年辦理軍務以來籌捐經費抽收釐穀支發餉糈計數甚鉅今部議

以前所請加永遠中額學額與新章不符改爲
暫廣一次伏思雲南疊遭蹂躪百姓困窮而歷
年捐輸多至一千七十四萬九千餘兩實屬不
遺餘力乃各省軍務捐輸廣額俱蒙

恩允而雲南不獲同邀

異數未免向隅等語臣查雲南紳民捐輸同治八年
已經奏明俟軍務告竣彙請廣額奉

旨飭部議准與現在新章未經部議覈准概不能加永
遠定額之案原有區別况雲南從未請加中額
更與他省已加永遠中額者不同可否仍懇

特旨加廣雲南文武鄉試永遠中額各若干名出自
逾格鴻慈奏入

上諭內閣曰前據岑毓英奏請加雲南文武鄉試永
遠中額各十名當經部議與新章不符改爲加廣

一次文武鄉試中額各二十名茲復據該撫奏稱雲南自軍興以來紳民竭力捐輸十有餘年覈計捐銀一千零七十餘萬兩從未請加中額與他省已加永遠中額者不同仍懇加雲南文武鄉試永遠中額等語加恩著照所請雲南文武鄉試各加永遠中額十名以示嘉惠士林之意

五年六月二十二日
甲子翰林院侍講王先謙奏

言已革雲南巡撫徐之銘咸豐八年在滇臬任
內勦辦東路回匪蒙

文宗顯皇帝天恩錄其微勞

特命護理巡撫旋卽實授時回逆尙未鷗張不難撲滅
詎徐之銘置要務於不理遂至叛亂四起不可
收拾徐之銘始則縱回以虐民繼且挾回以自
重

朝廷諭旨視若弁髦陳奏欺罔一無足據廷議未由
措手邊陲幾致淪胥

國家費千百萬之帑金黎庶遭十數年之塗炭皆
徐之銘一人之所爲也又日事荒淫廉恥蕩然
藩司鄧爾恆升任陝撫徐之銘畏其叅奏遣已
革副將何有保刺殺之值中原多事之秋

朝廷不遑南顧姑予包荒迨同治二年逆回杜汝秀

之黨馬榮戕害督臣潘鐸襲入雲南省城徐之
銘家屬爲賊所得猶復覩顏苟活時署雲南布
政使臣岑毓英率衆千餘據守藩署血戰數日
馬逆見勢不敵遣徐之銘來營說和徐之銘改
易回裝白帕抹首與岑毓英相見岑毓英鳩集
兵練破走馬逆省城危而復安徐之銘粉飾奏

聞

命革職來京聽候議罪徐之銘遷延不行於同治三年
在省服毒身死綜其生平行事目無

君上滅絕人倫誤

國殃民偷生附叛種種罪蹟擢髮難數雖寘極典
不足蔽辜乃其身旣幸免刑誅其子嗣尙列名
仕籍其何以爲後來疆 臣炯戒耶 臣昔銜

命使滇該省官民追溯亂源語及該革員劣迹穢聲人

人髮指今邊域粗平公論大著該革員情重罪
大可否請

旨查辦並將其罪狀明白

宣示生前官爵悉予追奪行查原籍將其子一併褫
革不准出仕應試恭候

聖裁奏入

上命軍機大臣傳諭劉長佑杜瑞聯岑毓英曰王先

謙奏已革雲南巡撫徐之銘於升任巡撫時不理
要務縱回虐民繼且挾回自重陳奏欺罔又復行
止穢亂廉恥蕩然遣已革副將何有保刺殺升任
藩司鄧爾恆逆黨馬榮襲入省城戕害督臣潘鐸
岑毓英率衆血戰徐之銘赴營說和城復後粉飾
奏聞迨奉

命來京聽候議罪遷延不行請追奪官爵不准其子出

平定回疆方略卷三十一
二十五
仕應試等語卽著劉長佑杜瑞聯逐一查明確切
具奏岑毓英久在滇省且與徐之銘共事該故員
罪狀更所深知著卽詳細據實奏聞

八月二十四日

乙丑

貴州巡撫岑毓英奏言欽奉

寄諭翰林院侍講王先謙奏已故革員情罪重大請
旨查辦等因 臣查已革雲南巡撫徐之銘畏葸無
能遇事失措其所爲久在

聖明洞鑒之中臣前代理雲南布政使時逆燄方張
帶兵勦賊之日多辦事在省之日少該故員行
事未能深知至其帷薄不修遣客行刺人言藉
藉誠非無因臣當時身在軍中亦未得其實據
惟臣與馬榮血戰之際徐之銘曾改裝來營爲
馬榮遞書講和臣答以逆情反覆惟有決死戰
以報

皇恩斷不爲其煽惑徐之銘無辭以對亦卽留 臣營
中協同督隊旋卽破走馬榮肅清省會此徐之
銘赴營說和之情形也徐之銘受

國厚恩不能見危授命本屬罪無可逭揆其赴營
說和無非全軀保妻子之計尙非甘心附逆當
日滇事垂危智巧之士避之若浼徐之銘與民
守之弗去是又愚中之一得故死後尙有百姓

歎息追思而爲之呈請開復

賜卹者臣又不能不爲徐之銘陳之也

十月初六日

丙午

雲貴總督劉長佑雲南巡撫杜

瑞聯奏言伏查徐之銘自咸豐九年陞任滇撫以後廢事貽誤咎無可辭至其帷薄之私雖有傳聞均無實據調任陝西巡撫鄧爾恆被戕係副將何有保謀劫輜重嗾其悍黨戴玉堂等所

爲何有保旋亦爲戴玉堂所殺經前署督 臣潘

鐸究出實情將何有保戴玉堂等分別戮屍正
法以外並無主謀惟馬榮襲省之時徐之銘實
有赴營說和之事當時岑毓英正在與賊決戰
而徐之銘因馬榮遣人遞書講和遂改服親赴
岑毓英軍營計議未諧旋卽會商戰守肅清省
城嗣後徐之銘奉

命來京聽候議罪適前署督臣潘鐸被戕新任督撫均
未入滇回情洶沸滇民間徐之銘北上紛紛攀
留徐之銘目擊情形不得不勉從其請迄今滇
省士紳追述其事尙無異詞臣等謹就訪查所
得據實奏陳均奏入

上諭內閣曰前據翰林院侍讀王先謙奏已故革員
雲南巡撫徐之銘情罪重大請追奪官爵不准其

子出仕應試當諭令劉長佑杜瑞聯岑毓英將該
侍讀所陳徐之銘罪狀確查奏聞茲據該督撫先
後覆奏大略相同徐之銘身膺疆寄當雲南回匪
變亂之時遇事失措畏葸無能咎無可辭至原任
陝西巡撫鄧爾恆被戕一案前經署雲貴總督潘
鐸查辦將副將何有保等正法並非徐之銘主謀
其所奏徐之銘爲逆黨馬榮說和一節當時該革

員會改裝赴岑毓英軍營計議因岑毓英壹意進
勦旋即會商戰守肅清省城亦非甘心從逆徐之
銘前已奉旨革職王先謙所請不准其子出仕應
試之處著毋庸議

臣等謹案回漢雜處歷久相安回民亦

朝廷赤子也迺以微嫌互鬪與漢爲仇而牧令措置
失宜遂致鋌而走險勢極燎原若雲南逆回

之事可覆按也雲南三迤之亂始於咸豐六年馬德新素以誦經傳教煽惑衆心首倡逆謀攻陷澂江諸郡而其徒杜汶秀者桀黠專忍跋扈強梁爲圍埂回衆迎入大理府大理古六詔地點蒼洱海山川阻深復得蔡七二等爲之死黨於是隱然有割據之心逞其梟雄相爲首尾疊破名郡屢圍省城西擾蜀邊

東略黔境甚至蓄髮變服鑄印設官賊殺督
臣僭署偽號我師進討日久無功蓋其地本
蠻夷幅員遼闊一州一邑動輒千里山深瘴
厲旣坐困於壺頭兵少力分竟相持於官渡
此用兵之難一也兵燹所及榛莽塞途商旅
不行稅課虛額軍前犒士闕關子之見錢夜
半唱籌聽呼庚之屢語此用兵之難二也加

以強寇憑城疆臣失算巽懦者腹心妄寄慊
慨者肘腋變生議撫頻仍事機反覆一十八
載軍士興久役之嗟五十三城生民有淪胥
之慮我

穆宗毅皇帝膺圖下武

功治中興恢張

帝之遺囑稟受

卽之垂訓

中原於底定

塵邊寓之澄清

決策無遺

知人善任萬里之外不隔於階前九地之兵忽來自天

上而在事諸臣如岑毓英等克總師于親臨

前敵驕將遵其約束壯士奮其赴桓萬衆一

心羣賊喪膽據建瓴之勢東南先就蕩平販
破竹之威迤西從而戡定杜曾授首拔大理
之堅巢馬逆伏辜埽新興之餘孽三軍奏凱
全省肅清校績論功美矣盛矣自非

天威有赫

略如神賞不逾時罰必當罪奚能使懸軍深入被
先登電震風馳剗積年之逋寇水深火熱

久困之遺黎也哉 臣等恭奉

綸音與修方略伏見

毅皇帝機宜默運

謨

烈同光益知邊徼之庸公悉本

深宮之

指授况復

聖恩疊沛逋賦盡予蠲除

寬政宏敷脅從均邀曲赦

義征仁育浹髓淪肌信乎渡瀘之勳南人不反入蔡之
役同我太平矣茲編纂勦平滇回方略若干

卷進

呈謹就管窺所及敘述大略於左